

6
19-b
139



S. Maria Magdalena

6-19-b. 139





BERNARDI ZAMAGNAE S. J.
NAVIS AERIA
 E T
ELEGIARUM
MONOBIBLOS.




EXCUDERAT ROMAE PAULLUS GIUNCHIUS


ANNO R. S. CIOIOCCCLXVIII.

PRAESIDUM FACULTATE.





MARCHIONI
IOANNI PATRITIO
VIRO NOBILITATE HONORIBUS
BONARUM ARTIUM PATROCINIO
PRAESTANTI
RAYMUNDUS CUNICHIUS S.J.
SODALIS SUI CARMINA
D. D. D.



ELEGIA.

P Arve liber, culto quem nuper Musa Zamagnae
Dictavit Pindi vertice in aërio;
Ille mihi multo scriptum comptumque lepore
Misit dulce suae pignus amicitiae:
Non ego te patiar privata in sede morari
Inque meo ignotum delituisse lare,
Dum positum pulvisque tegat, blattaeque latentes,
Vel tineae morfu, erux genus, omnivoro
Pertundant foede. clades haec dira libellis
Ingruat, invitis promere quos Charisin,
Calliope invita pergunt, incommoda saeculi.

Suffeni, proles impia, vel Bavii,
 Vates stultiloquis complentes omnia nugis;
 Nil canere adfueti ni Venerem & Puerum
 Et pulchros dominae flammam jaculantis ocellos;
 Et genus hoc tricas scilicet atque apinas.
 Hos nocte in caeca mergi decet, hos dare blattis
 Inclusos pluteo prandia lucifugis.
 Tu, mihi si qua fides, prodi jam lucis in oras;
 Aude age te populo credere, perque manus
 Ire hominum atque acri censorum lumine cerni.
 Nil aequo est hercle ab iudice quod metuas;
 Sive legat caeli nantem in sublime carinam,
 Solerti vates quam struit ingenio,
 Propellitque novus Tiphys, monstrante Minerva,
 Credo equidem, & campis victor in aëriis
 Quo lubet unde lubet flectit sub caerula vestam
 Nubila, spectaclum gentibus; attonitae
 Magnam quae molem capiti superimpendentem
 Defixis monstro suspiciunt oculis:
 Sive poli Dominae laudes cognoscere malit:
 Quam vates pulchro captus amore canit;
 Quam sequitur quacunq; tulit se dia puella;
 Et sese formas concitus in varias
 Induit, exultatque doletque; ingentia mire
 Ingenti miscens gaudia moestitiae,
 Ardescensque urensque sinus & corda legentum.
Qualis

Qualis Felsinei musa (a) senis, merito
 Cui Thusci assurgunt vates, vatesque Latini,
 Atque mera e labris effluit ambrosia,
 Dulcior & cyeno & Pandionia philomela,
 Cantabat sanctis ista cupidinibus;
 Cantanti patrio Rhenus plaudebat ab alveo,
 Plaudebat totis urbibus Italia.
 Felices ambo! fertum Jesseis utrique
 Stellifero in caeli vertice diva parat.
 Ergo age, parve liber prodi: nil uspian ab aequo,
 Nil inquam est aequo ab iudice quod metuas;
 Non es quem possit contemnere candida turba.
 Nam tristi livet si quis ab invidia,
 Stultitia est quenquam quavis huic velle probari.
 Cui, quanto res est pulchrior & melior,
 Tanto ingrata magis mentemque & lumina laedit;
 Cui quisquis tandem se placuisse velit,

(a) Franciscus Zanottius vir singulari doctrina atque orationis elegantia scripsit elegias in praecipua festa B. M. Virginis; quae Bononiae typis editae sunt anno 1751. Harum lectione atque admiratione Zamagna excitatus in eodem argumento quid ipse posset expertus est. Utinam multi existant, qui utriusque exemplum sequi velint, ac eodem in sanctissimam Dei matrem amore inflammati, conferant ad ejus laudes illustrandas poeticam facultatem quam nunc quidem in res levissimas bonaeque frugis inanissimas flagitiose profundunt.

Et foedi faevos monstri placare furores,
 Mollis, iners, animi parcus & ingenii,
 Gaudeat in vili obscurus reptare popello,
 Nec laudis quidquam cogitet eximiae.
 Tu me audi, obsceniq; gregis fannasque, cachinnosque,
 Et dicta, & morsus temnere ne dubita
 Contentus paucis, qui te vultuque benigno,
 Certatim & cupidis excipient manibus.
 Cerne, favent plauduntque tibi Bonamicus, atque
 Staiades, coetus luminæ Pierii;
 Atque alii, quorum quemvis ego scilicet unum
 Sexcentis longe millibus antefero.
 PATRITIUS nulli quos inter cesserit ille,
 Ille amor, ille urbis gloria Romuleae.
 O PATRITI salve, o Romae decus; o bone magnum
 Hoc PATRITI duro in tempore praesidium
 Vatibus, omni omnes tibi quos adjungere pergis
 Officio, & dulci magnus amicitia
 Dignaris parvos; in coetu & carmen eodem
 Saepe tuum laeta voce canis. virides
 Arcadiae testor lauros, collemque beatum,
 Et nemus & nemoris numina Parrhasii.
 Salve iterum, atque mei quae mitto pulchra sodalis
 Dona (tibi faveat sic tua Musa) cape:
 Cunctantemque domus tuta intra septa libellum
 Coge tuo inscriptum nomine perque manus
Ocyus

Ocyus egressum perque ora incedere vulgi;
 Nemo tuo clarum nomine laedet opus.
 Fide patrocínio tali, jam fide libelle,
 Qualiscunque nihil jam tibi permetue.
 PATRITII dicere liber. fac caetera desint
 Omnia, res una haec sospitem & incolumem
 Praestiterit. livor frustra latrabit, amaris
 Frustra te dictis lingua inimica petet.
 Ut Phoebi postquam dignata est laurus amore,
 Et dici germen coëpit Apollineum,
 Nil tristes metuit nimbos caelique fragorem
 Horrificum: illa viret sacra comam, patulos
 Diffundens late ramos; flammantia circum
 Tela Jovis magno densa cadunt tonitru.



IMPRIMATUR.

Si videbitur Rmo P. Magistro Sacri Palatii Aposto-
lici.

*D. Jordani Patriar. Antioch.
Vicesgerens.*

PHILIPPUS DE ILCIO S. J.
IN PROVINCIA ROMANA
PRAEPOSITUS PROVINCIALIS.

CUM Librum, cui Titulus: *Navis Aeria libri duo, & Monobiblos Elegiarum*: a Bernardo Zama-
magna Societatis Nostrae Scholastico conscriptum, &
aliquot ejusdem Societatis Theologi recognoverint, &
in lucem edi posse probaverint, potestate Nobis a R.
P. Laurentio Ricci Praeposito Generali ad id tradita
facultatem concedimus, ut typis mandetur, si ita iis,
ad quos pertinet videbitur. In quorum fidem has litem-
bras manu Nostra subscriptas, & Sigillo Nostro muni-
tas dedimus.

Romae 4. Martii 1768.

Loco ✕ Sigilli.

Philippus de Ilcio.

A P-

A P P R O B A T I O .

JUdiciū meum jampridem a me declaratum de
 Elegantia ac nitore carminum Bernardi Zamagnæ
 gavissus sum iterum confirmandi mihi opportunita-
 tem dari, cum jussu Rm̃i P. S. P. A. Magistr̃i ejus-
 dem *Navim Aeriam*, & *Elegiarum Monobiblon* perlege-
 rem: uberrimam enim semper in illo poeseos copiam
 ac in rebus fatis obscuris, ac a musarum consuetu-
 dine remotis singularem dicendi facilitatem pari cum
 venustate conjunctam perspexi. Itaque, cum nihil Re-
 ligioni bonisque moribus obsit, librum hunc studioso-
 rum & voluptati & utilitati esse posse, si publici juris
 fiat, censeo.

Datum Romæ Prid. Cal. Mart. 1768.

*Benedictus Staj SS. D. N. ab intimo
 Cubiculo & ab Epistolis latinis.*

A P P R O B A T I O .

Permagni refert ad Latini sermonis elegantiam vel retinendam, vel propagandam, ipsum diligenter excoli, & cuivis argumento accommodari. Hanc egregiam laudem assecutus est V. Cl. Bernardus Zamagna Societatis Jesu in iis Carminibus, in quibus nemo verborum nitorem, sententiarum acumen, numerique variam, & aptam compositionem, &, quae maxime Religiosum hominem decet, Christianam pietatem desideret. Utinam ea legant qui inepta quaeque (modo externo sermone conscripta) avidissime inquirunt, suspiciunt, exotulantur, latina omnia contemnunt. Ego vero perlibenter legi, ut mandatis Rm̃i Patris Thomae Ricchini S. P. A. M. obtemperarem, cui vere sancteque confirmo, nihil iis inesse, quod Catholicae Religioni, bonisque moribus adversetur; & propterea posse quidem illa in publicam, lucem, atque in manus hominum emitti. Datum Romae die 17. Januarii 1768.

Philippus Bonamicus S. Theol. Doctor.



I M P R I M A T U R .

*Fr. Thomas Augustin. Ricchinus Sacri Palat. Apostol.
Magist. Ord. Praedic.*

BER-

BERNARDUS ZAMAGNA S. J.

A D

RAYMUNDUM CUNICHIMUM.



ELEGIA.

V Ocalem aonio celebratam carmine nympham
 Quae prius (a) arbitrio supposuere tuo,
 En aliud, Raymunde, ferunt opus ex Helicone
 Adcitae nostro nomine Pierides
 Indiſtumque novumque. nova ac indiſta placere
 Quippe puto vacuas miſſa per auriculas,
 Praeſertim ſi naturae e penetralibus ipſis
 Eruta Apollinea luce nitere queant,
 Muſaci ac veluti mellis contacta liquore
 Lectorum captos blanda tenere animos,
 Patritium in primis, qui me complexus amore
 Meque

(a) Eidem namque & aliam ſcripſit auctor elegiam,
 quae in illo extat libello, cui *Echo* nomen. Una au-
 tem *Selecta e graecis carmina* elegantiffime ab eodem
 Raymundo latine verſa habentur.

Meque measque bonus respicit Aonidas,
 Altius est terris (b) mi nunc iter; altius egit
 Bellerophonteis artibus edomitus
 Ales equus Pindi audentem trans & juga celsa,
 Trans & Parnassi laurigeri nemora
 Ventorum in sedes: terras unde arduus omnes
 Subjectas pronò lumine despiciam
 Ipse regens celeri volitantem flamine currum,
 Per liquidum ipse notans aera primus iter.
 Nec Myniis adeo metuum contendere, nec me
 Cretaeus multo vincet honore faber;
 Quamquam illi intactae primi rabiem amphitrites
 Pacarint nemoris Peliaci trabibus;
 Ille autem aligeras volucres imitatus ad arcem
 Incolumis tandem venerit Euboicam,
 Incolumis, non & felix. tuus, Icare, casus
 Heu misero patri gaudia subripuit.

Cujus

(b) Recte inquit sibi nunc esse iter terris altius,
 quum prius de Echus natura egerit, nunc veto de
 aëria navi acturus sit, quam P. Franciscus Lana non
 poetice minus quam ingeniose adornavit. Ejusdem
 etiam possibilitatem, ut ipse dicit, planiore ac sim-
 pliciore modo demonstravit Tentam. X. primae par-
 tis Colleg. Curiosi editi Norimbergae anno 1676.
 Johannes Christophorus Sturmius Phil. M. Mathem. ac
 Phys. in Inclyta Altdorffina P. P. & h. t. Univers.
 Rector.

Cujus ut innantes plumas despexit in undis,
 Aeternum optavit pendere supplicium,
 Hospite quod crebro flentem pro flavo Ariadnam
 Adjuvit contra Pasiphaes sobolem.
 O puer, o patri luctus, quid mi tua saepe
 Fata refers? animus non mihi tabificum
 Ardentis jubar ad phoebi contendere velas
 Altior incedat flammeus ille polo.
 Nil mihi cum volucrum pennis: nova Palladis Argo
 Surgit in acriis arte regenda plagis;
 Tiphys & alter ego florentis robora pubis
 Ducam lascivis carbasa dans Zephyris.
 Ecce mihi Uranie puppi comes adsidet, ecce
 Ad mea hyanteas vota vocat socias.
 Cui faveant musae, violenti Strymonis undas
 Froenat, & umbrosam voce mover Rhodopen,
 Thebanasque novis circumdat moenibus arces,
 Et fertur magno sospes in Ionio.
 Si velit; & suavi potis ille extinguere cantu
 Ipsius irati flammea tela Jovis,
 Et potis auratos (c) nexus diffringere, mundi
 Tollere queis iuret moenia cum superis.
 Nam simul ac sacro vox edita varis ab ore
 Illius se in cor detulit insinuans,

Sub-

(c) Homerus *Iliad*. lib. VIII.

Subsiduntque irae, totaque in fronte renidet
 Dulcis pax almae filia laetitia:
 Ipsius & sceptro super illa avium regina
 Hinc atque hinc laxans parte ab utraque leve
 Remigium alarum, postquam est adfusa soporis
 Nubes lenito nigra supercilio,
 Suave oculis claustrum, somnos placide levis efflat,
 Atque efflans dorsum subrigit uvidulum.
 Gaudet quin etiam cantu Mars caede cruentus
 Haltarum oblitus tunc & equum & clypeum:
 Altaque dii quotquot caelestia templa frequentant,
 Ec ducunt haustus ambrosios cyathis.
 Jupiter at quoscumque odit male per vaga ponti
 Aut freta, terrarum vasta per aut spatia,
 Pieriae inlecebras oderunt vocis; & acer
 Coeus, & Iapetus sub styge, & Enceladus;
 Quique olim eductus Cilicium sub rupe (d) Typhoeus,
 Nunc Cumis, nunc & litoribus siculis
 Subpoſtus graviter premitur. ſua pectora ſetis
Nunc

(d) Virgilius quidem *lib. III. Aen.* & P. Cornelius Severus ſub Aetna conlocant Enceladum: at Pindarus *Pyth. od. 1.* non Enceladum ſed Typhonem qui & Typhoeus dicitur, Aetna in Sicilia premi adfirmat: ait enim

τυφως ... χιον δ' ὑρανια συνεχει νιφορροσ' Αιτνια,
 παρυτες χιονος οξυας τιθνηα &c.


Hispida caelesti mole gravat cohibens
 Aetna pruinosae semper nivis horrida nutrix.
 Quae dum sol rutilat clarus in axe, sinu
 E rabido picea fundit caligine nubem:
 Mox idem quum se Tethyi restituit,
 Purpureum eiciens ignem, flammantia volvit
 Terrifico rapidum saxa sono in pelagus.
 Ardet inextincto volcania gurgite sedes,
 Aestuat horrendis ignea vorticibus,
 Spectaculum infelix, mirum: seu viderit ullus,
 Seu narrantem etiam fors alium audierit,
 Subter (e) ea ut jaceat vinctus, duroque cubili
 Ille miser curvarum adterat usque latus.
 O mihi sit placuisse Jovique & caelitibus dis,
 Quos & flos cantus, flos juvat, & citharae:
 Ingemat aetnea frustra sub rupe Typhoeus.
 Non mi etenim Scythico corda rigent Chalybe,
 Saeva nec admovit mi nutrix ubera tygris,
 Non Syrtis, non me Scylla vorax genuit.
 Cantum amo, musarumpue choros: meme bona vidit
 Nascentem haud laevo lumine Calliope.
 Nam velut aërio subluçens tramite nubes,

Aut

(e) *Subter ea*.... nimirum sub aetna, sub qua reli-
 gatum jacet Typhoei pectus, & ut Pindarus ait, ἰπὸν
 λαχύνειν.

Aut vento , aut radiis percita apollineis ,
 Jam gravior iusto paulatim liquitur uda ,
 Et vapor irriguam solvitur in pluviam ;
 Quam subter , casu postquam celeri delapsa est ,
 Excipit aridulo terra inhians gremio ,
 Suave croco aut molli violae calchifve levamen ,
 Quum ferus arentes Syrius urit agros .
 Sic ipse audito almo Heliconiadum concentu
 Protinus in suavem laetitiam solior :
 Quae penitos dum per sensus dulcissima serpens
 Imis fibrarum se insinuat latebris ,
 Non est me risu aut gaudens nata illa Dione
 Laetior , aut si quid laetius est Venere . (luptas
 Quod bene quum noscas , quumq; haec mihi parta vo-
 Non sine te (quid enim te sine profuerit
 Infita naturae vis non exulta per artem ?)
 Die age , te pudeat num , Raymunde , mei ?
 An potius videar te dignus ? ubi adnuis ipse ,
 Adnuet & pindo Phoebus ab aonio ;
 Ac duce sub tanto tendentem vela per auras
 Non Hyades , non me terreat Oarion .





BIBLIOTECA DEL
ROMA
VITTORIO EMANUELE



ALTER ERIT TUM TIPHYΣ , ET ALTERA
QUAE VEHAΤ ARGO
DELECTOS HEROAS

Virg. Ecl. iv. ver. xxxiv.



NAVIS AERIA.

3

LIBER PRIMUS.



UA valeat remis & vento concita pup-
pis
Nare per aërios tractus ; quamam aethere
in alto

Arte regi , latias cantu vulgare per urbes
Primus (a) ego incipiam . Longe juvat aeris ire
Per medios liquidi campos ; juvat invia ferri
In loca subvectum rupes atque ardua supra
Culmina parnassi , nostris modo candida coeptis
Uranie adspires , primam si condidit Argo
Per non tentatos ausam decurrere fluctus
Colchidos ad fines Pallas ; tu nunc , dea , condē
Argo aliam , latas caeli volitare per oras
Quae sciat ; atque novas artes , nova foedera rerum ,
A 2 Aeriaf-

(a) *Primus ego incipiam* jure quidem ; quum
integrum hujusmodi argumentum nemo , quod sciam ,
versibus illustraverit ; quamvis & Robertius disertus ille
leporum pater ac facietiarum , & alii fortasse partem
aliquam attigerint ; recentissime vero Mazzolarius in
poemate elegantissimo , quod sub Parthenii nomine
edidit , prope finem *lib. V. Electr.* hujusce rei mentio-
nem fecerit .

Aëriasque doce vires . tua gloria tanto
 Major erit ; puppes quantum super iverit omnes
 Haec alias , quantum maria ima excedit olympus .
 Tuque adeo nostrae merito pars altera famae
 Huc ades aonias musarum exculte per artes ,
 Ac tenuem quamvis curam ne sperne (b) , Marine .
 Debita jam Marco perfolvi carmina : nostrum
 Hoc tibi surgat opus , quando florentibus oris
 Pieridum jam templa patent , nec mitis Apollo
 Audentem frustra pindo me spectat ab alto .

Seu quis (c) daedaleos mitatus in aëre cursus
 Gnossiaco è regno , seu quis per inania missas
 Arte Tarentini Archytæ , nova monstra (d) , volucres ,

Me

(b) Alter hic auctoris frater , Marinus nempe , quem hoc in carmine adloquitur , alium jam in eo adloquutus , cujus Echo argumentum , prodijtque typis eisdem editum Romae anno 1764. , propediem etiam in Hollandia recusum prodibit .

(c) *daedaleos* Hesiodus quidem tertiam huius vocis syllabam produxit , & Horat. Flaccus in Odis non semel . At Homerus corripuit Iliad. lib. δ. Ζαῦτηρ δαυδαλεος &c. & lib. θ. δαυδαλεὸν θυρηκῆ , τῇ θοῖσιν χαμῶ τευχῶν &c. quem sequuti sunt praeter alios , & Propertius lib. II. Eleg. XI. edit. Elzév. *Daedaleum* *sino quum duce rexit iter* &c. , & Columella de cultu hort. inquires : *neu tibi daedaleae quaerantur munera dextrae* &c.

(d) De hac re videndus Plinius in *nat. hist.* Aulus Gel.

LIBER PRIMUS.

9

Me quoque principiis insistere credit iisdem ;
 A vero longe fert se avius . illa petenda
 E rapido aurarum pulsu est ars omnis , & una
 Corporis e textu formaque ipsius : in altum
 Ceu pueri quum saepe jubent , si vespere fero
 Occiduis auras Zephyrus levis excitet alis ,
 Tollier ardenti simulatos igne cometas ,
 Pithonum aut formam , aut cadmeae corpora sphynxis ,
 Vidi ego & aoniis (e) penetralia sacra camoenis ,
 Thelegoni qua se tollunt juga roscida , & altae
 Pinifero placide adsurgunt in vertice villae :
 Illic pegasidum resonó chorus adsidet antro
 Omnis , & ingenti motu dum pulsus aquarum
 Profiliens aer caecis e sedibus exit ,
 Conventus inter varios & carmina laeta
 Buccina & arguto reboat tritonia cantu ,

A 3

Et

Gellius *in noct. att.* Regiomontanus , Petrus Jac. Martellius in Dialogo de Volatu , ac praesertim Franciscus Lana S. J. celebris in Italia ac philosophus suo tempore ac mathematicus , qui praeter aeriam navigationem , etiam artem hujusmodi diserte docet *in suo prodromo ad lib. mag. nat. & art.*

(e) Haec quidem de Pamphiliorum tusculano intelligenda ; in quo nihil eorum desideres , quae vel ad amoenitatem spectant vel ad magnificentiam . Lusus vero illius pilae ab aëre suspensae in eodem habetur , uti vocant , musarum cubiculo .

Et gracili curam solatur arundine Cyclops.
 Te memorans, Galatea, tuo succensus amorē:
 Tum pila, vis animae qua sese erumpit, in altum
 Tollitur, ac mota trepidans colludit in aura
 Illa diu, prono nec decedit incita casu,
 Spiritus excito pariter ni flamine cesset.
 At mihi non Zephyri venientis sibilus urgens
 Ille ratem, optandus: fileat nemus omne, neque ullae
 Aeoliis spirent emissae rupibus aerae;
 Posse dabis tamen hanc nubes evadere in altas
 Sponte sua, postquam certas prius ordine leges
 Aeris, ac varios mecum heic expenderis usus.

Principio terrae vastos circumfluit aer
 Ambit, & insequitur tractus, & mollis eandem
 Induit in faciem sese: nisi fervida quantum
 Asperat ardeptis phoebe vicinia ventos
 Illa ciens; quantum Sol ipse, aut proxima sursum
 Luna trahit, tumidoque jubet, confurgere dorso.
 Nec vero usque sibi constans (f) infraque supraque
 Aer

(f) Quum sit (per Nevv. in opt. pag. 342.) noster aer a totius atmosphaerae pondere compressus, densitasque ipsius aeris proportionalis vi comprimenti; insertur, eundem aerem 7. millia passus altum a terra rariorem esse quatuor vicibus, quam in superficie; altum 14. millia passus, rariorem esse 16. vicibus; & ita porro, in pro-

Aer mole pari se densat. rarior usque
 Liquitur, ex humili tellure adsurgit in altum
 Quo magis atque magis, dum se dissolvat inane
 In spatium, quidquam nec tanta e mole superfit.
 Ante tamen, penitus languens quam corpore toto
 Deficiat, per iter se immensum tendit in astra;
 Ac triviae fors ille levi confunditur (g) unda,
 Quae pelagi in morem rutilam pellucida cingit,
 Aut Martis Venerisque etiam, fluitante vel aura
 Ipsius undantis phoebe. verum adpulit illaec
 In loca ubi sese, vix ullum rarus ad usum
 Sufficit, ac tantum vapor indeprentus oberrat.
 Non radios diae jam quit reflectere lucis,
 Non roseo pulchrae titanidos ora colore
 Pingere, quum rutili celerat praenuncia phoebe
 Mane novo; nec item per fera crepuscula lucem
 Vel retinere, moras properae vel tendere nocti.

A 4

Non

portione nempe geometrica, ut ait Beniam. Martin in
 adnot. ad G. S., collata cum proportione arithmetica
 altitudinis ejusdem &c.

(g) Doctissimus siquidem Boscovichius in ea est opi-
 nione, quam certissimis innixam observationibus atque
 argumentis vulgavit in dissert. de Lunari atmosphaera:
 nimirum haberi circa lunam fluidum quoddam homoge-
 neum simile nostrae aquae, quod nempe certum habeat
 limitem superficiei supremae, in qua plurimum adhuc dif-
 ferat a circumjacenta aethere, multo densius eodem sit &c.

Non aestus minuit rabidos, non tela retundit
 Per medium contorta diem phoebea; nec illum
 Ebibit, epotumque hominum per membra calorem
 Insinuat, quo vita viget, quo frigora ab aestu
 Ad sua paullatim transit nox uda, suumque
 Frigora post noctis lux candida transit ad aestum.
 Ille quidem haec. terris majoraque commoda praestat;
 Ante (h) ducenta pedum ferme quam millia supra
 Evolet, ac vasto late se fundat olympe.

Jam porro in multis, nondum quum tanta tulere
 Se in spatia hinc aurae volucres, data scilicet illis
 Natura est eadem, ac pelagi fluitantibus undis,
 Multaque habent parili consortia munera fato.
 Unda fluit, refluitque; viam se lubrica in omnem
 Insinuat, gressumque infert, nec cedere rursus
 Abnegat, aut vacuum divisa relinquere callem,
 Obvia si veniant pellentia corpora. & aer
 Sic fluit ac refluit, magno & se corpore miscet
 Insinuans, quacumque patet via libera, & omnem

Pro

(h) Quamvis certi nihil de altitudine, ad quam
 aer se protendit, pronunciari possit; Keillius tamen,
 observatione crepusculorum usus, aerem adhuc sensi-
 bilem ad 44. mill. pass. in alt. extollit. Videndus & Bo-
 scovichus in hanc rem; praesertim in dissert. de *Aur.*
Boreali, in adnot. ad *car. Caroli Nacetii*, in *suppl. ad Phil.*
Stey. & in dissert. cui titulus: *Nova Methodus adhibendi*
phasen in Eclips. Lunaribus. Subtilius enim ceteris, ut
 solet, diligentiusque inquisivit.

LIBER PRIMUS.

2

Pro varia regione loci formam accipit. idem
Stare loco nescit, si quando impellitur istu
Corporis immixti liquidus; sed cedit, & illi
Adglomerat sese rediens latera omnia circum.
Unda quoque ardorem mortalibus, unda feraci
Temperat atque hortos atque arida prata liquore
Humectans. radios sic ipse intercipit aer
Solis, & aestivam rabiem levat; ipse per omnes
Herbarum & fruticum venas ingressus hiantes
Efficit, ut laeto pubescant germina foetu.
Num queat ille etiam sedes attollere in altas,
Corporaque instabili suspendere grandia dorso,
In praeceps ne lapsa ruant; suspensa carinae
Robora ceu summa placidi nant gurgitis unda?
Hoc tibi cum primis quaerendum; inveneris unum
Hoc ubi; jam tenues dabitur volitare per oras
Aeris, ac terrae notos excedere fines
Classibus insuetum per iter; jam lintea ventis
Pandere, & ad superas alte conscendere sedes.
Nonne etenim lapsasque ornos aliosque cavatas
Sive pado innantes, flavi seu tybridis alveo,
Vidissent quum forte secundo labier amni,
Inventi tunc primum homines, qui corpora truncis
Credere, & auderent viridantes linquere ripas
Profecti fluvio? mox & contendere contra
Coepere, adverso aut luctantes flumine consis,

E nō-

E molli aut alte tollentes carbasa veste,
 Paullatim ac magnis veluti proludere factis.
 Donec ut evulsas miratae cycladas undae,
 Nequidquam rapidis contra indignantibus Euris,
 Ire rates longe aethiopum de finibus usque
 In scythiam, extremi positus qua terminus orbis
 Torpet hyperborea glacie, sub sole maligno.

Non levis interea auræ natura putanda,
 Nam gravis est; certosque suo pro pondere nifus
 Exerit; & fluido sustentans plurima tergo
 Corripit, alterius quae sunt opis indiga, ut alte
 Vel saliant, caelo sese vel pendula librent.
 Indicio ardentes boreae de parte nivalis
 Memnoniam falso referentes ore parentem
 Aurorae; lapsusque vapor titanis ab aura
 Saepe colorati pingens confinia mundi.
 Indicio nebulaeque udae fumique volucres
 Aetherio longe suspensi in tramite caeli:
 Ille etiam indicio argenti, quod clauditur arcus
 In tubulis, liquidi adscensus; roresque sequaces,
 Antlia quos alte puteo sustollit ab imo
 Irriguas hortis scatebras arentibus; undam
 Sicubi dura soli vivam natura negavit
 Murmure labentem rauco per laevia saxa.
 Quippe diu nimium vixit sententia, rebus
 Illa suam facilis levitatem adfingere multis,

Auc

Aut (i) vacui horrorem consueta obtrudere: in atris
 Quum tenebris moerens, letheaque flumina propter
 Nondum tollebat caput Experientia in auras.
 Munere quae divum postquam caeca antra reliquit
 In superas adveſta plagas, circum omnia victrix
 Corpora, quae terras late quaeque aequora cingunt,
 Edocuit petere ima: lapis vel miſſile quodvis
 Aut lycio cornu aut balearis verberare fundae
 Expulſum, in superas propere licet evolet oras,
 Paullatim ſeſcitque viam, terraeque trahenti
 Paret, & ex alto victum delabitur axe.
 Corpoream ſiquidem partes inſuſa per omnes
 Vis agitat molem, vaſto & ſe robore prodiſcit
 Illa quidem major majori in corpore: pondus (l)
 Unde in rebus ineſt, oriturque unde impetus ille,
 Corpora quo deorſum, quantum in ſe eſt, cuncta feruntur,
 Subſiliunt neque ſponte ſua. non roſcidus humor,
 Non vapor exciſus thuris, nec flammeus ardor
 Ignis, & aetherii liquidiffima caerula tractus,
 Phoebeique illo radii ſine munere conſtant.

Sae-

(i) Frequentiſſimus eſt apud antiquiores peripateticoſ Philoſophos *Vacui horror*, quo omnia, quae ab aeris preſſione nunc repetuntur, non obſcure minus, quam abſurde explicabant.

(l) In philoſophia recentiori *pondus in corporibus eſt ex attractione*, imo *ipſa attractio ad hunc effectum determinata*.

Saepius at vero cernis quod flumina propter
 Flumina, seu stagna exiles adtollere sese
 Vallibus ex imis fumos nubesque vaporum
 Mane novo; tum summa ignis quod sidera flammis
 Altus adit, patrioque velut succedere olympo
 Gaudet, & adsurgit tenuato vertice in auras,
 Ne tibi dent, caveas, cernenti talia fraudem.
 Haud propriae nituntur opis vi: scilicet aer
 Abfiliens pressus, circumque adfusus ab imo
 Cuncta, minus grave pondus habent quaecumque premenda
 Subvectat, certaue sui regione reponit.
 Nonne vides, si forte manu stagnantis ad ima
 Gurgitis immittas arentem ex arbore virgam?
 Unda premens circum subterfluit, ac levat imo
 Dejectam e fundo, sursumque adtollit: at illa
 Uda redit, summoque natans adparet in amne.
 Non fieri id certe sine vi subigente putandum est
 Ingenitam propter levitatem in corpore quoquam;
 Pondere majori sed quod sustollitur alte
 Cui minus est pondus: suspensa in lance pusillum
 Corpus ut a magno sublatum fertur in auras.
 Sic & dulcis aquae gravibus super innatat undis,
 Propterea quod habet minus in se ponderis, humor
 Palladius. nempe hoc sancitum est foedere certo,
 Legibus & certis naturae, ut fluvida quaeque
 Subsident magis ima, magis quo pondere pollent
 Aucta

Aucta gravi, supraque minus gravia omnia dorso
Corpora substentent: rarissima quaeque natabunt
Summa, neque alterius sedem depressa subibunt.
Proinde etiam si quando levem sive aetheris auram
Sive globos navimque meo tibi carmine dicam,
Nec tu rere leves auras, nec pinea navis
Texta, globosque leves: insunt sua pondera cuique.
Sed quoniam magis ista gravis, minus illa reperta
Res fuerit primae conlata; haec altera saepe
Aut levis aut levior dicitur, ut exiget usus,
Aptior & numerus, musaei & gratia cultus.

Quae bene si teneas, etiam fateare necesse est,
Aëra tollentem nebulas ignesque volucres
Nubilaque uda, gravi nitroque & sulphure foeta,
Possent ratem, minus illa gravis modo constet, & ipsam
Ferre alte Zephyris implentem vela secundis,
Libratamque supra saltus, atque ardua tecta.
Cur etenim vires non heic exerceat aer,
Cur gravior non ille gravem minus evehat alte
Velivolam caeli diffuso in gurgite moem?

Qualis at ista ratis? tenui quo corpore texta
Exiguo certare ausit cum pondere massae
Aëriae, possitque alte suspensa tumentis
Ceu pelago sese librare? o si modo rerum?
Tam varias inter species foret ulla reperta,
Pondere quae liquidis nativo cederet auris,

Prae-

Praestaretque eadem solido textu ! illa laboris ,
Illa mihi haud parvam curarum accommoda partem
Eximeret ; fatis una foret . sed cognita nulla
Materies rerum est , solido tam corpore constans
Tamque gravi , grave quam solidumque heic postulat usus :
Nec fors notescet seclis venientibus . arte
Idcirco , natura homini quod parca negavit ,
Tentandum , possit si vinci . major in arctis
Saepe venit rebus solertia , ducit ab ipso
Objice saepe suas animi vis concita vires .
Quò res cumque cadant , dulcis rapit impetus ire ,
Orbita qua vaturn nulli signata priorum
Difficili aonios divertitur ardua clivo
Ad fontes : juvat intactam decerpere laurum ,
Et juvat integri latices adtingere rivi .
Mira , indicta canam ; sed mira indictaque rerum
Castalidum chorus almus amat , diffusa per omnes
Si parter veri species effulgeat . ergo
Jam volucris superas olim ducenda per undas
Asseribus mihi cymba e pinu aut abjete sectis
Surgat , cui circum pinguis latera omnia cera ,
Nariciae & patulas claudant picis unguina rimas .
In medio malus , qui veliferas antennas
Sustineat , possitque immisso picta rudente
Et legere & placidis rursus dare carbasa ventis .
Rostrum prora gerat ; nec scylla aut dira chimoera .

Tor-

Torva ruens instet rostro ; verum armiger ales
Formosum ad superi portans Jovis aurea templa
Dardanium juvenem . in puppi mihi Daedalus alas
Explicet , ac dextra cursum regat , ipse magister ,
Insuetæ comes ipse viae : jam sidera laeva
Erigonenque helicemque arctosque ostendat in alta
Sede poli . nimis ille autem pueriliter audax
Icarus hinc absit : quamvis praecepta sequutus
Si foret , euboïcas solpes venisset ad arces ,
Triste nec augurium coeptis ingentibus esset .
Tum demum volucris caelato in robore currus
Aeolios ponam fratres . hac parte serenus
Nubila aget boreas scythica nive , & horridus illa
Nigrantes quatiens pennas caput exeret auster ;
Eois hinc Euris equis volitabit , & illinc
Floribus adspersus Zephyrus rutilantior arva ,
Ac tremulo leviter crispans vaga caerulea motu .

Talis acydaliae veneris , quem mille sequuntur
Hinc atque hinc pueri aligeri , ninguntque rosarum
Imbre super , fudo fertur levis aethere currus .
Talis & ille , fero laesum qui vulnere Martem
Sussulit ad caelum pernix , & gargara & altam
Implevit fugiens magnis stridoribus idam .

Haec tua puppis erit : sed ne mihi laetior axem
Hoc subito ad caeli properes adsurgere terra
Ex humili . quondam liquidas ennabis ad auras ,
Nunc

Nunc vetitum frustra conanti. pondere pressa
 Cymba suo, quamvis invitent flamina cursum,
 Terrae adfixa manet, necdum levis evehit illam
 Aeris -aura gravem. tu qua pervincere victor
 Cuncta queas, artem paucis age percipe dictis,
 Atque alte memori praecepta in mente reponere.

Protinus in magnum curvanda est lamina ferri
 Ducta globum, ferri, sive aeris, sive oricalchi;
 Mole sua tantum qui curvis aëra claudat
 Parietibus, quantus satis est, ut pondere vincat
 Ille, globi pondus, proprio. dein aura per artem
 Scilicet extrahitur paullatim, atque oris hiatus
 Iam vacuo in vase obstruitur, via libera rursus
 Ne pateat, ne qua subeat penetrabilis aër.
 Interea sursum vacuus globus ennatat, ac se
 Librat agens hinc inde auris tollentibus. illum
 Ni teneas, superas numquam rediturus in oras
 Quippe abeat, nebulisque erret commixtus in alto;
 Quid? si non unum, plures at feceris orbes
 Hoc genus, ingentesque adeo vastumque tumentes,
 Intus uti magnam vim claudant aëris, ipsam
 Quae superet longe puppimque & vasta globorum
 Pondere majori latera? in sublime volantes
 Effugient, navimque ferent, si forte tenaci
 Jungatur nexu, simul ac gravis exiit aura.
 Aspicias, ut pueri quum stagna per humida nerei

Narc

Nare timent, discuntque tamen: ne pondere merfi
Aequoreis vitam ponant sub fluctibus, utrem
Vel tumidum dorso pavidi prius addere fuerunt,
Subere vel molli inniti. sic aequora tentant,
Hac ope se librant: quantum gravitate premuntur,
Tantum etiam tumido contra attolluntur ab utre;
Qui minus est multo quoniam fluitantibus undis
Ipse gravis, non ille alte super innatat unus,
Sustinet at summo iunctum sibi gurgite pondus.
Nec me forte putes tibi somnia fingere vaturn,
Falsaque pierio commenta ornare lepore,
Aëra quum doceo graviolem evadere posse
Nempe globis ex aere aut duro corpore ferri.
Nullae heic insidiae vaturn; nec pelion ossae
Impositum canimus, durumque cubile Typhoei
Inarimem, aut aetnam Enceladi; non caucaso alto
Usque renascentis jecur immortale Promethei,
Tergeminumque canem, flammantiaq; ora Chimoerae,
Phorcidas, Harpyasque, & corpora Centaurorum.
Talia cecropiis sub mendaci Aracyntho
Sat celebrata viris; semper florentis Homeri
Talia sat cecinit non uno carmine musa.
Vera magis canimus, quam quae vel corniger Ammon,
Vel tripode e Clarii fœvit responsa sacerdos
Reddere, quum tenebras mortalia pectora nondum
Excute, ac pectam valere agnoscere fraudem

B

Am.

Ambagesque dolosque . ita tute fatebere victus ,
 Ni refugis , certasque piget cognoscere leges ,
 Ipsius e veri sacris penetralibus haustas .
 Per medium (m) quaecumque globum nam linea recto
 Transít ubi ductu hinc atque hinc , ea dicitur axis
 Ipsius transmissa globi . dimensus in aequas
 Hanc quascumque velis partes & quotquot , ad illum
 Si referas , magno rectam qui amplectitur orbe
 Circulus , inventa subito laetabere tota
 Corticis externi facie . tum secta suique
 Dimidia iam parte careus ea recta trientem
 Totius ad magni referatur corticis ; ipsa
 Alta dabit spatia & molem repetita globorum .
 Jam geminos conferre globos , iam noscere certam
 Né pigeat seriem , quoque ordine longior axis
 Augeat externam faciem , quoque augeat intra
 Ille cavi spatia ampla globi . tres axis in ulnas
 Alterius tantum longus procuret ; at alter

Lon-

(m) Haec quidem delibata ex geometria , ut clariora sint , non abs re fortasse erit , si geometrarum verbis exponantur . Igitur diameter Sphaerae sive axis est recta quaevis per centrum ducta & utrinque terminata ad superficiem . Circulus maximus Sphaerae est ille , qui eritur ex sectione plani cuiusvis , quod transeat per Sphaerae centrum . Superficies vero Sphaerae aequatur areae circuli habenti pro radio diametrum ipsius Sphaerae ; & soliditas Sphaerae aequalis erit trienti producti ex quadruplo

cir-

Longior alterius sese ulnas proferat axis
 Ad denas . primi facies se nempe per ulnas
 Parva novem tendet ; sedenim curvamine vasto
 Centum ulnas facies postremi excurrer in aequas .
 Quid spatia ? an pariter crescant sic ipsa vicissim ?
 Haud ita : namque globi , cuius fuit extima centum
 Lata ulnas facies , eius spatia intus ad ulnas
 Mille pares crevere , ingentique augmine turgent .
 At vero alterius tantum spatia intima ad usque
 Septem & bis denas crevere . ita protinus ampla
 Se spatia immensum fundunt , quum longior axis
 Curvato se forte globi distendat in orbe .
 Haec ratio , haec series , quamvis ingrata camoenis ,
 Dum myrto idalia & odorato hyacinto
 Pindo in florenti texunt halantia ferta ,
 Acciderit ; dicenda fuit : namque usibus apta
 Pluribus , huic nostro in primis . fors ipsa colendo
 Mollior adsuescet parnassi in vertice vaturn

B 2

Di-

circuli maximi , vel productio ex triente superficiei & semidiametro . Hinc sphaerae sunt inter se in ratione triplicata diametrorum ; earundem autem superficies sunt in ratione solum duplicata diametrorum : nam areae circulorum maximorum sunt in duplic. ratione radiorum , quibus accedit ratio ipsorum radiorum , quum pro habenda sphaeraeae ducantur in diametros vel radios ; atque ita fit triplicata . Notandum , in versibus adhiberi haec verbum Refero pro Multiplico quum ipsa multiplicatio sit quasi quaedam comparatio vel relatio repetita .

Dicier ore . nihil non vestro munere , divae ,
 Sperandum , ex quo per salebras perque invia quaeque
 Stayadem (n) videntem alma excepistis in umbra
 Sacrorum nemorum , capitique insigne dedistis ,
 Quale prius nulli cingebat tempora , sertum .

Hoc igitur proprium formam sortita rotundam
 Corpora habent ; facies multo minus extima eorum
 Crescat uti , curvo spatium quam cortice clausum ,
 Si majora eadem facias . hinc horrea curvum
 Hinc tua si referant orbem cava dolia ; eâdem
 Structa mihi formâ jam sint , at quattuor ulnas
 Exterius mea laxa magis ; discrimine credes
 Non adeo magno se inter differre : labore
 Quum tamen assiduo placati hominumque boumque
 Liber & alma Ceres complebunt utraque donis ,
 Et segete & longe vincam te munere bacchi
 Ditiôr , horrentis metuum nec frigora brumae .
 Quare etiam minus ipsa gravis licet aeris aura

Cor-

(n) Hic Benedictus Stayus praeful ampliss. in-
 nuitur , vir in omni litterarum genere plane doctissi-
 mus , qui jam , quod optandum ei potius quam spe-
 randum videbatur , illud est consequutus , ut rerum gra-
 vissimarum , quas lucretiano stylo describit , difficultas
 atque asperitas cum latini sermonis elegantia ac facili-
 tate certare quodammodo videantur . Itaque de illo
 recte Cunichius ait :

Vidi ,

Corpore sit solido, jussu quod possit in orbem
 Curvari, evadat gravior tandem illa necesse est;
 Usque globus major si turgeat. intima crescunt
 Quippe magis spatia atque magis, convexa sed extra
 Non pariter crescit facies: fluitantis ut auræ
 Pondus item, quamvis fuerit minus ante metalli
 Pondere, tunc ipso fiat majus. subit orbem
 Aerii fluctus multo nam copia maior,
 Quam nova materies, qua grandior extima crevis
 Illa globi facies, accedat. proin quoque tanto
 Aëre maiori vacuus, pariterque levatus
 Pondere maiori tanto globus enatat alto,
 Jam vice mutata, caeli suspensus in ora.
 Plena velut dulci si vitrea pocula vino
 In liquidis demissa sinas immergier undis,
 Ima petunt: si mox eadem spumante lyæo
 Jam vacua in summa ponas cava leniter unda,
 Suppositis tolluntur aquis, pellucida vitri
 Sit gravior quocumque licet natura liquore.

B 3

Novi

*Vidi ego (nam sacri phœbo monstrante poetæ,
 Quidquid agunt manes, cernimus, & superi)
 Vidi umbram ingentem Newtoni umbræque Lucreti
 Stayadae media nocte subire domum:
 Nec mora; dia viro scribenti carmina magni
 Ad latus hinc atque hinc adstiterunt comites;
 Alter & incoepum doctrinae luce, rigavit,
 Alter musæo nectare sparsit opus.*



Novi autem, melior (o) cui iam sententia visa
 Illa fuit, tenuis pando si corpore fiat
 Sic ratis, ut vera volucrum sub imagine fallat
 Spectantes, magnaque adeo ni turgēat alvo,
 Ignaris iam possit avis non ficta videri.
 Omnia enim volucris similis; collumque, caputque
 Tergaque, multifidasque alas, caudamque patentem
 In quascumque voces, facilem se flectere, partes.
 Jam neque tunc orbes vacui, non ulla paranda
 Texta forent ex aere, petant quae daedala nubes.
 Nam validis quidquid nervorum viribus usae
 Pennigerae praestant volucres, seu tollere corpus
 In sublime velint, seu pronae insidere campis;
 Hoc homines clausi curvata in mole per artem
 Efficiant vasto quatientes brachia motu
 In numerum, ac pariter pennatae mobile cymbae
 Remigium alarum motantes impete magno.
 Tum valido plumae nisu adtollentur, & omnes
 Accipiens, tenuemque magis magis aera carpent:
 Donec, ut insuetos quum prolem ille armiger ales
 In-

(o) Intellige Petrum Jac. Martellium, cujus haec navis breviter describitur: de hac ipse primum lib. 4. sui italici poematis *de oculis Jesu ad Amaryllidem* mentionem fecit; eandem postea fufius explicavit, vindicavitque in dialogo, quem *de volatu* inscripsit.

Instruit ad cursus, plumosa volumina quassans
Emicuitque solo, caeloque ita navis aperto.
Sed quis erit, firmo qui tantum corpore possit
Eniti, viresque suas contedere, ut auras
Tollat in aetherias volitanti hanc remige molem?
Multa latent heic falsa: ratem nisi nubila in alta
Evehat excluso levior globus aëre, frustra
Conando miser ingratum experire laborem.
Ergo ades, & solum mea jam vestigia serva.

Heic etiam vera ratione ostendere possum,
Ille globus quantus sit oporteat, aetheris oras
Qui queat in superas corpus sustollere, quanta
Auctum mole velis, & quanto pondere. sed me
Singula scrutari, tenuesque evolvere curas
Et piger, & fessam subeunt fastidia mentem;
Seu quod pimplaeum renuunt hirsuta leporem,
Seu fugiunt quod parva hunc diæ lucis honorem.
Cuncta tamen qua sponte fluant ab origine dicam.
Atque iter ostendam cerrum, ne devius erres,
Aut incerta solo gradiens vestigia figas.
Sat cognosse viam: neque enim tibi laudis amore
Pectus eget, metuisque viae te credere solus
Quamvis difficili: sic & jucunda voluptas
Fors magis adveniet, per te quam plurima nosces;
Et velut inventis primum laetabere rebus.

Jamquē puto, (p) densae tenui quam differat aurā
 Pondus aquae, tibi notum. isto discrimine rite
 Servato, vacuum certae iam molis ahenum
 Ponderis & pariter certi manantibus undis,
 Imple instans summo patuli tenus oris hiatu.
 Tunc tibi se infusae manifesto pondere prodet,
 Quod vacuo nuper veniens accessit ahenō,
 Augmen aquae, proditque suum dum pondus, & ipsum
 Quippe gravis prodat simul aeris augmen, ibidem
 Si foret inclusus pura pro fluminis unda.
 Praeterea notum quum sit, globus ille tumescens,
 (Dimensus quippe ante), sua quae mole receperet

In

(p) Indicatur methodus adhibita ab ipso Lana in magisterio nat. & art. Ratio ponderis aeris (ait ille) ad pondus aquae non eadem a philosophis omnibus assignatur: per quosdam enim est ut 1. ad 700. aut 800. aut etiam ad 1000. Hic vero assumitur aerem esse ad aquae pondus, ut 1. ad 960. parum enim nunc refert exacta determinatio. Supponitur deinde pes cubicus aquae esse pondo libr. 80. id est unciar. 960. nam haec est Romani pedis antiqui communior mensura, de qua Villalpandus, & Ricciolius in Almag. Hinc sequitur aeris pedem cubicum habere pondus unius unciae. Sit iam vas diametri pedalis capax 80. librarum aquae seu unciar. 960. Aer in ipso contentus ponderat unciam unam, pondus autem materiae, ex qua vas constatum est, duarum sit librarum seu unc. 24. extracta porro unica aeris uncia, vas istud in aere ponderabit 23. uncias. Fiat nunc ejusdem materiae & crassitiei

Interius spatia incurvus; tibi nemp̄ patebit,
 Quancus & esset, aquae si tantum, aut aeris intus
 Clauderet, inclusae vis undae, aut aeris unum
 Vincat uti gravior non ipsum pondere; at illi
 Qua tu cumque velis simul addita corpora mole.
 Sic aliis semper praepandunt lumina rebus
 Res aliae sociaeque inventae proderē gaudent.
 Verum ne coepto frustra lassatus in ipso
 Deficias, parvo monco tentamina vase
 Molirique rudem, parvisque adfuescere curis,
 Excursusque breves tentare. ita major ab usu
 Adveniet vis usque novo curamque subire

Au-

stiei aliud vas Sphaericum, cujus diameter sit pedum 25. cum nemp̄ sit superficies in ratione duplicata diametrorum, jam ut 1. ad 25. ita 25. ad 625. superficies prodibit; & cum illa supponatur ponderare duas libras, haec altera superficies ponderabit libras 1250. At moles seu capacitas cum sit in ratione triplicata diametrorum, ut ista habeatur, fiat, ut 25. ad 625. ita 625. ad 15625. Quare cum aer prioris vasis unam ponderet unciam, aer contentus in hoc majori aequabit pondus unciarum 15625. seu libr. 1302. & unc. 1. Igitur pondus vasis seu superficiei seu laminae metallicae minus est pondere aeris, qui in illo vase continetur, adeoque differentia est lib. $52\frac{1}{12}$. Itaque si totus aer e vase educatur, vas ipsum specificè levius erit aequali aeris mole, & ascendet in aere ita, ut sibi conjunctum pondus lib. 25. sursum valeat evehere. Haec fere Lana; eademque methodo quaecumque ratio patebit quaesita.

Audebit quaecumque . vides , ut saepe per auras
 Quum tener insuetas nido jam praepes ab alto
 Gaudet abire ? prius se circum frondea testâ
 Exercet volitans , atque has atque insilit illas
 Ramorum ad sedes ; mox se pernicipibus alis
 Sustulit expertus , montesque & nubila supra
 Evolat , ac celeres vocat in certamina ventos .
 Quid tamen haec exempla avium sequor ? adspice docti
 Conatusque (1) viri egregios inventaque dia
 Sarmatia in gelida . postquam ille inspecta notavit
 Pet^r caelum spatia ampla & inaequales excursus
 Astrorum , terraeque vices dispexit , & acer
 Componens versansque diu , quas repperit , omnes
 Contulit inter se leges , tubvectus in altum
 Uraniae curru caeli regione locavit
 In media solem ; qua ceu regnator ab aula
 Imperii vastos regeret moderamine fines
 Nulli non aequus . subito stetit ipse viai

Jam

(1) Nicolaus nempe Copernicus natus est Thoruniae una ex Prussiae , ut nunc vocatur , Polonae urbibus , anno 1473 . Ejus planetaria hypothesis olim , quemadmodum nonnulli volunt , etiam a Pithagora Samio aliisque antiquissimis philosophis usurpata fuit ; ut non omnino nova & ab eo excogitata , sed renovata posita , atque exulta feliciter censenda sit . Lege elegantissimam ejusdem descriptionem in lepido illo Fontanellii dialogo *Sur la pluralité des mondes* .

Jam nimium longae fessus, viditque volentes
 Mercurium veneremque simul cum marte jovemque
 Saturnumque senem sua jussa facessere, & omnes
 Circum se unanimes volvi, tellure relicta.
 Indoluit deserta quidem, sed non quoque tantam
 Tendere vim contra valuit. quin fervidus heros
 Multa reluctantem frustra hinc inde revinctam
 Corripuit: correptam immani turbinis ictu
 Impulit, astrorum nimirum ut legibus acta
 Iret & ipsa viam. quo impulsu concita sedem
 Deseruit veterem, quam tot regina per annos
 Obtinuit; pariterque suo super axe voluta
 Auricomum solem rapido circumdare motu
 Coepit, & adsiduo ferri late acta rotatu,
 Iam trivia comitante una: quam nulla viri vis
 A domina potuit, non ipse avellere frater.
 Tantus amor telluris! eam comitatur euntem
 Semper, & exercens circum revoluta (r) choreas
 Bissenis illius iter, semel integer annus
 Dum cursum explevit, gyris ingentibus ambit.
 Quid memorem legesque viri servandaque jura,
 Omnibus imposuit quae certo foedere stellis;

Erran-

(r) In hac significatione Mabilus etiam *lib. 1. Astro-
 nom.* accepit hanc vocem

*Et quinque adverso luclantia fidera mundo
 Exercent varias naturae lege choreas. &c.*

Errantesque vagasque suos ut clausit in orbes,
 Unde novus caelo venit decor? ardua nulla
 Usque adeo res est homini, si figere certo
 Calle queat gressus, animique extendere nifus;
 Namque novas primum inventis est addere rebus;
 Principiis atque e paucis, quae cognita consent,
 Multa ignota patent, aliud quum discere pergas
 Ex alio, eque datis quaesita evolvere rerum,
 Paullatim claro donec se in lumine fistant.

Nunc locus est liquidam curvis ex orbibus auram
 Extrahere, ut surgant imis de sedibus: adsis
 Haec etiam; non te per longa exorsa tenebo.
 Nam quamvis modus haud auras educere simplex,
 Quid tamen ardentis referam flammaeque calorem,
 Argentiue usum vivi, roremque liquentem;
 Quum fragili constans e vitro est cognita moles
 Admiranda tibi Boyleae, haud pervia fluctu
 Illa quidem aërio, simul ac occluditur oris
 Subter hians aditus? multa ergo canalibus arte
 Adpositis, ultro citroque meante cylindri
 Robore in insertis apte siphonibus auram
 Assidue motam certant educere vase
 E vitreo. Illi instant: paullatim pulsus at aër
 Effluit, ac vacuas sedes magis usque relinquit.
 Tunc videas subter, via qua patefacta, flagrantem
 Extinguique facès agitari & flamine chartas;

AN

Alit intus ponitque apicem depressior ignis,
Tinnitusque negant solitos muta aera ciere.
Tunc, si forte prius sit viva inclusa volucris
Intus, eam subito cernas languescere, & alas
Pandere demissas, ac totos intremere artus:
Jamque huc jamque illuc errantia lumina volvens,
Extremosque ciens gemitus vix ducit hiulco
Ore animam sensim fugientem, aurasque requirit
Nequidquam eductas. stat circum plurima pubes,
Intentosque tenens oculos miratur: at illa
Aegra cadit, clausoque jacet jam mortua vitro.
Quid paleas plumbique loquar grave corpus eodem
Tempore delabi? quid quae jam plurima possis
Aeris educti certissima credere signa?
Cur igitur tenuem nequeas hoc aera pacto
Orbibus ex illis haurire? haud magnus ab una
Parte aditus pateat, cui providus ante cavatos
Adde tubos, bibulo qui ductu fugere possint
Aera, paullatimque foras emittere, & arcte
Ostia complecti; ne qua novus involet ipsum
Inter opus, tota postquam vel sede recessit.
Omnia nam turbantur; & irrita vota querere
Conatumque artemque simul, si rima pateat
Parte aliqua vel parva. illa citus irruet aer,
Lubricus atque iterum succedet sedibus isdem.
Nullo cessurus nisi nulloque labore est,

Illum

Illum quamquam instes multa vi pellere contra
Obnixus, tentesque industrius omnia; rimam
Ante fatifcentem vigili nō clauderis arte.
Illa mali caussa est, illam citus obstrue; neve
Aut operae lentus parcas, aut sumptibus ullis.

Nec tibi se quisquam jactet prudentior auctor,
Dicere neu coepset, non ullo posse labore
Educi e curvis penetralibus aera totum;
Sed fore, qui semper maneat subtilior, aurae
Aemulus aetheriae. sat enim est, si crassior ille
Effluat arte cavis eductus ab orbibus. aether
Qui remanet, vix ipse suo cum pondere quidquam
Exiguus tenuisque addit, vel deprimit orbes
Subter agens, luci puroque simillimus igni.
Ille etiam longe metus absit, ne qua fluentum
Aurarum vi sublatis, vacuisque globorum
Parietibus clades nascatur, laevia rumpens
Claustra, atque immani dissolvens cuncta fragore.
Non etenim tenui ingentem sint cortice in orbem
Curvati, fragilique globi de corpore vitri,
Aerii tranare parant qui gurgitis undas.
Deinde etiam quum sint omni de parte rotundi
Aeris impulsum circa fluitantis ad omnes
Accipiunt aequae partes; visque undique nisu
Omnibus in punctis aequali affusa feritque
Defenditque globos eadem, quantum illa fatigans
Irruat

Irruat hinc pulsu valido, tantum urgeat illinc
Nemp̃ opus est contra, seque ipsa elidat inani
Impete. nequidquam alternis sic ictibus aer
Huc aditum quaerens atque huc, quo sive subire
Victor, inaequali seu nisu insistere possit,
Circum errat, pulsatque errans innoxius orbes,
Nec tamen expugnare valet. nusquam via certa,
Qua subeat; nulla aequato pars aspera dorso,
Quam magis impellens socia compage resolvat.
Ergo globus quamquam vacuus, penetrabilis ictu
Non tamen aërio est. nam se nectuntque premuntque
Mutua particulae atque haerent simul, arctius, aequum
Curvata quo mole magis glomerantur in orbem.
Idcirco longisque cavus sinuatur in arcum
Porticibus curvum fornix; pontesque minaci
Impositi fluvio juncta testudine flexum
Quo melius referunt orbem, super addita forti
Hoc stabiles melius quaevis ingentia tergo
Sustineant onera, & nullo incumbente fatiscant
Impete dejecti. crebris adsultibus urgens
Subter aqua oppositas moles evincere tentet,
Spumeaque albescat; valido super ungula cornu
Pulsa sonet, magnoque gemant sub pondere plaustra,
Volvanturque ruantque; immoti mole sua stant.

Forſitan & quaeras; quot ſint, aut parte carinae
Qua vacui jungendi orbes? ſeu quattuor adde,

Sive

Sive etiam plures, si plures exigat usus,
 Aut malo, aut potius navis latera ardua supra
 Hinc atque inde pari sese inter limite longe
 Semotos, ne qua possint se tangere parte,
 Inque vicem crebris & laedi & laedere plagis;
 Dum vacuos fert aura, & motu concitat acri.
 Seorsim quisque natet; nec primo impendat alter
 Altior; elati hinc aequae tollantur & illinc
 Aera per liquidum, melius libratur & ipsa
 Tum ratis, & paribus nat pendula viribus acta,
 Nec metuit ventos, nec iniquos aetheris aestus.

Illud in his rebus tibi restat difficile unum
 Atque novum, tanta nimirum effingere curvos
 Mole globos, non tantum ipsi, verum addita navis
 Vectorumque manus mercesque ut pondere cedant
 Aeris exclusae spatia extra concava massae.
 Scilicet immani turgescant mole necesse est,
 Immensamque trahant alvum, laterumque cavatas
 Compages; ingens late se machina tendet.
 Tu ne cede tamen: semper timor ardua fingit,
 Quae nova sunt, nullique prius tentata: sed acer
 Cuncta labor vincit, praeter sua litora nautae
 Nondum alias nossent oras, nec caerula dorso
 Velivolae ferrent classes; nisi primus Iason (s)

Auda-

(s) Jason heic poetice dicitur primus navigasse;
 quum

Audaci spernens animo syrtesque minasque
 Horrificas ponti validis implenda dedisset
 Vela notis. duce quo patuere illa invia nereï
 Claustraque & insidiae, quae tot per saecula gentes
 Terruerant falsa pavidas formidine mortis.
 Ille alta in puppi velatus tempora lauro
 Hortatur socios argivæ robora pubis,
 Accenditque animos: illi urgent æquora remis,
 Attonitæ spumant undæ. volat acta carina
 Phasidos ad fines, ubi dives ab arbore pendet
 Vellus, & auratis perstringit lumina villis
 Jam male defensum, vigili custode perempto.
 Ite animæ illustres, factis extendite feros
 Nomen in ætatum cursus. jam culmina nota
 Vanescunt, patrio & matres in litore flentes,
 Invalidique senes. vobis en ipse tridenti
 Pandit iter. Neptunus: eum comitantur ovantes
 Nereides, Beroë, Galatæque, & aurea Xantho,
 Nesaëque & Phillodoce, delphinibus omnes —
 Invectæ, sparsis omnes per colla capillis;
 Cymmodoceque, Thetisque soror jam saucia flamma,
 Peleæ jam tota suspirans anxia mente. (1)

C

Ite

quum nihil ejusdem expeditione apud poetas celebratius
 sit. Ceterum cui sit primo navigatio tribuenda, cer-
 tant sapientes, & adhuc sub iudice lis est.

(1) Fuit enim etiam Peleus in argonautica expedi-
 tione

Ite agite heroes: vestigia vestra sequutae,
 Exemplisque actae felicibus aequora classes
 Contextere; cavis fervent maria omnia late
 Navigiis. quisnam ille autem (u) fidentior, altum
 Oceanum qui spectat, & indignatur Iberos
 Spem trahere, ac regna alterius contemnere mundi
 Trans anni solisque vias, & fides nota?
 Magnanimum nosco Ligurem; virtutis alumnus
 Nosco italae. viridi date ferra recentia lauro,
 Ausoniae nymphae; calathis date candida plenis
 Lilia: semper honos, semper stet fama sepulti,
 Oceani dum fluctus erit, dum semita ad oras
 Pervia, phoebus ubi solvit remone jugales.
 O quas ille vices, & quanta pericula passus,
 Litore ab hispano dum solveret! aspera rerum
 Quae tulit, & quantas pelagi caelique procellas
 Primus ad ignotas intendens carbasa terras!

Non

tione: vide Orph., Apollonium Rhod., Catullum in aureo
 carmine: *Peliaco quondam prognatae vertice sylvae &c.*

(u) Post argonautas non immerito heic mentio fit
 de Christophoro Columbo, cujus in Americam navigationem
 aetates omnes suspicient atque admirabuntur. Velim autem
 animadvertas, quod hoc in loco tacite videtur auctor cum
 Fontanellio innuere, quamvis non audeat palam proferre
 invidiam pertimescens: nimirum non videri omnino fieri non posse, ut quemadmodum

Ame-

LIBER PRIMUS.

35

Non certè Alcides odiis agitarus iniquae
 Junonis; non ipse vafer se praeferat illi
 Laerta fatus, incensae post diruta Troiae
 Pergama tam multos quamvis expleverit annos
 Omnibus & terris & late fluctibus actus.
 Virtus multa viri vicit tamen omnia, & oras
 Vectus ad optatas, ubi nos quum phoebus anhelis
 Adflat equis, vesper nocturnos excitat ignes,
 Atque alia effulget stellis maioribus arctos,
 Djs pelagi, aurifero religata in litore puppi,
 Dona tulit voti compos, Cubaque potitus, (x)
 Gentibus attonitis monstro atque ingentibus ausis.
 Quin & jam menso oceano, rursusque remenso,
 Victor ad hispanos remeans cum classe penates
 Ante invisa refert peregrino munera ab orbe,
 Inventasque ostentat opes, cultusque locorum
 Edocet, atque auro dices atque ubere glebas.

C

Hinc

Americani de oceani navigatione perverse sentiebant ante adventum Hispanorum, sic fortasse Europaei de navigatione aëria non omnino recte opinentur ac iudicent. Vulgatum illud Lucretii lib. V. *unumquidquid paulatim protrahit aetas*

In medium, ratioque in luminis eruit oras &c.

(x) Hanc in insulam juxta plerosque historicos primum descendit Columbus, eaque etiamnum paret hispanis; estque accommodatissima hispanorum classibus ad importandas, exportandasque merces ex America.

Hinc subito Europen late vulgata per omnem
 Fama volat, veterem quarta crevisse reperta
 Parte orbem, oceano edomito, trans ultima caeli
 Sidera. felices illic felicia gentes
 Regna tenere, aurum rivis fluere, atque adamantas,
 Gemmarumque alias nullo custode jacere
 Per jûga per saltus & sylvas; unde superne
 Balsama odorato manant sudantia ligno.
 Ergo omnes ardor stimulat nova quaerere regna
 Auspiciis actos tantis: timor omnis, & illa
 Formidata leves jam monstra abiere per auras,
 Falsa velut tacitae fugiunt insomnia noctis.

Et dubites parere meis horatibus ipse
 Lentus adhuc? gelidusne tibi praecordia circum
 Sanguis hebet, tantumne times convicia vulgi
 Ignari? tentanda via est, qua te quoque in altum
 Tollere, & immensum possis volitare per orbem,
 Jam domita oceani rabies: nunc aura domanda est
 Aeris; hinc laudem speres, hinc praemia, si te
 Major tangit honos, major si gloria famae.
 Nec superi votis aberunt a grandibus: ille (y)

Tau-

(y) Non desunt Mythologi, qui existiment Tau-
 rum & Arietem fuisse naves quarum altera Phryxus ad
 Colchos, altera vero Europa ex Phoenicia in Cretam
 vehebatur: idem de Pegaso Bellerophontis, de Persei
 Ba-

Taurus ut Europes, ut Phryxi candidus albis
 Ille Aries villis, utque ales Pegasis; Argo
 Testis & ipsa, maris quae prima innare per undas
 Ausa procellosi puro micat aurea caelo
 Sidereo in coetu, furvas & discutit umbras.
 Cui tua stellitæra quondam comes addita sede
 Per noctem late flammantia lumina fundet
 Navis, & ardebit nautis felicius omen,
 Tyndaridum quam signa, heliceque, aut parrhasis urfa;
 Ipsa per ignotas postquam te vexerit oras
 Victorem, & fama ingentem compleverit orbem.
 Adspice qua gelidam mundus consurgit, ad arcton
 Arduus, & contra vergit qua pronus in austros;
 Illic humanos regio frustrata labores
 Haecenus ignoto jacet avia litore, & illa
 Fors quoque & uberibus campis populisque superba
 Atque opibus, (y) sed navigiis nondum hospita curvis.

C 3

Quip-

Balaena, & Triptolemi Dracone sentiunt. Vide Joann. Potter. Archaeol. Graecae lib. III. cap. XIV. ubi etiam praeter alia testimonia locum Aristophanis affert ex *Thestoph.* in quo Perseus ad Gorgonas nave vectus manifeste dicitur.....

Περσεύς πρὸς Ἀργὸς ναυτολῶν, τὸ Γόργωνος
 Παρακομίζων &c.

(y) Multi saepe cum Britanni, tum Batavi praesertim extremas Sinarum oras praetergressi, experti sunt,
 sed

Quippe gelu assiduo torpet maris unda revincta,
 Et patulas vetat ire rates. tibi mobilis æer
 Pandet iter glaciemque super, super horrida canae
 Strata nivis; caelo venies ceu missus ab alto.
 Qualis quum rhodopen mavors, aut thracia curru
 Arva petit, volucrumque sedens moderatur habenas
 Alipedum; volat aetherios vi fervidus axis
 Per campos, jam jamque venit, temploque propinquat:
 Desilit; arma humeris sonuere: at pectora thracum
 Diriguere metu, & sanctum sibi numen adorant.

sed incassum, in Europam per Septentrionis latus re-
 dire, atque ita novum iter navibus in Indiam aperire.
 Immensa glacies in eo mari praeter alia incommoda
 impedimento fuit, quominus voto potiti sint.

FINIS LIBRI PRIMI.



NAVIS AERIA.

LIBER SECUNDUS.



ED me jam Zephyri nemora inter gar-
rula blando

Murmure ludentes invitant ire per al-
tum

Aera. jam nautae funem convellere gaudent,
Insuetamque viam tentare; idem omnibus ardor,
Cura eadem stimulis omnes non mollibus urget.
In superas tolli nubes, & linquere terras
Evectos volucris cymba. ruit excita pubes
Undique visendi studio, fruiturque tuendo
Admirata ratemque simul, simul ipsa globorum
Texta rati conjuncta; moras atque increpat omnes
Impatiens. ergo tempus petere alta volatu
Sidera: vos musae mecum conscendite; tuque
Uranie ante alias, cui parent ardua caeli
Templa & caerulei tractus, tu dirige cursus
Aerium per iter: sine te nec tollere puppim,
Nec rursus terras ausim deducere ad imas:
Tu me diva mone, atque omnes dic ordine leges,
Dic varias artes, ignotaque pande reperta,
Dum nostri tibi dona parant solemnia nautae,
Ut Nereo & Panopeae & Tethyi Neptunine.

Si pluvii de parte noti, si fulminat austri
 Cum fremitu domus atrâ; oculis aut nubila caelum
 Eripiunt imbri foeta & resonantibus euris;
 Non patriis quisquam tum te discedere terris,
 Aera nec moneat paullatim educere clausum
 Jam tibi monstrata curvis ex orbibus arte.
 Horrida nam caelo tempestas saevit; & omnis
 Aestuat aura super ventorum turbine magno
 Sedibus ex imis agitata, abjere volucres
 Frondiferas pavidae in sedes, penitusque latebras
 Certatim subeunt jam toro ex aethere pulvae.
 Interea magno crepitans ruit impete grando,
 Pulsataeque fremunt sylvae, ferturque tument
 Per segetes pelago torrens, atque omnia late,
 Qua se cumque tulit, violento gurgite vastat.
 Heu male tum vacuo tenues defendere possis
 Aere globos, volucrumque ratem: tam magnus ab alto
 Concretæ cadit imber aquae, subjectaque frangit.
 Vere tibi melius classes immittere caelo;
 Vere viget fudi genitabilis aura favonj,
 Caeruleoque niter placatum lumine caelum,
 Quum ferus averso fugiens canis occidit astro (a),
 Taurus & aurato cornu micat. at mala nautis

Fri-

(a) Virgilius etiam *lib. 1. Georg.* per eadem ferme, haec signa verè describit, quamvis id fortasse recentioribus Astronomis non omnino probetur.

Frigora & hiberno minitantia tempore signa :
Tum vario motu caeli domus excita fervet ,
Luctanturque inter se vasto turbine venti .

Ergo ubi post hyemem sylvas aquilone moveri ,
Ac nitido adspicies phoebum splendere curru ,
Nec jam aderunt atrae , pulsa caligine , nubes ;
Tu socios hortare , novasque industrius artes
Adgredere , & liquidum siphonibus aera motis
E patulis expelle globis . expulsus abibit
Scilicet ille , viae facilis qua ductus apertae
Extrorsum est : verum quum sedibus exiit imis ,
Ostia claude vigil multa vi protinus , idemque
Omnem aditum explora , ne qua citus irruat hostis .
Jamque graves minus atque minus , sensimque levatos
Circumfusa globos alte sustollit , & imo
Evehit aura solo . vento vos pandite nautae
Carbasia ; jam pariter sublata nat aere puppis
Aemula pennigeris avibus . stupet inscia turba ,
Attollensque oculos tacite miratur , & ipsa
Quae videt , haud credit novitatis imagine tanta
Perculsa . at dryades passim sociaeque napeae ,
Quae nemora & saltus late quaeque ardua montis
Saxa colunt , trepidae discurrunt omnibus agris ,
Incertaeque animi pendent , an numina caeli
Esse putent , mira an pendentia nubila forma .
Atque aliqua aut Phoebum metuens ipsumve ruentem
Alta

Alta in nube Jovem, gressu subit invia saxa
 Pernici, penitusque cavo sese addit in antro.
 Quid fugitis? volat acta abies tollentibus auris
 Innocua, & terris longe magis usque relictis
 Nubiferas sublimis adit, templa edita, sedes:
 Quoque magis petit alta, homines, urbesque videntur
 Effugere, atque ipsi pariter decrescere colles.

Non tamen & libeat nimium conscendere in altum,
 Summaque veloci superare cacumina nisu
 Atlantis rhodopesque aut alti culmen olympi,
 Sidereo vincit nubes qui vertice. tenvis
 Aura ibi, nec generi nostro spirabilis aer
 Possidet a terris longe loca. celsior ille
 Scilicet ex ima quo terra adsurgit in astra,
 Rarefcit magis, & similis fluit altus inani.
 Tu medium lege tutus iter, mediamque teneto
 Usque viam; placida triviae sine regnet in aula
 Endymion, (b) populosque externo tutus ab hoste

Pace

(b) Lucianus, λόγος α. αληθ. ἱστορ., ita de rege in Lunari orbe; quo suam navim adpulisse fingit, καὶ ὁ ἀρχαμεν, αἶτ, το καὶ αὐτοῦ, καὶ διέβη, ὡς καὶ αὐτοῦ ἀνθρώπος καὶ, τὰτομα Ενδυμιον, ἀπο τῆς ἡμετέρας γῆς &c., ibique, ut solet, lepidissime Planeticularum pugnas describit. Quibus non abs re Hippolytum arque Adonidem adicere visum est; quod suas Venus in Euripidæo Hippolyto Στεφανηφορῶν inimicitias cum eodem satis aperte declarat; & Diana, quæ eadem est ac Luna, suas cum Ado-

Pace regat, longam neque rumpat cura quietem.
 Quamquam etiam perhibent saevae post crimina Phoedrae
 Hippolytum superas Lunae Iasonidis oras
 Adscendisse: illum fortes in praelia turmas
 Ducere, si quando armorum furor instat, & acer
 Idaliae e regno Veneris movet agmina Adonis.
 Hos pugnare juvet; mihi tu demissior ito,
 Nec regna aëtherum cures palantia nosse.
 Proderit idcirco solventi vela, saburram
 Tollere, si navis fuerit sine merce, neque ullo
 Pondere pressa. hoc (c) effusos munimen ad Euros;
 Hoc ubi subducta vectari coeperis aura,

Ne

Adonide; quem etiam interfectorum minitatur. Id enim contra Euripidis Scholiasten Stiblinus & Barnesius cum Apollodoro ac Petro Victorio ex his ejusdem traegodiae versibus erui contendunt: *Εγω γὰρ*, inquit Diana prope finem, *αυτῆς* (nempe Veneris) *ἄλλαν οὐ μὲν χερσὶ*,

Ὅς αὖ μαλιστα φιλτατοὶ κύριοι βροτῶν

Τοῖσις ἀφυκτοῖς τοῖσις δὲ τιμωρησομὶ &c.

De immodico vero Endymionis somno audiendus praeter alios Theocr. in *Idyll.* γ'. prope finem. *Ζαλῶντες μὲν αἱ οὐ τοὺς ἀνθρώπων ὑπνοὺς ἔχουσιν Ἐνδυμίων, ζῶν δὲ &c.*, quae olim ipse auctor, quum hoc Idyllium latine verteret, sic extulerat liberius *Et Endymion felix, cui condita nosse Lumina sunt molli semper, fruiturque sopore; Miror et Jasona &c.*

(c) Similis loquutio habetur apud Virgilium lib. 2. Georg. vers. 352, & sequ.

Ne rapido nimium supera ad convexa volatu
Abripiare citus; placido sed vectus in altum
Ceum Zephyro sensim magis & magis usque ferare.

Nec sum animi dubius, mirum tibi posse videri,
Ista minus fluido quum sit gravis aere puppis,
Cur pariter fummas auras volitantis ad oras
Supremumque locum trans subdita nubila vecta
Non eat; atque illuc librata evadere certet,
Ipsam nullus ubi jam desuper urgeat aer?
Sic etiam aequoreis leviores fluctibus ipsae
Caeruleae naves summa librantur in unda;
Per medios nec subter eunt, loca pervia tantum
Squamigeris gregibus, latices; nisi forte coorta
Ventorum ac pelagi rabies infracta carinae
Disjiciat latera, ac torto voret aequore vortex.
Quamquam tunc imo subsidunt omnia fundo,
Nec medio pendent suspensa in gurgite, falsis
Quae sunt cumque undis graviora: ita nempe vel alte
Cuncta natant, vel cuncta jacent demersa profundo.

Haec tamen ut certis valeas deprendere falsa
Iudiciis, certaue animi ratione resolves,
Contemplator, aquas quum caelo affusa minantur
Nubila, & in tenebris phoebe latet abditus ignis:
Numquam alte regionem omnes tolluntur ad unam
Imbriferæ nubes; sed pars petit edita longe,
Pars autem magis ima tenet, propioraque terris

Acrio

Aerio spatia in campo . nec fecius omnes
Altior haec , humilis magis illa , in tramite caeli
Suspendae medio fluitant ; insistere summo
Nec spatio certant , neque item , licet altior aer
Imineat , lapsae terras volvuntur ad imas .
Nonne etiam superas quo caeli fugit in oras
Alta magis , terris secretaque , purior aura
Hoc fluit , ac minimum terrenae obnoxia faeci
Sidereis longe in campis ? ibi nubila nunquam ,
Nunquam imbres , nunquam densantur turbine nimbi ;
Aurea sed ridet species , & pulchricornus sol
Indistincta suae diffundit spicula lucis .
Semper enim tenuatur ; odor ceu dissitus halat
Ille minus , quo se in superas magis extulit oras ,
Vel cilici quum scaena croco perfusa renidet ,
Arave quum thuris panchaeos efflat odores .
Densior hinc etiam primae regionis in altum
Multa efferre queat , rarus quae deprimat aer
Alterius ; quaeque hic possit suspensa tument
Ferre super dorso , neget alter rarior , illum
Ordine qui sequitur . vario pro pondere navis
Proin tua se varia sistet regione , nec ultra
Quaeret iter librata semel , spatiumque feretur
Per levius sese & gravius , media inter utrumque .
At maris effusi densum quod corpus ubique
Est aequae , haud gravior fundo pars altera sedit ,
Altera

Altera pars unda in summa subtilior ; ipsa
Fit quoque uti cymbae curvatae pinea texta
Summa petant pelagi , summoque in gurgite tantum
Se librent , sistantve vadis demersa sub imis .

. Praeterea , magnam lymphis ingentibus urbem
Qua Tamesis lambit , multi voluere per artem (d)
Institui sic posse rates , ut subter aquarum
Per liquidos mediae fluctus , infraque supraque
Circumfusae undis narent ; ceu grandia Protei
Armenta , atque alia immensi vaga monstra profundi .
Nec vero pugnax ausim contendere contra ,
Ut solet ignarum vulgi genus , omnia falsa
Qui credit , quaecumque sibi miranda videntur
Ardua : ante animo multarum foedera rerum
Vestiganda acri ; tum quid vel possit oriri
Vel nequeat , dicendum . aliter de tramite recto
Judicii abripiet praeceps te saepius error .

Nam

(d) In hac opinione Mersennus est . Varias autem navium species habes apud Thomam Garzonium ; quarum celeberrimae sunt illae tres a Guillelmo Schrotero inventae , & a Scoto nostro in sua Mechanica descriptae . Celebratissima & illa Roterodamensis est navis , huic similis etiam Antuerpiensis , cujus Famianus Strada lib. II. dec. II. de bello belgico , mentionem fecit . Omnibus vero praestantior hoc in genere illa fuit , quae inspectante Henrico VIII. tamesim subiit , inque sui admirationem oculos omnium , qui aderant , convertit ,

Nam quid obest, fieri tanto ne pondere cymba
Possit, uti quantum subjectis tollitur, illis
Quae super incumbunt, tantum mergatur ab undis?
Tunc non illa quidem fundum descendet ad imum
Suppositis instans lymphis, non gurgitis alti
Summa petet, laticis supera depressa liquentis
Parte alia; sese certa sed sistet aquarum
Sub regione, aequis hinc atque hinc viribus acta,
Ac pariter suspensa, velut, diversa quadrigae
Quum geminae in spatia addunt se & discedere tentant,
Si modo se nexu teneant ac viribus aequis
Alipedes hinc inde trahant; immobilis haeret
Utraque, libraturque: haud hanc haud tendit in illam
Ulla plagam, torto licet acer desuper instet
Fusse sonans auriga, omnesque effundat habenas.
Magna hinc utilitas, magnum navalibus esset
Auxilium pugnis: & quantum bella juvarent
Aeriae classes; medias tantum ipsa per undas
Navigia haud viso venientia tramite, & armis
Improvisa imi de sede furentia Nerei. (artem
Atque equidem haud dubitem, quin haec quoque dira per
Damnaque & immanes ad mutua funera clades,
Tantus amor caedis! mortalia pectora tentent.
Ne vero, ne talem animis adfuescite pugnam,
Spicula neu properae nimium nova quaerite morti;
Mille parent lethi causae! satis in mala nostra
Ver-

Vertimus ingenium: rigidos conflavimus aera
 In gladios hastasque & acuta cuspide tela;
 Unde unci melius vomis formatur aratri,
 Plaustraque eleusinae matris, cerealìa dona.
 Ignem etiam vafri subductum fraude Promethei
 Innumeros vitae munus mortalis ad usus
 Perdimus in caedes. cujus vi plumbea grando
 Terrifico jaculata sono late agmina sternit,
 Sternit equos; altas & fundo diruit arces,
 Quin homines contra quin ars obfistere possit.
 Vita fuit certe potior, quum sanguine nondum
 Immaduit nostro tellus, non fluminis alvei
 Purpureis rubuere undis; nec noverat ullus
 Arma, nisi inverso cererem queis conderet arvo,
 Fissile vel robur vel celsam excinderet ulmum,
 Vitigenam aut premeret frondem. nunc vividus artes
 Extudit innumeras usus; sed & omnia regna
 Vipereis crines Alceto impexa colubris,
 Non mare, non linquens terras, hostilia ad arma
 Exciit, ac magno furiarum involvit in aestu
 Bella necemque ferens & tristia semina cladis.

Quod superest, media quum jam volitabis in aura,
 Omnia queis regitur pelagi per caerula cursus,
 Illa tibi tractanda: secus neque tutus in alto
 Nare, neque optatam poteris contingere metam.
 Omnis in albeſcenti primum descripta papyro.

Tel-

Telluris vastae facies & mensa locorum
 Intervalla viis cunctorum cognita debent
 Esse tibi: campique urbesque atque edita caelo
 Culmina, & aequorei tractus circumflui humor
 Qua pateat, qua se freta per diversa profundat.
 Sidera tum late magnum per inane notanda,
 Quid pluviaeque ferant hyades, quid plejas, & haedi
 Nascentis sidus; vel quid minuetur Orion
 Turbidus, aut heros stricto Danaëus ense.
 Orbem etiam triviaeque juvat servare, cadentis
 Et phoebi; martemque venus quo lumine cernat,
 Saturnusque jovem, cyllenius ignis utrumque.
 Non quod celsa sua quidquam vi sidera posse
 Ipse rear tanto a nobis distantia tractu,
 Hoc moneo; verum & labentia tempora noctis,
 Et varios caeli signant quod fulgida mores,
 Seu purum referant, fuscum sive ore colorem.

Ante tamen tristesque hyadas & oriona & haedos,
 Mundus ubi ad scythiam adsurgit, spatioque coerces
 Inrequieta brevi volventia lumina, & alto
 Non finit oceano condi; sub cardine summo
 Usque nitens ursae (ε) sidus glaciale minoris

D

No-

(ε) Graeci quondam; aliaeque gentes ad majorem Ursam vel Helicen, quam primus observavit Nauplius,

50 . NAVIS AERIA.

Noscere te jubeo, caudae quod parte sub ima
Emicat, ac dubias vasto regit aequore naves.
Illa tibi monstret cursus, illam aspice semper
Axe sub argenti rutilam: stat proximus illi,
Arcas & ipse olim, stellato corpore fulgens
Arctophylax, nautis non ipse irascitur ardens,
Sed vigil observat, ne qua se Parrhasis axe
Auferat, aut vetita nereï se proluar unda.

Quin & quum caelum nebulae obsedere, nec ulla
Nimbiferam per noctem aegris mortalibus ardent
Lumina, hyperborei sedem magnesia signi
Prodet acus, certoque ostendet pendula nutu,
Qua gelidus sit parte polus, non vertit ad afros,
Non ea ad hesperias aciem vel memnonis oras

Li-

si Theoni credere fas est; vel, juxta Flaccum, *Argo-*
naut. lib. 1., Tiphys ille celebratissimus Nauclerus,
curlum instituebant: unde Aratus inquit,

..... ελικη γε μοι κειρες ακαιδι

Εν αλι τεκμαιρομαι, εν χρη θηας αγνω &c.

At Phoenices iter dirigebant ad minorem Ursam (te-
stibus Eustathio *Iliad.* α'. Et Arriano *Exped. lib. vi.*)
quam dispexit primus juxta nonnullos Thales Milesius
origine phoenix; apud Hyginum *lib. II. Poet. Astron.*
Eustathium *Iliad.* δ. & Theonem in *Aratum*. Phoeni-
cios nunc Europaei omnes imitantur. Vide Potter. in
Archaeol. lib. III.

Libera; at optato septem subjecta (f) trioni
 Litora, riphæoque horrentes frigore terras
 Usque petit. tum si placidam desistere cogas
 Sedibus arctois, furit ipsa irata, diuque
 In gyrum videas tremulam se volvere: nulla
 Vel mora vel requies usquam, nisi rursus ad arcton
 Vergat; ibi inventa jam tandem in pace quiescit
 Occasum hinc fugiens, illinc tithonia regna,
 Tergaque nimbiferos vertens contraria ad austros.
 Hujus ope haud unquam, tellus procul avia quamvis
 Fugerit ex oculis, stygioque excita lacu nox
 Tartareis caelumque diemque obduxerit umbris,
 Errabis recto excedens de tramite callis:
 Tautus in arcadicam rapit urgens impetus ursam!
 Non tyriis olim haec nautis non cognita grajis
 Res fuerat; solum ferri spectandus amore
 Ante fuit magnes, durum quum saepe viderent
 Appositi propius ferri vincire rigorem,

D 2

Ad

(f) Id quidem non est intelligendum sine declina-
 tione diversa in diversis terrae locis; quonobrem & ta-
 bulae, uti vocant, declinationum constructae sunt. Imo
 si ad ingentes ferri fodinas aliquando deveniatur, non
 polum, sed illas magneticam aciem respicere certum
 est; nullusque fere ipsius tunc habetur usus. Si vero in
 ipsis polis iisque solis massae ferreae haberentur, ad
 ipsos tantum polos sine ulla ferme declinatione magne-
 ticae acies dirigerentur.

Ad sua & invisis trahere oscula viribus aera.
 Aequeorcos illum primus traduxit ad usus
 Ausoniae (g) cultor, quo nunc se jactat alumno
 Parthenope, & stimulos contra jaculataque tela
 Invidiae multa famam cum laude tuetur.
 Quaeque etenim voluit, magnis contingere semper
 Ut solet in rebus, tantae decerpere laudis
 Praemia gens, tantique sibi decus addete facti.
 Cujus ut inventum patuit, prius invia stagna
 Oceani longe effusi petiere carinae,
 Nec timuit vix audito se credere ponto
 Navita: ad eoi maris hinc felicia regna,
 Occidui hinc alias orbis conquirere partes,
 Ignotos & itum terrarum extendere fines.
 Disce & signifero phoebe (h) cognoscere ab orbe
 Quam

(g) Primos se fuisse magneticæ hujusmodi proprietatis inventores mortales multi gloriantur; nec desunt, qui jam Sinis notam fuisse mulco ante, quam fuerit Europæis, arbitrentur. Vide *Lexicon Chamberf.* ut alios mittam Scriptores, constabitque Flavio Giojæ Neapolitano, qui sæculo XIII. vixit, potiori quidem jure, quam aliis, hanc esse laudem tribuendam.

(h) Methodus determinandæ latitudinis geographicæ est admodum facilis & expedita vel ipsis navigantibus. Minor autem Ursa, & potissimum ea ipsius Stella, quæ, quod in ejus cauda sita est, adpellatur *Kwo.*

Quam distes; austri quantum hinc in regna; vel illinc
 In boream vergas. altus certissima titan
 Signa dabit, quodcumque tuo seu vertice supra
 Sidus inardescens, sive ipsa Lycaone nata.

At non sic facile speres deprendere (i) quantum
 A mediae recta distans regione dici
 Solis ad occasum tendas vel solis ad ortus,
 Quamvis & phoeben umbra telluris amictam,
 Nigrantesque jovis comites, ipsumque nigrantem
 Saepius adspicias solem. longae omnia curae,
 Omnia adhuc magni nec certi plena laboris.
 Non tamen & dubiis vanos conatibus usque
 Hic labor exercens animos eludet in aestu
 Vel medio pelagi, rapida vel in aetheris aura,
 Si melius pateat, quam phoebe argentea distet.
 Sideribus longe a fixis & solis ab orbe.
 Hoc quoque vos nautae sperate, hac nautica laude
 Ars etiam sese jactabit; & omnia vincet

D 3

In-

Kurorepæ, polo proxima atque idcirco minimo acta,
 motu & nunquam occidens, apertissima est ad designan-
 dos cardines finitoris seu horizontis.

(i) Longitudinis geogr. determinandae ratio adhuc
 est difficilis illa quidem nec satis accurata; quamvis
 Sellae cujusdam ope, quam Irvvius in Anglia excogitavit
 perfecitque, in ipsa maris fluctuatione jam & majora
 tele. ..

Ingenii vis illa, viget qua Gallia solers,
 Aut metuenda mari vicina Britannia; cui non
 Audeat aequoreis quisquam contendere in undis,
 Sive opus iratos nereï contemnere fluctus,
 Seu varias artes nautarum extundere in usum.
 Quid te jam cunctos moneam praediscere ventos;
 Quid tempestates caeli, variique tumultum
 Aeris, ac motus omnes? quid signa docebo,
 Quae procul adspiciens metuas discedere terris,
 Aut properes petere ima redux, portuque subire?
 Ultimus haud etiam fuerit labor, edita malo
 Carbasa nosse manu tractare; & nunc dare ventis
 Laxa magis, nunc illa minus, modo tollere in altum;
 Et modo dejicere, aut partes obvertere in omnes,
 Quo ventus cursusque vocet. non utilis ulla,
 Jactatis aut ars magis opportuna carinis.

Forſitan heic quaeras, zephyri ſi flamina ceſſent
 Aeoliis incluſa antris, num inſurgere remis.

Ob-

telescopia, & Dollondianum micrometrum, aliaque
 hujus generis instrumenta non sine fructu ac magna
 utilitate facile possint adhiberi. Consule *adnotationem*
 78. & *sequ. ad lib. II.* doctissimi sane poematis Boico-
 vichiani *De Solis ac Lunae defectibus*. Vulgatum etiam
 recentissime ferunt in Britannia jussu illius regiae So-
 cietatis ab Haristonio novum quoddam *longitudinum*
horologium.

Obstantesque auras possis impellere ? fluctus
 Ceu maris impellunt nautae, si quando morantes
 Vela negant implere austri, non aeolus, audit
 Vota, precesque; jacēt posito freta muta timore,
 Atque hilares ludunt summa delphines in unda.
 Quamvis aura minus remis pellentibus obstat,
 Caerula quam nereï; tamen ictibus illa resistit,
 Illa etiam perculsa ferit, propulsaque pellit.
 Indicio est avium sublimis in axe volatus
 Aetherio. haud etenim liquidas se ferre per oras
 Remigio alarum possent, velut aequore pinnis
 In mediò pisces, nisi mota resisteret aura,
 Pulsaque in oppositas pellentia corpora partes
 Truderet, acceptoque aequalem redderet aequa
 Vi motum. subito quo impulsu in corpore utroque
 Mobilitas oritur geminas contraria in oras:
 Hac aer, illac fugiens volat incitus ales,
 Alter & alterius vires minuitque fovetque.
 Sed quoniam pelago leviorque & rarior aura
 Alta fluit, remorum idcirco palmula, fluctus
 Quae secat aerios, solitis tibi latior ima
 Parte sui pateat, multumque agat aera pulsu.
 Nonne etiam volucrum se multo latius (k) alae

D 4

Cor-

(k) De hac re legendus imprimis doctiss. Borellius in
 Sta-

Corporis extendunt varia pro mole, natantum
 Omnigenum quam pinnae? haud hoc natura sagaci
 Imperii nutu nequidquam provida cavit,
 Quam prima lucem nascentis origine mundi
 Hauserunt mutique greges pictaeque volantes:
 Omnibus illa dedit, quorum quisque indiget usu,
 Seu mare seu terras celebrat sive aethera purum.
 Adde quod anterior minus obstat mobilis aer,
 Quam pelagus proris rostrisque tridentibus: ergo
 Quamvis ipse magis tenuis fluat, ille carinae
 Non minor in caeli liquidis erit impetus oris.
 Sic etiam verso propere temone vel illam
 Vel partem hanc caeli cymba properante tenebis,
 Avius & certo nunquam de tramite cedes.
 Heic tamen & remos suadebo ipsumque polito
 E corio, qua parte leves temo incitat auras,
 Efficere: haud magnum sic addent pondus, & una
 Aëraque accipient melius, meliusque repellent.

Quod, si quum medio nabis jam laetus olympo,
 Saeviat extemplo nimbis ferventibus auster,
 Involvatque diem tenebris; tunc arte magistra,
 Tunc opus est animis; atrae formidine mortis,
 Adversisque finas vulgum pallefcere rebus.

Nil

Statica, in qua sane egregie de avium differit volatu,
 totaque corporis ac membrorum conformatione ad il-
 lum necessaria.

Nil usquam miseris tutum mortalibus esse
 Jupiter ipse dedit. non vis, non ipse juventae
 Largas inter opes securaeque otia mentis
 Aut vigor, aut vernans florenti in pectore robur;
 Magnorum non imperium, non aurea regum
 Limina firma satis. miseros quid Gallia luctus,
 Quidve tuas referam spes fractas; nuper acerbo
 Funere quum regni columen (1) tibi, perdita, raptum
 Ingemeres; tuque ipse tuo quum Sequana fletu
 Auctus, ab inspecta tumuli dum mole recentis
 Extincti tibi crescit amor, violentior ires
 Oceanum in magnum? quid jam Germania cogis
 Me tua crudelis miserantem incommoda fortis
 Nunc memorare? tuos infelix Austria casus,
 Dic luctus dic ipsa tuos, quum moesta videres
 Sub Lare Caesareo cunulari (m) funere funus,
 Quin Juno, quin posset Hymen obistere morbo.

Heu

(1) Intellige Sereniss. Delphinum Ludovici XV. Christianiss. Regis filium: cujus acerbissimam toti Galliae mortem paullo post ejusdem conjugis amantissimae mors item acerbissima consecuta est.

(m) Eodem fere tempore anno 1767. Imp. Caes. Aug. Josephi II. uxor augusta obiit Maria Josepha Bavaria, ac Maria item Josepha Archid. Austriae Ferdinandi IV. utriusque Siciliae Regis futura conjux, nisi improvisa omnibus atque acerba, quum de ipsa jam italica profectio cogitabatur, tot populorum vota more extemplo interceptisset.

Heu pietas, heu sancta fides, & conscia laudis
 Pectora! quas lacrymas, quos fletus funera tanta
 Excivere? altae flerunt hinc Vindobonae arces,
 Vindelicique una, Rhetique, Aenusque, Lycusque,
 Danubiusque, & Danubio centum patre Nymphae:
 Hinc Padus, hinc Athesis, pubes hinc itala flevit;
 Et pater in primis viridi Sebethus ab antro
 Inter mugitusque soli, piceamque favillam,
 Atque ejecta jugo torrentia saxa Vesevo,
 Crudelesque deos nequidquam dixit, & altum
 Ingemuit. cui nereïdes, cui najades omnes
 Crinibus errantes fufis per caerula colla
 Responsant fletu; nec rubra corallia, & ulla
 Dona parant, nec dulci iterant jam voce hymeneum,
 Sed cava luctifonis complentes antra querelis
 Funereas circum ponunt de more cupressus.
 Ipsa Venus lacrymas visa est fudisse tepentes
 Patulilipi sub rupe sedens, atque ipse Cupido
 Irrita dona querens nervos evulsit ab arcu,
 Extinxitque faces, atque aurea spicula fregit.
 Nec (n) fat erat; caelo terras miseratus ab alto

Ni

(n) Maria nimirum Theresia Hung. ac Bohem. Regina
 semper Augusta tum temporis eodem, quo superiores
 Nurus, Filia, & Neptis, occubuerant, gravi
Variolarum periculosoque morbo afflictabatur: verum
 singu-

Ni pater omnipotens saevire impune vetaret
Fortunam ulterius, servans te maxima nobis,
Austriadum te Diva potens ad publica servans,
Commoda; qua lethi revocata limine ab ipso,
Sol iterum roseo nitidum caput extulit axe,
Territaque optatam viderunt saecula lucem.
Quo tamen a primo digressum hi carmine luctus
Abripuere? fatin tibi dura atque aspera rerum,
Infidae & casus non posse avertere fortis
Visti homines? magnum constanti ferre laborem
Pectore, quicumque inciderit; nec cedere victum,
Dum vires, & cura valent obistere contra,
Conandum est homini;tribuendaque cetera fato.
Ergo quum rauco misceri murmure caelum
Videris, & liquidos glomerari turbine campos,
Anteveni. remis velisque incumbere nautas,
Dum licet, ipse jube: terris advertere proram
Ne pudeat, quum saevit adhuc procul excita nimbis
Tempestas, longeque incoeptant praelia venti.
Jamque malum propius serpit propiusque citato
Impete se volvit; tum circum exaestuatur aer
Correptus; resonant sylvaeque & concava fassa

Pul-

singulari Dei beneficio ac providentia factum est brevi,
ut quantum boni omnes ex ejus morbo dolorem moe-
roremque ceperant, tantam etiam ex ejusdem recu-
perata valetudine laetitiam ac voluptatem susciperent.

Pulsataeque fremunt valles . tu praepete cursu
 Interea loca tuta subis tellure potitus
 Optata , portumque ingressus munera reddis
 Junoni aerae & tyndareo Polluci(o) :
 Non tamen & fugisse malum , non usque licebit
 Evasisse prius caelo , quam turbine venti
 Aurarum in medio deprensam gurgite puppim
 Corripiant . lege vela citus crepitantia , & altas
 Antennas demitte , euri vis improba gliscens
 Omnia ne frangat , ne vertat in aëre cymbam ,
 Illa suo pendens quamquam se pondere libret .
 Heic etiam fyrtes , heic scylla & saeva carybdis
 Horrendam ostentant faciem ; sunt & sua caelo
 Monstraque & infames scopuli . cave proxima saxa ;
 Ac potius mediis aurarum agitatus in oris
 Alta tene , litusque fuge insurgentibus austris .
 Ne mihi tunc montis placeat latera aspera circum
 Errare & cautes propter . vicinijs urget
 Dum spatium terrae ; reperit sua funera saepe
 Nauta , procellosi in fyrtes vi turbinis actus ,
 Demersusve vadis , scopulove infixus acuto .
 Tunc quoque profuerit , si fors non laeva resistent
 Numi-

(o) Tyndaridas Castorem nimirum & Pollucem ,
 atque ipsam etiam Helenam navigantibus suppetias fer-
 re , passim legitur apud poetas .

Numina, demisso vel culmina summa rudente
Arripere aut nemorum ramos. jam dente tenaci
Anchora subjectis aut haesit cautibus, aut se
Arboreo implicuit trunco; jamque ipsa carina
Sistitur haud metuens minitancia saxa nec ullam
Ventorum rabiem. non hanc non turbine in illam
Abripitur partem: rapido modo fluctuat aestu.

Si vero, quoniam non ulla industria quondam
Profuit effugiumque dedit, dijecta resolvat
Texta ratis laterum laxis compagibus auster
Navisfragus, solum rebus quod restat in arctis,
Tunc age. difractae si fors pars ulla carinae
Orbibus haeret adhuc integris, hanc cape dextra,
Hanc tanto in casu sociam citus arripe, tractus
Pondere ne proprio caeli labaris ab arce,
Neu facias moriens peregrinae nomina terrae.
Nimirum, haud ulla disruptis parte globorum
Parietibus, non ipse cades simul additus, aura
Sustentatus adhuc: quamvis discrimina multa,
Et varios cursus huc illuc actus inibis
Ventorum arbitrio; donec consistere detur
Monte aliquo, placidis ubi solvas munera divis,
Ceu quondam Aeolides Phaeacum (p) ejectus in oras
Post

(p) Homerus id egregie *Odyss.* ii. describit, omnibusque pingit artis poeticæ coloribus.

Post siculi casus pelagi post tristia damna .

Haftenus haec : superest artis pars ultima nostrae
 Supremusque labor , jam fat per caerula caeli
 Ivimus , ac tenues puppi sulcavimus auras .
 Rursus amor carae subeat telluris , & illam
 Quamquam humilis longe jaceat , ne spreveris altum
 Classe tenens ; illic superis pia munera nostro
 Pro reditu sociique ferunt cognataque ad aras
 Pectora : fors etiam suavi dum lumine vitae
 Nos metuunt cassos , incessant fletibus ora .
 Et iam tempus ubi reduci petere ima volatu ,
 Nubivagos fluidum paullatim rursus in orbes
 Aera furtivo ductu revocabis . at ille
 Insinuans sese penitusque ingressus ab alto
 Incipiet caelo puppim gravitate potentem
 Deprimere , atque humiles terrarum advertere ad oras .
 Haud aliter nantes undosa per aequora pisces ,
 Haec eadem (q) rectum quem se intra ad munera servant ,
 Utriculum vacuantque auris , onerantque vicissim ;
 Illic ut subeat melius contractior undas ,
 Laxior heic summum contra extollatur in aequor .
 Lubricus est aer , facillique in concava lapsu
 Clausura subit , simul ac moti patet oris hitatus ,
 Qua

(q) Vide *Grammat. Scient. Beniamini Martin.* ubi
 cap. 5. part. 4. differitur de *Zoographia* &c.

Qua veniat. verum si quando copia maior
Excipitur, prono ad terram cadit incita puppis
Pondere, praecipitique volans ut turbine fertur.
Ipse tibi subeat tantus, librata per auras
Sentiat inlapsum vix illum ut navis, & alte
Circumagens sese per curvos devia calles
Nubiferas sedes, lapsu fallente, relinquat.
Aspice quum celsò conspexit ab aethere scyllam
Nisus atrox; non ille supra se corpore prono
Demittit, sed torva tuens atque actus in orbem
Hac illac cursus obliquo tramite carpit:
Tum propior magis atque magis, jamque aera gyro
Usque secans brevior, tenet, captamque cruentans
Antra petit, notae vel densa umbracula sylvae.
Sic melius liquida sese sustentat in aura,
Nec raptim celeri puppis redit incita casu,
At potius tardata diu. quod si aeris illa
Pondere plus justo depressa feretur ad imas
Praecipiti cursu sedes; tunc arte levanda
Rursus erit, graviorque cavis siphonibus aër
Rursum educendus. donec jam denique victor
Paullatim optata patriae potiaris arena.
Non etiam dubitem subter demittere vincla
Stupea: queis tractis, postquam cava fragmina rupis
Implicuere arcto nexu, descendere possim,
Aera quin tentem vacuos inducere in orbes.

Ma-

Magnus uterque labor, caeloque attollere navim,
 Atque iterum reducem patriis adpellere terris.
 Quid tamen ingentis nequeat spes vincere laudis,
 Quosve neget casus superare? illa agmine martis
 In medio, armorum qua densior ingruit horror,
 Mortales pulcrum per vulnera quaerere mortem
 Impulit. illa etiam gentesque ignotaque adire
 Nomina terrarum per multa pericula saevi
 Oceani, rerumque pati dira omnia jussit
 Esuriemque sitimque atram morbosque luemque.
 Hac duce & ostriferi sensit (r) juga pontus Abydi
 Et miratus Athos sua viscera pervia classi
 Assyriae; humentesque cavis nereidas antris
 Ludere, ubi nuper dryades duxere choreas
 Cum thiaso satyrorum & monticolis sylvanis.
 Quid Lernaea lues, quidve illa Erymanthia monstra,
 Cen-

(r) Vulgarissimus est apud Scriptores tum graecos
 tum latinos pons ille a Xerse, quum in graeciam vel-
 let exercitum traducere, in Hellesponto constructus. De
 Atho vero praeter alios Catullus in illa pulcherrima
 Callimachiana Elegia de Com. Beren. diserte ait:

*Ille quoque everfus mons est, quem maximum in oris
 Progenies phthiae clara supervehitur;*

*Quum Medi properare (seu potius peperere) novum
 mare; quumque juvenus*

Per medium classi barbara navit Athon &c.

quod vero ad Herculis pugnas heic pertinet, enarra-
 tione non indiget: est enim omnium sermone tritum.

Centauri aeripedesque boves & corpora strata
Geryonis, pressaque Atlas cervice levatus,
An non herculeae cesserunt omnia laudi
Edomita? audendum est, praesertim magna periclis
Laus ubi proposita, & duri seges ampla laboris
Succrescens cupidis sese mortalibus offert.
O quanta hinc veniet divinae gloria famae,
Quantus & usus erit! quamvis neque gnosia regna
In labyrintheis clausum te flexibus arcent
A patria; neque saeva times Minoïa iussa,
Rexeris artificii tutum quod Thesea filo.

Nam libeat martis seu forte ad praelia classes
Aerías armare; alio sive orbe vehendas
Ad merces, qua nec pateant maria alta, nec amnes,
At spatia immensae telluris & edita celsis
Saxa jugis, hae parva dabunt num commoda naves,
Exiguumque ferent usum? tu munere tanto
Haud tentata prius pandes commercia, & omnes
Inter se gentes sociali foedere junges,
Aeterna quamvis glacieque & frigore pressas,
A borea extremos tendit qua mundus in austros.
Quid quod & effugium duris in rebus habere
Proderit, aut patriam subitis incursum hostis
Invasisse velit; crebris aut excita tellus
Motibus immanem minitetur aperta ruinam;
Aut etiam pelago exudent freta laeta sonanti

E

Arva

Arva per, & populo ferventia strata viarum ?
 Quid jam venatus referam, quid retia tractus
 Jacta per aërios avibus? majora supersunt
 Munera: nam poteris propius disquirere causas
 Aethera per liquidum caelique patentia templa,
 Quid ciet elisos abruptis nubibus ignes
 Murmuraque, & stellas obscura in nocte caducas;
 Utque trahit varios iris formosa colores,
 Ingentique arcu caelum secat: humor & idem
 Cur modo se in rorem matutinasque pruinas,
 Ac modo se mutat lapidosae in grandinis imbrem,
 Inque nives pluviamque; & qua vi denique venti
 Nascuntur caelo, & nubes coguntur in alto
 Aere? jamque mihi, late qua maximus orbis (1)
 Panditur, hac videor terras invisere navi;
 Atque brevi lustrare die tot dissita regna,
 Quot nec Abantiades findens talaribus auras,
 Ipse neque edomitas Nysae de vertice tygres
 Victor agens Liber cum thyrsigeris Satyriscis.
 Quippe sua tellus vel sede immota quiescat,

Vel

(1) Sic & Fontanellius in dialogo, de quo mentio superius incidit lib. 1., elatum fingit se in aëre aequilibrari, atque illinc tellurem, dum circa axem illa suum diurno motu revolvitur, contemplari.

Vel celeri (1) sese potius vertigine circum
 Vertar ab occatu nascentem solis ad ortum,
 Ac modo phoebeo partem hanc, modo detegat illam
 Spectandam jubari; simul & circumflans aer,
 Qua trahet illa, via raptim volvetur eadem.
 Ergo etiam adverso qui funderet aera cursu
 Ales, & aequali motu contrarius iret,
 Nempe ipse occasum tantum, quantum aurâ sub ortum,
 Subter humum spectans variantis imagine scaenae
 Continuo varia gauderet. quare age segnes
 Tolle moras; vocat ecce eurus tua carbasa surgens
 Litore ab eo, puppismque per ardua pellunt
 Aerios contra fluctus cum Castore Pollux;
 Ocyor ut nimbis & praepete fulminis igne
 Ipsa citae oppositam vincat vim scilicet aurae
 Tantum alia provecta plaga. fluit incitus aer
 Insequiturque simul raptus vaga moenia mundi:

E 2

Pup-

(1) *Vel celeri sese potius* . . . ; quamvis enim fere idem haberetur effectus vel mota vel immota tellure; tamen placuit Copernicanam potius hoc loco hypothesim adhibere; quum & poetica magis, & vero etiam jucundior nescio quo pacto orbis terrarum descriptio ex eadem efflorescat. Itaque poetae magis quam philosophi haec auctor personam sustinere ultro proficitur: quod etiam in hac eadem liberiori certe, quam accurata geographiae ratio postularet, locorum regionumque enumeratione licere sibi arbitratus est.

Puppis & ipsa fluit, connixaque viribus aequi.
 Stat contra, spatioque immobilis haeret eodem
 Ac nova terrarum subter se pandit imago
 Interea, ac rerum novus usque enascitur ordo,
 Qua se cumque ferant oculi. viridantia sese
 Nunc nemora ostentant longe, praeruptaque versis
 Antra jugis, campique & formosissima tempe;
 Nunc fluvii vitreique lacus substrataque ponti
 Caerula, qua rapido ventorum agitata tumultu;
 Qua placido leviter motu crispata superne.
 Haec magnae incipiunt urbes se tollere caelo
 Vertice turrigero; haec raris magalia tectis
 Sparsa per & valles & dumis horrida faxa,
 Effugiunt. saevus ciet hac mars praelia parte
 Sanguineam quatiens hastam; spumantibus illa
 Fluctibus in pelagi luctatur navita, & alte
 Suspiciens placida frustra me spectat in aura.

Quae quibus anteferam spectanda? hinc Adria longe
 Adsonat; hinc maior Tyrrhena immurmurat unda,
 Pinifer & surgens pater Apenninus in auras
 Centum urbes magnas, centum labentia subter
 Flumina felicesque agros de vertice gaudet
 Despicere: ex oculis sed jam fugit abdita nostris
 Ausonia, & fugiunt alpes: jam Norica retro
 Culmina rarescunt; vix & Germania saevum
 Ad boream conversa; aliaque apparet ab ora

Divis

Dives in ingentes Hispania didita terras .
 Hinc Galli , hinc Batavi , & Belgae , parvoque Britanni
 Aestu discreti supra venientibus undis
 Oceani jam jam condi mergique videntur .
 Dumqua loquor , fugere citi : late omnia pontus
 Occupat , immensaue amplectitur Amphitrite .

Ecce autem nova se tellus adtollere longe
 Incipit extremam europen tranſque avia thules
 Litora ab occaſu . ſalve o poſt tempore multo
 Cognita terrarum pars maxima ! nulla tibi auro ,
 Ubere nulla ſoli tibi ſe componere certet ,
 Omnigenum aut ſeculis animantum : at quo mihi tantum
 Ipſa etiam properas ? viden , hinc ut tendit in arcton ,
 Hinc auſtrum : pars hispano ditiffima regno
 Mittit opes ; pars aequoreis non parva Britannis
 Ceſſit , Gallorumque animos incendit , & acres
 Subjecit nuper curarum in pectore morſus .
 Pars alia adveſtas non uno nomine gentes
 Novit ; pars etiam propriis intacta tyrannis
 Servit , & agreſtes veneratur barbara mores
 Externas exola manus & non ſua jura .
 Aurea Caſtellae haec regio , Peruanaque regna ,
 Illaque Amazonidum tellus ; Argenteus (u) amnis

E 3

Hac

(u) *Argenteus amnis* , fluvius nempe qui vulgo ab
 Hispanis dicitur *Rio de Plata* : vox autem *Plata* argen-
 tum

Hac fluit, hac minio sedem posuere rubentes
 Brasilidae, aut turpes nigrantia faecibus ora
 Hirrochoi, Canadesque atque cffera nomina gentes
 Innumerae, quas nempe inter tu maxima cura
 Palladis, Uranies & honos & fama Rogeri,
 Si freta sustineas longe tot inhospita obire,
 Incedet magno solis quum parva sub orbe,
 Siderëam (x) Venerem lato spectabis olympo.

O tibi

tum hispanis est. In aliorum nominum, quae heic
 occurrunt, inflexione, sciro, poetam sequutum graecae
 latinaeque inflexionis rationem quamdam ac similitudi-
 nem; minimeque sollicitum fuisse in inquirenda diligen-
 tius aliorum scribendi ratione; quum id in rebus no-
 vis atque a latinorum consuetudine alienis, uti sunt
 haec novarum gentium ac barbararum nomina, putet
 profecto cuique esse liberum oportere & in soluta me-
 tro oratione & multo magis in carminibus, ubi est
 non modo syllabarum ratio diligenter habenda, verum
 etiam poetici numeri suavis atque elegantia concul-
 renda.

(x) Nactus heic poeta occasionem faciendi mentio-
 nem sui Rogerii Boscovichii viri certe omni laude ac
 commendatione majoris, eam non praetermisit. Itaque
 ei, quum a Londinensi Regia Academia amplissimis con-
 ditionibus ac verbis honorificentissimis fuisset invitatus,
 ut cum aliis Academiae sociis in Americam navigaret, e
 California transitum Veneris sub solari disco anno 1769.
 observaturus, fausta omnia adprecatur; feliciorumque
 optat exitum, quam annus 1761. Venetiis habuerit,
 ubi

O tibi, dumque subit, dumque ipsa egressa relinquit
 Lampada phoebeam, caelo lux alma sereno
 Fulgeat, & faciles Zephyri plaudentibus alis
 Disjiciant nubes! ah te ne eludat inani
 Spe labor, ah cupidum rursus ne fallat, in urbe
 Ceu Veneta quondam adriacas male lussit ad oras,
 Bosporon invisum foedaeque Propontidos arces
 Quum peteres. i, docta rapit quo innata cupido;

E 4

I de-

ubi omnino male, tenebricosi caeli vitio, res illi cesserat. Quam quidem in rem non minus vere quam eleganter in quadam Elegia lussit Cunichius, quum eundem a longis itineribus revocaret: ait enim *Ejus desiderio torqueri sodales unanimos, qui eum nocte vocant atque die*

*Irati quondam Gallis ac deinde Britannis;
 Isti nunc Veneri, quae mala te dubios
 Per casus pelagi, bellique pericla tumentis
 Abripit: (ah nostri si miseret, Veneti,
 Quum nondum fessus longarum ambage viarum
 Adveniens vestra ponat in urbe pedem,
 Vos illum, Veneti, si qua ratione teneri
 Est potis, injecta vel retinete manu,
 Vel cupidae ardorem mentis restringite, ne quo
 Discedat dulci rursus ab ausonia;)
 Per casus pelagi quae te bellique pericla
 Inlectum saevos ducit in Odryssos,*

. Solis

I decus o nostrum ; non tu sine laude redibis ;
 Quo res cumque cadat . sed quid moror ? ardua ponto
 Litora conflungunt Asiae , Tichonia sedes ,
 Supra Indum Gangemque supra , felicia regna
 Qua Sinae posuere oris felicibus , & se
 Ingenti (y) vallo scythico tutantur ab hoste .
 Non & Baëtra vides , Serafque , & Perfidis arva ;
 Assyrios , Parthosque , & Caspia caerula , & amplum
 Eu-

*Solis ut incedet magno quum parva sub orbe ,
 Primus ab eoa cuncta notes specula .
 Isti dij Veneri faciant male ; quumque subire
 Incipiet phoebe lampada flammiferam ,
 Involvat caelum nimbis densissimus auster ,
 Illa suum caeco tramite currat iter ,
 Nulli visa prius , quam longe a sole remotam
 Pastor vel durus viderit agricola &c.*

Bosphorus vero , seu potius Bosporus , graece enim *Βοσπορος* scribitur , heic invisus ideo adpellatur , quod quum in amplissimi viri Corrarii legati veneri comitatu Boscovichius Constantinopolim tandem navigasset , paullo post ibidem lethalem in morbum inciderat &c.

(y) *Ingenti vallo* Nempe muro illo admirandae cujusdam magnitudinis , quo tota Sinarum regio , quasi urbs quaedam continuis moenibus , circumdatur : in longum enim ad 300. milliar. German. producitur ; 40. cubitos altus est , 15. latus : quem tamen Scythae vulgo *Tartari* anno 1649. facta irruptione penetrarunt , mul-

Euphratem celeremque Tygrin, auroque fluentes
 Hermum Pactolumque ? Phryges haec jugera vertunt ;
 Et Lydi, & Cilices, Medique, & dives arenis
 Thuriferis Panthaia & coi Nabathaei.
 Aspice & ad laevam Nilo faecunda tument
 Aegypti late arva: en ut Memphitica pubes
 Laeta vehi gaudet circum sua rura phaselis,
 Isidaque & facilem vocat ad solatia Osyrim.
 Mox subit ardescens propiori solis ab aestu
 Et Lybia & Numidae infroeni, Getulaque Iarbae
 Regia, quem rapta fertur Garamanthide nympa
 Cinyphii genuisse Ammon ad fluminis undas.
 Quid memorem Nomadas, Maurosqque, aut illa superbae
 Moenia versa solo Carthaginis? unde juvenus
 Punica romuleis alpes immisit apertas
 Arcibus, ingentemque metum. cunctantis adesser
 Ni Fabii (?) prudens in tali tempore virtus,
 Africa fors Latium premeret, Carthago maneret.

Quo

multaque regna in suam potestatem redegerunt, per
 octo annos saevissime grassati.

(?) *Ni Fabii* intellige Q. Fabium Maximum,
 qui fuit quinquies Consul, semel Centor, bis Dictator,
 bis Princeps Senatus, bis triumphavit; primo quidem
 consulatu de Liguribus, anno 521. quinto autem de
 Poenis, Tarentum quum recepisset anno 542. Anni-
 balis

Quo tamen heu fugitis terrae? vix cernere partem
 Exiguam licuit raptim; volat incita cursu
 Ad dextrum conversa latus jam Graecia, jamque
 Cyclades aegaeo pariter rapiuntur ab aestu.
 O ubi Thessalia est, ubi sunt Peneïa rura,
 Amphrysusque, & Taygeti Juga laeta Lacaenis
 Virginibus, Dirceque, Alphaeaeque flumina, & Ascrea
 Hesiode celebrata seni: Nemeaeaeque vallis,
 Pythonisque nemus dictum, tua Pindare fama,
 Isthmosque, argivaeque olim stadia illa juventae
 In Jovis Elaci campo. mihi laurea Pindi
 Quis nemora ostendat, quis dulcem Aganippida lympham
 Hauriat? o Helicon; o Cyrrha, o flumina sancta
 Pieridum salвете! obiti mihi totius orbis
 Nulla viret pars laeta magis; fragrantia vobis
 Medorum nemora, & niveis fulgentia baccis
 Litora Erythraei; vobis & dives odorum
 Tmolus, & Hesperidum cedunt horti, aurea cedunt
Et

balis ferociam & fortunam constantia sua contudit;
 remque romanam, acceptis ad Trebiam & Trasime-
 num cladibus fractam, cunctatione restituit, cuncta-
 torque appellatus est. Unde Ennius primum in Anna-
 libus, deinde Virgilius Aeneid. lib. vi. de illo iisdem
 verbis cecinit;

..... Tu Maximus ille es;
 Unus qui nobis cunctando restituis rem &c.

Et Gangis regna atque Indi, constrataque late
 Versicolorato gemmarum America nitore.
 Salvete o iterum phoebo loca culta! quis alto
 Post haec aut trhacen aut jam despectet ab axe,
 Illyris adriaco ridet qua litore, terram;
 Nobilis ismario quamquam illa superbiat Orpheo,
 Haec patriae (a) notas longe mihi praeferat arces?
 O patria o mihi cara vale! feror avius alnum
 In Latium toto paragrato victor ab orbe,
 Si non Eleae properans tibi munus olivae,
 Ast hedera, & lauro mixtum parnasside fertum.

Haec ego de volucris cymba cursuque canebam.
 Aerio, magni dum iam ducis (b) altera proles
 Nomen avi referens hetrusca ludit in aula,
 Discit & auspiciis tanti genitoris ad Arnum
 Tyrrhenis dare jura atque aurea condere secla:
 Jamque prius (c) cecini laetus florente juventa,

Cur

(a) Patria enim auctoris est Ragusium; quae urbs.
 ad Illyricum pertinet.

(b) Petro Leopoldo Archiduci Austriae, & Magno
 Hetruriae Duci hoc anno, quo editum est hoc poema,
 summa omnium gratulatione ac laetitia natus est Magnus
 Hetr. Princeps Arch. Austriae &c. Franciscus &c.


(c) Quemadmodum Virgilius in fine lib.4. Georg. ait,
 audaxque juventa,
 Tityre, te patulae cecini sub tegmine fagi

ita

Cur sonitus referant missos, cur muta loquantur
 Et nemora & rupes. at nunc helicone relicto
 Musarumque choris, diae sacra munera mentis
 Naturamque sequor, lenis qua labitur amne
 Caeruleo tybris, magnamque interfuit urbem.

ita etiam heic poeta initium sui carminis, quod in
 duos pariter divitum libros *Echo* inscribitur, & cujus
 jam alias mentio facta est, censuit adscribendum. Ad-
 dit etiam se nunc diae sacra munera mentis naturam-
 que sequi, quod hoc tempore in Theologiae studio ver-
 satus, utiturque magistris duobus viris doctissimis sa-
 pientissimisque Gaspare Segovia, & Hyacintho Stopinio :

FINIS LIBRI SECUNDI.




ELE-

ELEGIARUM
MONOBIBLOS.



.... ΓΕΡΑΩΝ ΔΕ ΘΕΟΙΣ ΚΑΛ-
ΛΙΣΤΟΝ ΑΟΙΔΗ.

Theocr. Idyll. xxiii.



AD MAGNAM
DEI MATREM.



CUI dabo exiguum pium libellum
Nec satis lepidum nec expolitum?
VIRGO dia tibi . tuas libellus
Quum laudes habeat , tuus libellus
Dici vult . satis ille se putabit ,
Si non displiceat tibi , beatum .
Quod si fors placeat ; nec inpolitus ,
Jam nec illepidus , perennis aevo
Plus uno sibi plaudet , & libellos
Omnes , quot fuerunt politiores
Auroque & minio & cedro elegantes ,
Vincet exiguus pius libellus .
At nisi auxilium tui repertum
Illi erit decorisque nominisque ,
Vix notus tineis araneisque
Inter multa pusillus impiorum

Gran-

Grandia illa volumina ac venena
Atris in tenebris jacebit usque ;
Vel tractu levior liquentis aurae
Unaque aëriam ratem sequutus
Ibit ludibrium favoniorum .
Quare illum tibi habe , tuus vocetur ,
Sit tuus . sub hera quid oro tanta
Vel sibi metuat , vel optet ipsi
A me jam fieri mage expetendum ?



ELEGIARUM MONOBIBLOS.

ELEGIA I.

Ad Virginem sine labe Conceptam.



Primam qui vetito matrem decerpere ramo
Poma malus vaftris impulit infidiis;
Quique suo mortale genus late omne parentis
Unius ob noxam subdidit imperio
Lethiferum inspirans virus, quod corpore fufum
Atque anima omnigenum monftra creat fcclerum:
Idem ille in colubri faciem converfus & ora
Hoflis atrox veteri te quoque poffe capi
Credidit arte, infans rerum puriffima. non fpem
Tantae illi potuit domere laetitiae
Criminis aut ultrix diri promiffa (a) virago
Impreffo elidens monftra nefanda pede;



F

Au t

(1) Cornelius a Lap. in illud Genef. cap. 3. *ipfa conteret caput tuum, & tu infidiaberis calcaneo ejus* &c. id etiam de B. Virgine intelligendum affirmat.

Ant rubeus ille vetus (b) flamma crepitante cremari

Visus, sed nullam passus ab igne notam,

Unave (c) diluvio referens te, diva, Carina

Illa jugis tandem sospes in Armeniis;

Proxima vel tellus largo dum rore madescit,

Aridulum, ac nullo vellus (d) ab imbre madens.

Sunt rata signa: tuae foecunda matris in alvo,

At non maternae conscia labis, ades

En concepta. prius caelesti lampade sanctus

Nempe Amor exussit terque quaterque luem

Incretam, & stygit exemit mala semina tibi:

Tum nivea finxit candida membra manu

Sanguinis ipse legens guttas, qui purior, & qui

Matris erat toto in corpore vividior.

Ah fuge jam coluber: viden ut dia emicet infans?

Te petit illa, tibi bella necemque parat.

Hinc Amor, hinc tutam custos regit altera pulcrum

Gratia (e) stellanti corpus amicta toga,

Spef-

(b) Exod. cap. 3.

(c) *Requievitque Arca super montes Armeniae* &c. Genes. cap. 8.

(d) Judic. cap. 6.

(e) Riccardus a S. Laur. super Eccl. omne enim, ait, *genus gratiarum, & omnia charismata virtutum intrarunt in Mariam* &c.

Spesque fidesque simul, flos ille merus virtutum,
 Formosam laeto circumeunt thiaso.
 Infans ò felix salve! quid vota moraris?
 Annae jam nascens egredere ex utero
 Nunc infans, olim virgoque parensque futura
 Digna Deo; ex te una est nostra oritura salus,
 Unaque tu generis lapsi pars integra, & una
 Quam merito e nostro vix rear esse satum.
 Scilicet Isacides priscum genus heroinae
 Tantum omnes cedunt laudis honore tibi,
 Quantum sublustri rutilantia sidera nocte
 Fulgori cedunt cuncta hyperionio:
 Qui quum se eoa mane extulit amphitrite,
 Obruta inextinctis ipsa latent radiis,
 Nec caelo apparent, nec pingunt aurea templa;
 Ille suo tantum fundit ab axe jubar.
 Et merito: nam quae parili se jactet honore,
 Quae se laude tibi conferat? anne (f) Sara;
 An formosa Rachele, an Debora fortis, an illa
 Assyrio referens quae redit exuvias

(f) De Sara in Genesi mentio cap. 11. & sequ.
 De Rachele Gen. 29. dicitur, quod erat *decora facie,*
 & *venusto adpectu,* quam &c. Jud. lib. 4. erat autem
 Debora prophetis uxor Lapidoth, quae judicabat popu-
 lum &c. Vide etiam librum Judith &c.

De duce sanguinea caput a cervice revulsum?

Quae prius, eximiae quam retulere decus
Virtutis, dederant stygiis captiva catenis

Et phlegethontaeo colla premenda iugo:
Omnibus ille draco malus ingruit, omnibus ante
Cervicem impositis pressit atrox pedibus.

Cujus tu contra sprevisi sola furorem,
Nec de te exuvias perfidus hostis habet.

Quin stygio quamvis epotum in te vomat amne
Virus, si qua ortus laedere fraude tuos
Possit, conantem frustra vincis tamen hostem

Innocuo calcans livida terga pede,
Insultansque. magis, magis o precor usque scelestum
Auctorem, a quo sunt omnia nata mala,
Omnia sunt nobis felicitis gaudia vitae.

A quo rapta, magis dia puella preme.
Ille suo ereptum per te nostrum genus iri
Infrendens frustra jam sciat imperio;
Et sciat & doleat vesanus. cur bona cessant
Gaudia? vicit ideo magna puella stygem,
Vicit, & attonitis lactum mortalibus omen

Iris (g) vicinae nuncia pacis adest.
En iterum, quales nondum ullo crimine foeda,

An-

(g) *Hoc est signum foederis . . . arcum meum ponam
in nubibus &c.*

Anguineo nondum perdita flagitio ,
Terra dabat, flores parit undique versicolores :
 Illi autem, circum dulce sonans Zephyrus
Dum volat, arguto foliorum murmure discunt,
 Ut merita es, laudes dicere sancta tuas .
Dicite jam laudes, jamque una crescite flores ,
 Quos alit alma suae terra parens dominae ;
Quosque in ferta legens dicam, tibi munera prima
 Lux mea pro domita dat styge noster amor :
Addam etiam cantus, sed quos nec Pieris ulla ,
 In sylvis Phoebus nec docet aoniis ,
Humor hiantae qua defluit hippocrenes ,
 Et varum epoto corda ciet latice .
Ingenium dabis ipsa ; unam te nostra sonabunt
 Carmina ; tu nostri carminis auctor eris .



ELEGIA II.

Ad Virginem nascentem .

Qualis noctivagae phoebes (a) nitor almus olympo
 Emicat , ac niveis invehitur bijugis ;
 Qualis ab eois nimbo conspersa rosarum
 Memnonis illa parens profilit aequoribus ;
 Qualis & imbriferas ubi guttas auricomus Sol
 Permeat , in vario lumine versicolor
 Post hycnem jam depulsam post nubila tetra
 Formosae facies iridos exoritur ;
 Talis ades nascens : quid talis ? ne bona saevi ;
 Quin potius vati parce puella tuo .
 Pauperis hoc vitium linguae , quae nescia fari est ,
 Quod videt attonitis sensibus in te inhians
 Mens animi , puras quum primum lucis in oras
 Matris felici laberis e gremio :
 Conatur tamen ipsa , potis si dicere , & omnes
 Verborum nequidquam anxia versat opes ,
 Vestigatque undas , poti queis ducere vates .
Sue-

(a) Cant. cant. 6. cap. 6. *Quae est ista , quae progreditur , quasi aurora consurgens , pulchra ut luna &c.*

Suerunt ismaris culminibus nemora,
 Atque hebrum tanaimque inhibere: heic deficit humor
 Pegaseus, sons heic aret apollineus;
 Rerum nulla refert species te, diva, venustum
 Nil est, quo non sis tute venusta mage.
 Quippe venis, qualem voluit Sator ille supremus,
 Et voluit, qua nec pulchrior ulla fuit,
 Nec melior, volvenste (b) aeterna in mente, priusquam
 Mundi libravit moenia ponderibus,
 Effuditque auras late, certisque revinxit
 Terrarum clausum finibus oceanum,
 Sidera & immisit caelo. tu namque fuisti
 Illud opus, majus quo nihil ipse deus,
 Condidit & solem quamvis & sidera, prompsit
 E tot inexhaustae mentis imaginibus;
 Tantaque virtutis tua sunt (c) exordia, nondum
 Nata omnes omni ut decore antevoles.
 Nil igitur conferre tibi sese audeat: atqui
 Non ideo has humiles sperne puella domos;
 Has tibi praecipue rerum pater ipse paravit,
 Praecipue tellus condita & astra tibi.

E 4

Aspice

(b) Proverb. cap. 8. *ab aeterno ordinata sum & c. quando &c.* vide Expositores in hunc locum.

(c) *Fundamenta ejus in montibus sanctis: Diligit Dominus portas syon super omnia tabernacula Jacob. Psal. 86.*

Aspice fulgentem lunam, quae dum aurèa cælo

Ducit fidereas nocte silente faces,

Optatum per lassâ dabit tibi membra soporem

Pallidula teneros luce fovens oculos.

Aspice & auroram: rubuere ardentia cæli

Templa, rubent longe culminaque & silvæ:

Haec tibi solis erit prænuncia. jam nova rerum,

Quoquo oculos vertas, se facies aperit:

Tethyos en pura prodit sol almus ab unda,

Vanescunt tremulis sidera luminibus,

Nusquam atrae est facies noctis: tantum ille coruscans

Litore ab eo litus ad hesperium

Spicula diffundit lucis volitantia; quae se

In septem postquam flamina dissolvunt;

Omnibus ille suis rebus color, omnibus illa

Et forma & species floribus enituit.

Tum libani te (d) cedri, & sioniae cyparissi,

Tum vocat atque ingens palma, oleaeque viror,

Et riguo platanus campo, Hiericuntis & illa

Ambrosium os rubro tincta lepore rosa:

Dumque vocant, placidas zephyris motantibus auras,

Adsonat omne avium per nemora alta genus,

Collu-

(d) Eccl. cap. 24. *Quasi cedrus* &c. Lege sis Rurperrum &c.

Colluditque iterans blando tua nomina cantu .

O quae tam felix nasceris , haud metuas
Heic habitare ; tuo si nunc dignabere terram

Adspecu , veterem se induet in speciem ;

Qualem habuit , miseram quum nondum perdidit Heva

Decepta inferni fraude mala colubri .

Omnia sunt illi primum hoc de fonte coorta

Tot mala , & omnigenae semina nequitiae :

Quae cunctis natura parens infausta suorum ,

Hausere ut primae tempora vitae homines ,

Insinuat penitus ; tibi sed , quae colla draconis

Presseris in carae matris adhuc gremio ,

Haud unquam insevit . semper curaeque metusque

Longe aberunt , falsae & gaudia laetitiae ,

Et spes & desideria atque aestus animorum ,

Transversos qui nos turbine conripiunt ,

Absorbentq; atrum in barathrum . tibi pectoris omnes

Motus pax certo foedere certa reget ,

Nullo inconstantis fortunae agitabere casu ,

Nulla tuum invadent nubila consilium :

Quae sunt recta , voles ; atque inter recta sequetis

Optima quaeque ; in te candida lux inerit ;

In te dius Amor , puram qui saepius auras

Te levis hinc pennis evehet aureolis

In superas alte volitans , ubi purior aether

Et supra Sinaï & juga Thaborea

Ri.

Ridet, & haud ullo concussus turbine saevit :

Illic tu nigris altior & nebulis ,

Altior & nimbis ventisque furentibus omnes

Despicias casus, despiciasque minas,

Queis humilis regio haec miscetur . quare age laeta

Regina o terras ingredere, ipsa decus ,

Ipsa aderis magnum columen mortalibus aegris .

Quos inter quum me videris, affer opem

Jaſtatoque vagoque : orto jam fidere tanto

In medio incolumes ibimus oceano .



ELEGIA III.

Ad Virginem Deo se in Templo dicantem.



T Antane te capiunt carae fastidia matris?
 Sicne audes patriis cedere liminibus?
 Ah properos cohibe gressus, quo dia puella
 Te rapis? an celsae templa petis Solymae
 Virginibus (a) virgo decus accessura? quid eheu
 Te sine jam mater, te sine jam genitor
 Heu quid agat? tecum solatia rapta senectae,
 Omnis tecum una lucis abibit amor,
 Iste tuus praesens quem pridem adspectus alebat,
 Nunc absens multa perdit amaritiae.
 Et quamvis te non teneant, suspirat uterque
 Attamen, ac tepidis ora rigat lacrymis.
 Ire tamen tu pergis: eunti ignoscite, tristem
 Et fletum uvidulis tergite luminibus.

Illam

(a) Multa sunt hac in re aut obscura, aut incerta; magnaue est opinionum varietas inter auctores, qui de hujusmodi arguendo scripsere. Nihil tamen heic dictum est, quod cuiquam temere dictum videri jure possit; quin ea fere omnia, quae describuntur, non levis auctoris alicujus nomine atque auctoritate nitantur.

Illam ducit Amor: dio quis pugnet Amori?

I, quo tantus agit, sancta puella, deus:

Ipse fores referat, dextram tibi porrigit ipse,

Ut facili valeas limen adire gradu

Auratum templi limen, magis aptus in orbe

Istis quo nullus moribus esse locus,

Nulla potis mage digna domus. tu candida nempe es

Illa (b) columba, olim missa per imbriferos

Quae tractus, nondum quum federat aestus aquarum,

Abdita queis tellus maxima delituit,

Ut sedem haud reperit late omnia circumspiciens,

Quiret ubi niveos ponere lassæ pedes,

Extinuit, pluviumque alis fugiens dedit, & se

Laeta iterum navi reddidit incolumem.

Scilicet in terris alibi num sistere posses,

Heic ubi commixtum fas simul atque nefas:

Tot scelerum facies, tam multae unde undique pestes

E stygio excitæ circumeunt barathro.

Quarum nulla tuos poterit conrumpere mores;

Nulla isthuc inferre ausa pedem poterit

Te puram terrere. audin? jam numen in alma

Aede sonant, numen carmina sacra canunt,

Thureus ante aras dum se vapor evehit alte.

Tu

(b) Genes. cap. 8. *Emisit quoque columbam post eum, ut videret quae quum non invenisset, ubi requiesceret pes ejus, reversa est ad eum in arcam &c.*

Tu divino adflatu intus adusta animum
Suspirasque ardesque atque uno numine gaudes
Ora sinumque tepenti imbre madefaciens.
Qualis ubi aurato subnitens cerea lychno
Concepit flammae vim sacula igniferam,
Illa quidem mollita liquefcit ab igne, simulque
Cuncta renidenti luce loca exhilarat.
Huic fimilis fletusque ardesque; & jam vix capis ipfa
Plenam exultanti pectore laetitiam,
Qua focias inter gaudes jam fede recepta
In templi. at verfo cardine jam crepuit
Postibus occlufis heu janua. quis mihi tete
Invidet, & cupidis subtrahit ex oculis?
Pande fores nimium immitis quicumque miniffer:
Men longe poffe hac Virgine abeffe putas?
Ergo te numquam poft hac formofa videbo,
Abftrufam in magni numinis obfequio
Nunquam ego te adfpiciam poft hac? at mente tuebor,
At certe gratis pafcar imaginibus;
Haud aliter quam fi manifefto in lumine praefens
Praefentem obtutu confpicer affiduo.
Ac modo fiderea (c) fuffufam luce videbo
Arden-

(c) Aliqua heic officia atque munera referuntur ex
iis, in quibus puellae, quae afebantur in templo, juxta
verofimiliorem opinionem exercebantur.

Ardenti sanctas fundere ab ore preces ;
Quas alacer charitum circumvolitans chorus omnis
Excipit, ac sedes evehit ad superas
Astra super solisque jubar: modo sacra canentem
Carmina , vel prisca temporis historias
Volventem , ac memori figentem in corde tuorum
Illa tot adspiciam grandia facta patrum .
Saepe etiam cernam , superum famulante corona,
Adposita in tela ducere ab arte notas ;
Ut varii immensos per caeli didita tractus
Numinis ad nutum fulserit haec species ,
Et nihili novus e latebris emerferit orbis ,
Non qualis nunc est dira lues hominum ,
Cunctarumque simul virtutum triste sepulcrum ,
Nescius ast ipsis cedere sideribus ;
Saeva parens , tantine fuit decerpere pomum ?
Te miserans coeptum forte remittit opus
Nunc mea virgo , tuoque horret dum effingere casus ,
Daedala acus saepe illi excidit e digitis ;
Flet quoque & anxifero suspirat pectore . quid flet ?
Non tibi , sed nobis saeva parens nocuit .
Aurea quin tenui rursus velamina filo
Pinge age , & artifice pollice rursus acum
Docta cape : en quatuor video de partibus amnes
Caculco sedes tramite dividere
Elisas , tempe felicia ; vix ubi semper ,

Puraque ubi caelo lux sine nube micat .
Hic princeps est ille hominum ; circa volucrum vis
Plaudit , & agnoscit terra suum dominum ,
Agnoscentque ferae omnigenae , floresque videntur ,
Qua se fert , prono vertice supplexiter
Ipsi etiam venerari , alia stat parte puella
Pulcra os , ac flavis conspicienda comis ,
Quas inter zephyrus ludit lascivus : at illi
Non coma , non curae est jam decus oris ; hians
Arbore sub viridi tantum stupet aurea mala ,
Quam formosa , legi non minus apta manu .
Illam anguis blande cernit , ramoque volutus
Mala inter squamis enitet aureolis .
Heu quid agit ! niveam poma ad fatalia dextram
Porrigit : ah isthoc , dia puella , precor ,
Mitte opus ! heic heva pro tristi , missa Virago
Illa polo potius magna locum teneat ;
Quae premet inferni collum fatale draconis
Siderea in flavo fecta gerens capite .
Hanc tu dum pinges , supplex venerabere , & unam
Quot fuerunt , quot erunt , matribus anteferes :
Hanc , ego te venerans , semper venerabor , & ipsam
Esse velim , vates ; cui placeam ante alios .

ELS-

ELEGIA IV.

Ad Virginem nubentem.

Non temere insonuit laetis concentibus aura,
 Clarior & solito lumine tota nitet:
 O venias mea nympha; sacras Hymeneus ad aras
 Ecce tibi casti vincula conjugii
 Aetium caeli croceis findens iter alis
 Et gerit, & tali laude superbus ovat
 Caelicolum in chiaso: viden, ut pars candida nectit
 Puniceis pulcre lilia taeniolis,
 Pars in fecta rosas addit tibi suave rubentes,
 Quas prius ambrosio rore rigavit Amor,
 Dius Amor, numquam visus qui laetior ante
 Fulget inaurata candidus in tunica,
 Sidereoque faces succensas igne coruscans
 Jam cupit optanti tradere te socio.
 Ne dubites huic virgo tuam concedere dextram;
 Flagrat, at innocuo flagrat amore animum;
 Dicetur jamque ipse tuus, diceris & ipsa
 Jam sua, sed primum stabit utrique decus,
 Virgineus sed stabit honos, devotaque caelo
 A primo aetatis vere pudicitia.
 Hoc felix tibi conjugium deus auctor olympo
 Spon-

Sponder, & hunc socium destinat ipse tibi:
 Hos etiam placidi vitream Jordanis ad undam
 Inter plaudentum Naiadum choreas
 Felices dulci cantu celebrare hymeneos
 Est fuerus Salomon ille tuus proavus
 Magnorum soboles pulcherrima Jessidarum:
 Ille amor hic fuerat castus, & almus hymen,
 Cujus saepe nova capri dulcedine colles
 Palmiferi exiluire & juga cedrifera.
 At tu, cui talem fatorum arcana dicarunt
 Nuptam, justitiae (a) praemia magna tuæ,
 O nimium felix gaude; tibi tradita cura
 Illius est purae Virginis, ulla fuit
 Quae neque amabilior superis, neque carior usquam,
 Nec mage virgineo nobilis ingenio.
 Nam quodcumque facit, quoquo sua lumina flectit,
 Admouet illa virum sensibus omnigenae
 Virtutis stimulos, castique accendit amoris
 Non prius expertis vota cupidinibus.
 Nunc tamen haec eadem tactus exosa viriles,
 Certaue non legem frangere virgineam.
 En tibi se credit, nec dedignatur amantem.
 Quippe illi in te uno tanta reperta fides,
 G Omnia

(a) *Joseph autem quum esset iustus &c. Luc. cap. i.*

Omnia qui tenetae praestes bona commoda nuptae,

Atque eadem intacto corpore testata colas :

Ac veluti amplectens vitem ulmus tristitia flabra

Ventorum, validae sustinet atque hyemis

Immota incursus ; carae tu nempe puellae

Sis tale in dutis casibus auxilium .

Hoc faciet, mens haec illi ; socialia tecum

Partiri vitae commoda cuncta volet,

Atque tui decotis (b) custos, atque additus una

Moeroris, virgo, laetitiaque comes

Cetera connubij tibi cedit jura, sat uno

Munere contentus, quod tuus esse queat.

Hoc ipse an potuit majus coningere votum,

An quidquam melius poscere coelicolas ?

En qua tegna patent phoebe flammantis ad ortum,

Quaque idem hesperio tingit in amne rotas,

In terris facies non hac formosior ulla,

Non est & virtute auctior ulla anima,

Fulgere cuique magis rerum illa aeterna potestas

Eximiae semper laudis honore dedit.

Quare agite unanimi quos jungit foedere taeda

Pura fetens puris gaudia conjugibus,

Con-

(b) Desponsata est viro iusto non violenter ablatu:
ro, sed potius contra violentos custodituro &c. ait Au-
gustinus de sancta virginit.

Consulite o terris ambo : jam candida caeli
Stillantis dio nubila rore pluent ,
Jam tellus inarata almo foecunda vigore
Pollicitum tumido proferet e gremio
Florem (c) Jesseum , suavem qui sparget odorem
Stellarum sedes ultra hyperionias :
Illaque lucidulo clausae se cortice conchae
Gemma nitens pulcris exeret aequotibus ;
Cujus naturamque simul miratur & ortus
Doris , & invisi seminis unde vigor .
Aetheria certe nascetur origine proles ,
Nascetur qui vos nomine saepe vocet ,
Teque suum dicat patrem , tibi candida nympha
Parvus ab admoctis pendeat uberibus .
Tunc animus quis erit vobis ? quae mens bona purae
Laetitiae admirans gaudia concipiet ?
Illa specus bethlea , illud mihi testis & antrum ,
Nunc tantum bruto grata domus pecori ,
Thure olim dignanda atque ipsis aemula stellis
Regales multo vincet honore lares .
Dicere plura mihi veritum ; immortalia musae
Mortali prohibent facta docere sono .
Et jam concussit flagrantem lumine fausto

G 2

Sub-

(c) Isai. cap. 11. *Egredietur virga de radice Jesse,*
& flos &c.

Subridens placide lactus Amor faculam ;
Ipsaque secreti linquens penetralia templi
Arguta virgo concrepuit solea .
O venias nova nupta novum columen nuptarum ;
Annulus in sponsi clara micans manibus
Candidulum poscit digitum , quo fulgeat aptus ,
Aeternam & fulgens servet amicitiam .
Gaude Amor , o gaude felix Hymenee , peracta
Omnia , jam nupsit vestra puella viro ,
Et pulcro suffusa genas pudibunda rubore
Nupta rubet , qualis sole pudoricolor
Os perfusa rubet tithonia matutino ,
Ac roseis prodit tethyos e foribus :
Sis felix mea vita ; die si videris isto
Me facilis , felix semper & ipse ferar ,



ELEGIA V.

Ad Virginem ; Caelesti Nuncio accepto .



Quisquis ades, fer thura, pius: vos ite profani,
Ite, & sacratis cedite limitibus:

Sidereî en rutila caeli venit (a) ales ab arce

Nuncius (alarum noscô ego jam sonitum,
Ambrosios nosco crines, nec fallor), & ista

Fulgentem laetus ponit in aede pedem.

Jam subiit: quid virgo tulit? quae verba loquutus?

Me miserum, trepido pectore sollicita
Turbatae (b) similis suspiras. cur ita spargis

Virgineo niveas moesta rubore genas?

Qui timor hic tantus, quae tristitia nuncia terrent

Attonitam? certe gaudia laeta tulit:

Laeta piis hilares portendunt gaudia divi.

Felicem diae germine te sobolis,

Felicem matres inter te dixit, & unam

Cunctis omnipotens quam pater antetulit.

G 3

Idne

(a) Luc. cap. 1. *Missus est Angelus &c.*

(b) *Quae quum audisset, turbata est in sermone ejus &c. cap. 1. Luc.*

Idne (c) times, Virgo, materno & nomine palles?

Ah istum trepido pone metum ex animo.

Mater eris, sed virgo simul: deus ipse parentem

Te sibi jam legit maximus, & metues,

Né tibi virgineus pereat flos? purior imo

Adflatu extiterit numinis ac melior.

En repetens animo priscorum oracula vatum

In te illud matrum casta puella decus,

Foecundam in te illam divinitus heroinam

Agnosco. o quid me laetius esse potest?

Quid magis optandum terris contingere? salve

Lux bona speratae conscia laetitiae,

Salve ales, salve quot sunt Jesseïdas inter

Maxima! jam promissa ergo erit illa dies,

Ergo erit o Virgo, qua, post discrimina rerum

Multa, ignominias post tot, & opprobria,

Quae misere patrio tulimus pro crimine fontes,

Libera jam dabitur solvere colla iugo,

Jam caelum sperare: hominum per te genus omne

Nunc melius faustis nascitur auspiciis,

Ac decus amissum spondet sibi; tu modo Virgo

Elue foemineum foemina triste scelus

Aetheria foecunda aura. si dura resistes,

Irrita per caelum vota ferent zephyri,

Mer-

(c) Luc. item cap. 1. *Ne timeas* &c.

Merisque letheo spes usque innabit in amne .

Haud etenim nostrae tollere tristitiae

Tantillum quisquam poris est te praeter , ab una

Nostra salus pender nempè vel interitus .

Exitium ah nostrum ni vis crudelior Heva ,

Humani te jam tangat amor generis .

Hoc matris lacrymae , hoc genitor te poscit : an audes

Hos quoque speratis demere sideribus ?

Qui te nutribant quum parvam , tot bona totque

Eximii dotes eximias animi .

Mirantes meliora sibi , meliora solebant .

Haud temere sperare omni hominum generi ;

Fors quoque promissam terris te saepe purabant ,

Quae digna & diae matris honore fores .

Excidit an facinus , stygii quo colla draconis .

Pressisti , quo non fortius esse pote ?

Tempore jam ex illo melius confidere nobis .

Coepimus , & nostram agnoscere te dominam .

Nunc tua at immenso celebrabitur aethere fama ,

Nunc terris nulla tempore deficiet ,

Quin longo aetatum senio magis usque vigebit ,

Clarescetque magis nomen ubique tuum ;

Hesperius noscet , cultor te noscet Eous ,

Supposita & geminis ultima terra polis

Virtutemque suae colet & benefacta parentis .

Auguror : haec etiam ipsa haec domus illyricos

Acra (d) per liquidum procul hinc petet advena colles :

O nemora , o colles illyriae , o libano ,

Engaddique jugis quae tum loca praeferet illa ,

Gaudete ipsus dum licet hospitio ;

Certatim , haec virgo hic juvenis quibus institit ales ,

Oscula sacratissimis figite liminibus .

Non tanto gaudere diu nam munere , tanta

Non vobis longum laude frui dabitur .

Jam volat adriacos fugiens super ardua fluctus ,

Vestique litoribus fidit in ausoniis ,

Qua nemora adclivi paulatim laurea calle

Surgunt Picens edita verticibus ;

Sedem illic cultumque volet : tu Dalmata frustra

Desertam ut redeat rursus in illyriam ,

Litoris adversa patrii flens tristis in ora

Sparges aeoliis vota ferenda notis .

Illic diva sibi sedem leget ipsa , potenti

Illic ausoniam numine diva teget ;

Excitataeque ferent illuc sua munera gentes ,

Quas & Arabs , quas & ditior Assyria ,

Indiaque aurifero submittit litore merces ,

Concharum & genitor parturit oceanus ,

Sed mihi quae subito lux emicat ? annuit (e) alma ,

Annuit

(d) Vid. Turfessinum in *hist. Dom. Lauret.*

(e) Dixit autem Maria ; Ecce Ancilla Domini , fac mihi &c. Luc. cap. 1.

Annuit o! laetus nuncius ecce redit.
 Ille secat roseis coelum pennis; deus alvum
 Virginis in castam labitur omnipotens.
 Concipis en virgo dium sine semine foetum,
 Nec qua in te venit, qua subitque via;
 Mirans agnoscis, plenam te lumine tantum,
 Unigenamque utero noscis habere deum.
 Ceu quando florum per germina matutinus
 Lene fluens puro liquitur axe liquor,
 Rore madent pellucidulo, rore omnia late
 Canescunt, blandum nescia qua subiit
 Intra se rorem sentit rosa, sentit & udum
 Sublucens violae purpura aperta sinum,
 Omne genus florum sentit, penitusque recepto
 Et viget, & molli germine quisque tumer,



ELEGIA VI.

Ad Virginem in montana proficiscentem .



ERgo etiam (a) in montes atque addita montibus antra
 Audebis , patria Virgo profecta domo ,
 Ire gravis foeta , nuper concretus in alvo
 Qui tua inextincto numine dius inest ,
 Quique tibi carus certe est , quam quod pote carum
 Esse mage ? ah tenerae parcere tam refugis
 Si tibi , si quemvis audes perferre laborent
 Magnanima , & duris casibus indomita ;
 Sat Pharias olim fuerit contendere ad oras ,
 Inque Canopaeis degere litoribus ,
 Parce tuae nunc o proli miserata ; quid illam
 Excrucies ? lasso corpore languidula ,
 Aut nimium propero figens vestigia gressu
 In sentes quoties vulnerificos pedibus ,
 Asperaue offendes in faxa , dolebit & infans
 Ah tener , ah vulnus sentiet ipse tuum ,
 Ingemet & gemitu audito . si tantus Elisae

Te

(a) *Exsurgens autem Maria abiit in montana
 cum festinatione &c. cap. 1. Luc.*

Te confanguineae tangit amor, sobolis
 Jam potior matrem tangat cura. an tibi vota
 Haec puer in tacito suscitât ipse animo?
 Sic certe est: non haec ejus sine numine fiunt,
 Ille per ignotas te jubet ire vias.
 Tunc illi haud parcas? tu frondiferas convalles,
 Celsaque montanis edita verticibus
 Antra petas illo invito? non hoc tuus iste
 Nos finit in puerum credere magnus amor.
 Nunc utinam comes ipse forem, ne sola viarum
 Scabra per, & saevos ingrediare rubos;
 Praecurrens, quacumque ires, citus omne polirem
 Virgo solum, ne quid mollibus officiat
 Plantis, aut silices, ramorum aut fragmina; & o quam
 Perstarem tanto laetus in officio;
 Quamquam iter hinc esset longe tibi trans Atlanta,
 Trans Indum, trans & Caucaseam glaciem!
 Te focia quid enim haud ausim? sed tute loquentem
 Deferis, & cupidum me renuis comitem.
 I mea virgo; regat sic te supremus ab alto
 Ille pater, cujus fers utero unigenam;
 Sic dius te servet Amor; sic serviât uni
 Quidquid habet tellus, quidquid & axis habet.
 Nubila jam pluviaeque abfint; sol purior igni
 Splendeat, & clara luce supervehitur
 Dum solito mage lætus, ubique hilares hyacinthi,
 Lilia-

Liliaque, & violae suave magis niteant;
Omnibus & rebus veniat nova gratia, & omnis
Jam natura omnes pandat opes dominae.
Fallor? an & volitans rutilas huc ipse per auras
Aligerum Gabriel agmen agit juvenum;
Qualis formosos inter formosior ignes
Occiduo lotus vespere in oceano.
O nymphae bona iussa ferens qui nuncius axe
Adstiteras nuper missus ab aethereo,
Idem tu superos inter pulcherrime divam
Duc age, & incoepatae sis comes usque viae;
Neve illi solis noceat vis acrior, alas
Pande caput supra virgineum roseas:
Pennarum objectu radii frangantur, at illa
Gaudeat umbroso tramite ferre pedes.
Interdum & platano subeat defessa, neque ultra
Tendat iter: scabro praecipue e silice,
Musculus ubi, & vario vestit se gramine tellus
Versicolor, si fons lene sonans fugiat
Saxa inter similis pellucidulae cristallo.
Hic illa assideat; seu velit, aridulo
Ore sitim relevare, oculos seu claudere somno;
Ipse feret latices rivulus ad cyathum,
Lumina, dum lento trepidans fertur decursu,
Ipse soporifero murmure fota teget.
Omnia sint jucunda: hinc atque hinc saepe volantes
Ali-

Aligeri fratres germina odora metant ;
 Et quacumque pedes virgo feret , imbre rosarum
 Purpureo spargant desuper omne solum :
 Pars niveis divae pedibus subjecta premetur ,
 Ibit pars tremulis ludibrium zephyris ;
 Qui dum frigidulo mulcentes aera flatu
 Spirabunt , ramis tecta sub arboreis
 Suavior organico cantus dabit ore liquentes .
 Daulias absumti non memor illa Ityos .
 Si velit & blandis tecum sermonibus horas
 Fallere , sermones cura tibi ferere
 Sit , quoscumque animo scis ipse placere puellas ,
 Illam quos melius posse tenere putas ;
 Ut minus ignoti gradiens fastidia callis
 Sentiat , optatam dum bona visat (b) anum .
 Quae simul ac longe venientem a limine nympham
 Viderit , occurrens protinus exiliet ,
 Amplexusque ferens atque oscula dulcia figens
 Haerebit dominae collo humerisque diu .
 Mox etiam propiore dei jam numine plena
 Fatidicos vero solvet ab ore modos :
 Scilicet indignam (c) sese , quam candida visat
 Vir-

(b) Luc. cap. 1. ait Zaccharias : *uxor mea processit in diebus suis* &c.

(c) Unde hoc mihi , ut &c. Luc. cap. 1.

Virgo eadem ac magno foeta deo mulier .
At quae ibi proh ! virgo contra tu verba loqueris ,
Quam miranda , & quam (*d*) magnifica evolues ?
Felices , quos tu dignaris visere ; felix
Et mater , felix matris & ipse puer ,
Qui jam longaeva succrescit sanctus in alvo ,
Matris & (*e*) exultans rumpere claustra cupit ,
Praesentem ut videat , sibi qua veniente refulsit
Lux nova , & insueto munere dius amor .

(*d*) *Magnificat anima mea &c. cap. 1. Luc.*

(*e*) *Exultavit in gaudio infans &c. eodem cap. Luc.*



ELEGIA VII.

Ad Virginem Divino Partu jam perfecto.



NON ver floriferum ridet, non aura favonj
Lene ciet pennis aequora purpureis ;
At fera Idumeos late nix obruit agros,
Jordanisque alto constitit unda gelu,
Frigida & hybernae volvuntur sidera noctis :
Tu gelidae ingressa in pumicis hospitium :
Ah qualem puerum virgo paris ! o bona mater,
Quam (a) pulcher tuus est, quam puer hic similis
Est tibi ! non certe matrem rosa, non amaranthus
Purpureo melius purpuream ore refert,
Parvus ubi explicuit molli de cortice frontem.
Ut capit, ut memet surripit ille mihi,
Huc istos blande quoties convertit ocellos,
Queis etiam posset vincere vim chalybis,
Aut si quid chalybe ipso usquam pote durius esse.
Vin-

(a) Psal, 44. *Speciosus forma prae filiis hominum &c.*
Nicephorus autem Callist. hist. lib. 1. cap. 40. ait : *per-*
similis denique per omnia fuit divinae & immaculatae
suae Matri.

Vincor io : tantae ferre negant oculi
 Mortales lucis flagrantia spicula ; nosco
 Numen , in humano corpore quippe subest ,
 Nec tacite prodit sese . velut obvia soli
 Quum sese aut nubes , aut vapor opposuit ,
 Objectu & radios intercipit ; ille corusci
 Quamquam intercepta parte latet iubaris ,
 Haud tamen omnino tegitur , nebulamque per ipsam
 Fundit inextinctas lucis ab axe faces .
 Sed deus est quando puer editus , heicne jacebit ?
 Nec minus hoc fuerat vilis in orbe locus ?
 Heic igitur , virgo , heic inter deserta ferarum
 Lustra pruinosis pervia flaminibus ,
 Rupe sub hac scabris pendentibus undique tophis
 Nudus in agresti stramine pro viola ,
 Pro molli narcisso , pro languenti hyacintho
 Iste tuus ponat lactea membra puer ?
 Humani ille salus generis spesque unica , longe
 Proh dolor ! humano pulsus ab hospicio est ;
 Et tremit & gelida vagit projectus in ulva ,
 Aurea sidereo cui micat axe domus .
 Te tamen haud pudeat vili peperisse sub antro :
 Tantus ubi est infans , tantaque ubi genitrix ,
 Illa capit sedes , quidquid formosius usquam est ,
 Illa ipsis domus est aemula sideribus .
 Quin etiam tempus veniet , quum rupibus hisce
In-

Invideat tantum maxima terra decus ;
 Nilus , & Euphrates , Ister , flavusque Garumna ,
 Ille suam Aegyptum oblitus , hic Armeniam ,
 Teuthonicas arces alii Gallumque potentem
 Hac fluere undifono tramite quam cuperent ;
 Quam riguo rupes ad tactu has lambere ! dumque
 Hac fluerent , solito lentior unda foret .
 Jam video & lapsis quaesitum oracula rebus
 Haec loca & Eoos & petere Hesperios
 Trans freta trans montes longe : quin martia Roma
 Hanc septemgemino vertice supliciter
 Exiguam colit ipsa specum nil aurea curans
 Illa suo quondam templa superba jove .
 Jupiter hic melior puer est : latet ille , suumque ,
 Hoc nascente , caput condidit in stygii
 Horrentes erebi latebras , informe barathrum ,
 Quo nos jam blandis egerat infidiis ,
 Ni tu dia parens peperisses . omnia nobis
 Sunt bona de tanto nata puerperio ,
 Ac gemitus fletusque atque anxiferi singultus
 Sunt versi in subitae gaudia laetitiae :
 Pax regnat , pax alma viget ; tuque inclyta magnum
 Virgo in Achemeniis nomen habes domibus .
 Laeti adsunt ; en certe adsunt , ducentibus astris
 Non rude pastorum vulgus , & agricolae ,

Ast (b) Arabum procures delecti, prima virorum,
 Qui tibi qui puero ditia dona ferunt
 Litoribus longe a patriis. hos tu bona cernes
 Quum gnati ambrosios procidere ante pedes,
 Laetanti excipiens vultu solabere; & o quam
 Dimittes hilares rursus in Arabiam!
 Illi felicem te dicent; unaque certe
 Matres tu felix mater es ante alias,
 Quae tantum edideris puerum, cui contigit uni
 Tale decus. gremio tunc fovere deum?
 Tu potes & diae acclinis dare basia fronti,
 Inque os lac niveis exprimere uberibus?
 Ille tibi adridet, te obtutu fixus in una
 Gaudet tam de se cernere sollicitam,
 Ac matrem agnoscit sua tendens brachia, & ora
 Quum movet, o quantum te, mea mater, amo,
 Dicere hiantem videtur jamjam velle labello,
 Atque tuo illius pendet ab ore anima.
 O si quid merui, vatis fubeat quoque cura,
 Blando mense oculo fac puer adspiciat,
 Fac quoque uti, foedum sit quamvis, hoc capiat cor,
 Si

(b) *Ecce Magi ab oriente venerunt &c. Joann. cap. 2.*
 & *Psalmo 71. Reges Tharsis & Insulae munera offerent,*
reges Arabum &c.

Si capiet, nivibus purius illud erit,
 Nec mihi jam posthac, tibi vivam at, virgo, tuoque
 Huic puero, quo nil extat amabilius,
 Seu gelidum resonis implet vagitibus antrum,
 Lactea seu ridens ubera forte petit.



ELEGIA VIII.

Ad Virginem se in templo lustraturam.



ET si Amor aetheria gravidam te fecerit aura,
 Dius & intacto prodierit gremio,
 Natura mirante, puer; qualis vitreum (a) lux
 Effluit innocuo tramite per speculum,
 Aut pellucidulam per aquam; tamen o mea virgo
 Candida, & a partu purior ipsa tuo,
 Tunc etiam matres inter lustranda profanas
 Alta palestinae templa petis Solymae;
 Cura nec illa subest, ah te ne ignara virorum
 Turba putet reliquis matribus affimilem,

H 2

Vul-

(a) S. Basilius *orat. in nativ. Christi*, eandem adhibet similitudinem: & Cornelius a Lap. *in cap. 2. Luc.*

Vulgaresque inter ponat male? quo tuus ille
 Nunc magnus cessit virginitatis amor?
 Quo tua fama? ista non certe lege teneris:
 Lex ea in immundum lata puerperium est.
 Nulla in te humanae fuerunt (b) contagia labis,
 Nulla itidem in pura culpa pianda manet.
 Atqui etiam (c) geminas dulci fers dona columbas
 Pro gnato, niveis qui tibi ab uberibus
 Abstractus patrias jamjam sistetur ad aras,
 Ac superos terris pacificabit heros.
 Heic aliquid certe majus later: eja age custos
 Acrato templi cardine pande fores;
 Thure vaporatam, lustrali & rore parentem
 Excipe, quaeque tulit munera suscipias.
 En subit illa: veni jam, virgo, piacula prima
 Facta, licet sancta ponere in aede pedem;
 Quisque locum tibi cedit, & admiratur euntem.
 Tu dejecta solo lumina, corde precēs
 Concipis in tacito, pudibundo incedis & ore

Ad-

(b) S. Bernardus *serm.* 3. *de Purif.* ait: *nihil in hoc conceptu, nihil in partu impurum fuit, nihil illicitum, nihil purgandum . . . vere o beata Virgo vere non habes causam, nec tibi opus est purificatione.*

(c) *Levit.* cap. 12. *quod si non invenerit . . . poterit offerre agnum; sumet duos turtures, vel duos pullos columbarum &c.*

Admissae veluti conscia si maculae,
Miltarum una fores veluti si foemina. mirum

Ah frustra quaeris jam decus oculere;
Te vultus tacitam prodit tuus. aspicias? unam
Te cupit, in te inhians ille senex (d) oculis
In media gestit solam te visere turba.

Ut magnae praefert gaudia laetitiae;
Utque tuum amplexu gnatum perit! o bona mater,
Felicem optato pignore redde senem,
Ne renuas cupido tantisper tradere natum.

Dic age, quid viso tantum inhias puero?
Quid tantum in pulcra tibi mens stupet heroina?

Certe est & soboles nota tibi & genitrix.
Ac velut Eridani ripis, aut Asia circum
Flumina, vicini conscius interitus,
Laetior ingeminat jucundo gutture cantus

Albus olor, resonant & nemora & silvae:
Tu quoque sic nimium felix jam morte sub ipsa
Fatidica ad suaves ora modos aperis.

Scilicet haud vitam (e) producere longius optas,

H 3

Quum

(d) Luc. cap. 2. . . . cui nomen Simeon, & homo iste iustus & timoratus, expectans consolationem Israel, & Spiritus Sanctus erat in eo &c.

(e) Accepit eum in ulnas suas, & benedixit Deum, & dixit: Nunc dimittis servum tuum, Domine, secundum verbum tuum in pace; quia viderunt oculi mei salutare tuum, quod parasti &c. Luc. cap. 2.

Quum jam pollicitam videris aetherio
 Semine progeniem, nostrum quae sanguine crimen
 Eluet, & claro lumine discutiens
 Noctem atram, late magnum quae sparsa per orbem
 Mortales misere nigra acies hebetat,
 Plorantesque vagosque & tantaе lucis egentes
 Nos ducet sedem Caelicolum in superam;
 Ulla nec oceano tellus extrema refuso
 Illius sese subtrahet à radiis,
 At quos tu memoras (f) luctus? quae dira parenti
 Supplicia? anne ullus tam ferus extiterit,
 Qui non depereat puerum, qui mollia matris
 Transadigat ferro pectora luctifico?
 Ah metuas ne virgo; tibi jam pignora reddit
 En senior; quin tu sancta quod instat, age:
 Siste patri unigenam, cujus nunc fama feretur
 Inclyta trans Indos, trans & Hyperboreos;
 Cumque sua matris quoque fama vagabitur ingens,
 Magnanimum superis hoc bona si dederis
 Munus diva, videsne altum discedere caelum,
 Mirari & cupido lumine caelicolas
 Jam non infestos mortalibus aerumnosis?

Ipse

(f) Ecce positus est hic in ruinam . . . & in signum
 cui contradicetur; & tuam ipsius animam pertransibit
 gladius &c. Luc. eodem cap. 2.

Ipse deum tanto munere jam genitor
 Gavifus ponit minitantiâ fulmina dextra;
 Hostia pro innumeris millibus una fat est.
 O factum bene! progeniem tu sistis ad aram.
 O puer, o humani unica spes generis
 Rite sacerdotum manibus nunc victima patri
 Dum tu magna volens sifteris, o nimium
 Felicem his me si vinclis, si corpore solvas!
 Primus tui, in sedes nuncius Elifas
 Adveniam; atque idem, itacli testis, ego hifce
 Vidi oculis, dicam, vidi egomet, proceres
 Itacidæ o fidi, puerum, quem sæpe vocastis
 Solliciti multis non sine muneribus;
 Quem fore victorem, quemque unum nostis olympo
 Vos posse ac rutilis reddere fideribus.
 Ipse patri se devovit; gnatum optima mater
 Obtulit immortale ausa animo facinus.
 Audiet heroum hæc hilaris chorus, audiet Heva,
 Illi & manabit confcius ore rubor.
 Sin, hoc ne immeritus possim contingere votum,
 Abnuis, at liceat dicere carminibus
 Matrem, sancte, tuam, liceat mi ferre per ora
 Hæc ipsius facta atque alia atque alia:
 Tuque eris in carae matris pars carmine magna,
 Suavius admixtum nomen utrumque sonat.
 Annuit ecce puer votis, tuque annue virgo;

H. 4. Dona.

Donaque fac rata sint pro pietate mea.
 Omnia jam sperem: nihil est potis illa negare,
 Quae modo pro me gnatum obtulit ipsa suum.



ELEGIA IX.

Ad Virginem stantem juxta Jesu Crucem.



SI quid mi vere miserum contingere, si quid
 Mi potuit, fixo vulnere quod penitus
 Ipsam sedem animae laniaret; contigit eheu
 Id certe, quum te laeta prius genitrix,
 Laeta & cunctarum fortunatissima matrum
 Heic video, heic cari supplicium capitis,
 Spectantem & lethum, quo nec crudelius ullum;
 Nec magis probrosum jam queat accidere.
 Vae miserae! quali dicam te fervere luctu,
 Curarum quantis millibus intus agi?
 Quamque alto absorbens aerumnae (a) vortice amaror
 Tri-

(a) Juxta illud Thr. 2. *Magna est velut mare contritio tua* &c. cum prius dixisset Jerem. *Cui assimilabo te, aut cui exaequabo te, Virgo, filia Jerusalem?*

Tristis in abruptum te pepulit barathrum !
 Nam mihi quid matrem (b) memorant Ismaelis ? illum
 Quid , nati postquam (c) sanguineas retulit
 Exuvias fraterna manus , patrem externatum
 Et gemitu & luctu perduto ? uterque dolor
 Magnus , at aequandus non isti : viucis ut omnes
 Prolis amore , ipsa & moestitia superas ,
 O mater , quid jam mater ? tune illa beata ,
 Aetheria & felix dicta parens sobole ,
 Tune illum edideras , quo non formosior alter ,
 Non erat in terris alter amabilior ?
 Heu nimium brevis ille fuit decor , heu nimium flos
 Ille cito casu languit aridulus .
 O ubi caesaries flava est , ubi candor , & ille
 Purpureus niveo mixtus in ore color ?
 Quale rosis lac puniceis si sparserit , aut si
 Ostro inflammarit candidulum quis ebur .
 Illa ubi delituit species , ubi lumina , fidus

Ah

(b) Intellige Agar , cujus in Genes. fit mentio cap. 16.

(c) Tulerunt autem tunicam ejus , & in sanguine haedi , quem occiderant , tinxerunt scissisque vestibus , indutus est (Jacob) cilicio lugens filium suum (Joseph) multo tempore noluit consolationem accipere ; sed ait , descendam ad filium meum lugens in infernum &c. Genes. 37. cap.

Ah geminum, & dulci dulcia melle magis
Verba, leporque, quibus per frondiferas convalles
Perque juga & salus & nemora & scopulos
Attonitum oblitumque lares ac testâ trahebat
Post sese dio vescier adloquio
Optantem vulgum. vix ipsum agnoscere mater
Nunc potes; effusus lurida membra cruor,
Liventesque notae flagrorum unde undique foedant,
Vulneraque inflitis addita vulneribus,
Ulla nec in lacero pars integra corpore restat,
Nullaque vulnifico pars caret exitio.
Tempora proh! spinis cohibet paliurus acutis;
Harum aliae infixa cuspide per cerebrum
Perque genas fecere viam, miserabile visu,
Horrendumque! oculos per medios aliae
Luctificam exertant aciem madidamque cruore:
Qui partim guttatim imbre fuit tepido,
Partim etiam undanti rivo per membra volutus
Uberrim duos inrigat & lapides.
Nate deo, ah nimium fluxit jam sanguinis; ah jam
Parce precor, curnam te amplius excrucies?
Tanti igitur mortale fuit genus? huccine tandem
Nostra salus, huc te nostri amor abripuit?
Poenarum satis exhaustum, jam desine; & ipsi
Ni tibi vis, matri lux mea parce tuae;
Quae inoesta attonitos nusquam declinat ocellos

A te

A te jucundo germine ; nil loquitur ,
 Sed (d) stat , & aegrescens pallet ceu faxea , fletus
 Et premit (e) aegrescens faxea uti effigies .
 Nempe & verba dolor , moesta & suspiria magnus
 Obruit , atque ipsis claudit iter lacrymis ,
 Ne quod sollicitae lenimen forte veniret ,
 Neu minor in penito cura animo fureret .
 Una duos dabit exitio , lux ipsa parentem
 Heu rapit , gnatum quae rapit exanimem .
 An non suffixum sic foedo in stipite mater ,
 Sic te discripto corpore suspiciens ,
 Pallentemque aegrumque & lethi limine in ipso
 Protinus ereptis sensibus ipsa cadet ?
 Infelix : non certe illi praecordia circum
 Stat lapis , aut duro dura riget chalybe .
 At rigeat : tellus nonne ipsa excita dolore
 Bruta cavernosis ingemit e latebris ?
 Velle minatur & horribili subsidere hiatu
 In Styga ; flent montes , fluminaque , & nemora .
 Neu tantum aspiciat titan scelus , abdidit atro
 Axe jubar nigram conditus in nebulam ,
 Arden .

(d) Joann. cap. 19. *Stabant autem juxta crucem Jesu Mater ejus, & soror &c.*

(e) Juxta illud S. Ambrosii *Consol. in Valentin. obit.* dicentis de eadem : *Stantem lego, flentem non lego &c.*

Ardentesque oris radios extinxit, & auream
Detraxit flavo caesariem capiti
Umbrarum per opaca horrens; cui sanguine sparsa
Jam soror atratos obvia jungit equos,
Inducitque polo stellas, quae triste micantes
Funereas referunt nocte silente faces.
Quid mater? quae dira suus quot vulnera natus
Corpore habet, totidem faucia sentit amans
Cuncta suis impressa locis. Amor insidet illi,
Et laevo in miserae sculpit atrox latere
Exanimem nati effigiem, teloque cruento
Ipsius usque instans pectora transadigit.
Ferrens ah certe est, & ferro durior ille,
Qui tantam potis est cernere saevitiem.
Parce Amor o quovis crudelior hoste secare
Multifido innocuae Virginis ense sinum.
Ecce suae in matris noscit se pectore gnatus,
Illa refert gnati vulnera quaeque sui;
Sauciat atque parens gnatum, gnatusque parentem;
Alter & alterius pendet ab ore tamen.
Numnam etiam audebit cari moestissima virgo
Perferre extremum pignoris interitum?
Ipsaque frigidulos manibus componere ocellos,
Sparso & sanguineas tergere crine notas?
Hinc ah cede procul: gnati latus impetit hasta
Miles, & aerata cuspide cor terebrat.

Ah

Ah procul hinc concede: a parva Virgine noram
 Magnanimam, sed quae maxima jam potuit
 Esse, fuit virtus; simul ipsa animam exhalabis
 Cum nato, ipsa cades victa dolore simul.
 Jamque labat: comites o fidae abducite divam;
 Nullus & extincti nuncius adveniat:
 Incolumem servate; illi dum caussa doloris
 Filius edomita morte erebique duce
 Victor ovans clara det sese in luce videndum,
 Spargat & optatae munera laetitiae,
 Ante alios matri ostensus, cujus mihi luctus
 Nunc ipsam & vocem surpuit atque animam.



ELEGIA X.

Ad Virginem terris decessuram.



QUod mihi curarum saevis tot fluctibus acto
In vita reliquum dulce levamen erat,
Cooperat & quo uno mitescere tristis amaror,
Atque dolor fieri in pectore jam levior,
Sollicitum qui me tenuit, qui mi expulit omnem
Laetitiam ac suaves delicias animi,
Ex quo deseruit tua nos illa aurea proles
Ille deus magni numinis unigena;
Id quoque nunc raptum virgo mihi. scilicet ipsa
Caelicolum properas addere te choreis
Astra super longe a terris flammantia templa.
Gaudia tecum una, tecum abeunt charites,
Et nostras quaecumque valent solatia mentes
Lenire, ac tristem demere moestitiam.
Nam qualis per prata, nigrae post nubila brumae,
Post & threicii saevitiem boreae,
Lenior adspirans genitabilis aura favoni
Surgit odorato chloridos e thalamo;
Aut qualis tumidum nautis pavitantibus aequor
Lucida hyperboreo stella sub axe micat:
Talis

Talis erat nobis virgo tuus aurea vultus,
Tali praesentes usque juvabat ope.
Scilicet una aderas mortalibus aerumnosis,
Quaecum nil illis triste timere fuit,
Qua sine nec gratum contra nec amabile quidquam est.
Cui me, cui fleutes deferis ah socias
Thaboridas nymphas, nymphas libanitidas? esse
Profuit expertem quid patrii sceleris;
Quid magnum intacta numen gessisse sub alvo;
Non minus ingratae funera persephones
Ipsa etiam si tu subeas, fatoque perempta
Heu propero hinc alias abripiare plagas?
Nonne tuum est, quodcumque vides? tibi sidera mund
Hic varius rerum vertitur ordo tibi;
Et perfusa tuo formosa est lumine tellus,
Adspectu & recreas, quidquid ubique viger.
Omnia quae contra nunc squallent, omnibus omnis
Effugit e rebus te fugiente decor;
Atque atrae apparent facies: ipse ignea titan
Auricomus rutili languidior jubaris
Spicula diffundit; quae, dum sublimis ab axe
Lustrat idumei thaboris hospitia,
Eque tuis virgo succendere suevit ocellis,
Et fieri adspectu clarior ipse tuo.
At non ille miser; neque enim pote noscere damna:
Nos miseri, nos hic perdidit interitus.

Qui

Qui bona quot rapuit nobis, tot munera laudum,
 Tot tibi nunc meritaë gaudia laeta feret:
 Ut quae una heic fueras pulcherrima formosarum,
 Sis quoque in aetheria maxima honore domo.
 Debuit anne diu in terris haec forma morari,
 Aut laude haec virtus tanta carere diu?
 Hoc igitur quamquam sit continuis lamentis
 Deslendum nobis flebile dissidium,
 Jam non & doleo, laetor magis: anne parentis
 Aetheriae meritis laudibus inideam?
 Jampridem o caelo digna ac fulgentibus astris
 I, regina, domos ingredi o superas:
 Sat tellus tibi culta diu est: nunc regia caeli
 Te vocat effuso caelicolum thiaso
 Effulgens late; tibi plaudunt sidera, & una
 Aurea flammeolo (a) ferta parant capiti.
 Ecce altae patuere fores; viden omnia divum
 Agmina in occursum laeta volare tuum?
 Ardent viden & caedas dum quassat olympos,
 Pulchra Amor ut pulcher fulgeat in chlamyde?
 Ille praeit nubem; qua tu levis astra subibis
 Flauentis rutilam lumine crysolithi,
 Ac variis mira arte coloribus intertextam,

Iris

(a) Apocal. 12. & in capite ejus corona stellarum duodecim &c.

Iris ceu suevit fulgere versicolor.

Qui fremitus circa comitum, quae carmina, quantus

Undique odor suavis funditur ambrosiae !

I felix : verum ipsa inter tot culmina laudum ,

Tantaque caelestis gaudia concilii ,

Si bene quid de te merui , ne sperne jacentem ,

Neve sine immemori me effluere ex animo .

Ah procul iste metus , non es , quam gloria mutet :

Hinc cedes , nostri sed memor usque (b) feres

Sidereo magni e folio regina tonantis

Optatam in duris provida rebus opem .

Usque adieris terrae ; sua per te fulmina ponet

Jam deus , & fontes pandet opum omnigenos ,

Orantem quoties blande conspexerit : isti

An matri quidquam denegat omnipotens ?

Sed levis ex humili surgens tellure per altum

Jam velheris , jam nos deseris aethereis

Circumsusa choris , rutilasque evecta per auras .

Languidulis tete subtrahis ex oculis . (thus ,

Jamque lates : qualis (c) quondam quum suave halans

I

Uri-

(b) S. Benard. serm. de nat. virg. *Sic est* , ait , *voluntas ejus , qui omnia nos habere voluit per Mariam* &c. Et Augustinus ; *sicut omnibus sanctis est potior , ita omnibus sanctis pro nobis est sollicitior* &c.

(c) *Quae est ista quae ascendit per desertum , sicut virgula funi ex aromatibus myrrhae , & thuris , & universi pulveris pigmentarii* &c. cap. 3. Cantic.

Uritur, aut costi gramen Achemenii,
 Excitus ille solet multo vapor igne per aras;
 Qui late in campos diditus aerios
 Fragrantique hilarans minus atque minus loca odore
 Spectantium cupida diffugit ex acie.
 O ubi es? ah liceat nutantibus aera pennis
 Findere, & aurati limen adire poli,
 Aligeros inter juvenes quum regna triumpho
 In tua regifico vesta pedem intuleris,
 Quumque tibi dulci (d) occurrens cum conjugē proles,
 Ostendens & opes, quas habet illa domus,
 Imperii (e) sociam bona diva acceperit. ut te
 Coelicolae attonito lumine suspicient!
 Ut subito impleri laetum dulcedine pectus
 Quisque nova adventu sentiet alma tuo!
 Ipsa autem immenso divini in lumine vultus
 Absorpta ut penitis sensibus exilies!
 Cur tenet ah tellus? utinam super aethera vester;
 Aoniis valeat lympa petita jugis.

(d) *Quae est ista, quae ascendit de deserto, deliciis affluens, innixa super dilectum suum?* Cantic. cap. 8.

(e) *Astitit regina a dextris tuis, in vestitu deaurato, circumdata varietate &c.* Psal. 44.

IDYLLIUM I.

IN NUPTIIS

ABUNDII REZZONICI

CLEM. XIII. FRATRIS F. URBIS SENAT.

E T

HIPPOLYTAE

BONCOMPAGNIAE LUDOVISIAE cc.



V A T E S .

Nymphæ, Castalides nymphæ, jovis aurea proles,
 Munera si quando fuerunt mea dulcia vobis,
 Nunc o, linquentes lauri nemus, & juga pindi
 Florea, vos cupido hoc vati concedite munus.
 Numine opus vestro. toto nam gurgite tybris
 Dum vocat Hippolyten, dum laeto murmure colles
 Romulei, laudesque sonant & nomen Abundi,
 Quem generum venetaeque omnes omnesque latinae
 Optavere sibi matres, an pectore vota
 Solus clausa tegam, nec quid mea carmina possint,
 Experiar, nec dona feram parnassia sponſis?

Carmina sunt dicenda: adsunt non aurea vati
 Poculaque, & pario spirantia marmore signa,

I 2

Quae

Quae donem, gemmaeque, & candenti ex Elephanto
 Crateres ebено picti: non murice vestes
 Adfunt sidonio rutilae, nec mollia Serum
 Vellera, quae tenui pulcre discreverit auro
 Docta manus, varioque ornarit daedala cultu.

Carmina sunt mea dona. utinam, dum pronuba luceat
 Fax bona, post longum qua non felicior arsit,
 Haec quoque conjugibus placeat sylvestris avena!

Dicite Pierides: tenuem nec Abundius odit,
 Culta nec Hippolyte cantum; dii amant quoque sylvas,
 Jupiter & gracili pastorum gaudet avena.
 Dicite: barbaricis opibus, spoliisque superbas,
 Nunc veneri myrto sacra, nunc floribus auctas
 Ecce triumphales Capitoli Hymenaeus ad arces
 Et volat & festas inter subit atria voces
 Connubii jam vincla, novis jam munera sponsis,
 Sacra dionaeae portans jam gaudia taedae.

Quid spolia haec cerno, quid tela, & sanguine cristas
 Rorantes? tecum tua sint fera munera Mavors;
 Pacis Amor deus est; pacali evinctus oliva
 Hymen o Hymenaeae subi Capitolia. jam nunc
 Laeta Quirinali procedet culmine pompa;
 Dia venit jam nupta, venit jamque omine fausto
 Dius & ipse sua pariter cum conjuge sponsus;
 Et Venus in bijugis & Amor vectatur iisdem,
 Aurea poma manu tenet illa, hic lampada quassat.

Cer.

Cernitis, ut juvenis blando suspirat amore
 Saucius, atque oculos optata in virgine figens
 Mille faces ac tela imo sub pectore sentit?
 At nympha unanimi flammâ succensa nec ipsam
 Jam matrem ah! dulcem matrem, earumque parentem,
 Non fratres, patriasque animo reminiscitur aedes:
 Usque adeo gaudet formosi conjugis ore.
 Talis & Andromache priameïo in Hectore flagrans,
 Talis & aligero quondam jove Tyndaris orta
 Inter amykleas forma pulcherrima nymphas
 Ibat in Atridae flavi spectanda cubile.

Vos Jovis o Themidisque, Horae, gratissima proles,
 Eunomieque Diceque atque Hirene praedives
 Ducite io pompam; tuque o praecinctus oliva
 Hymen o Hymenaeë subi Capitolia: tempus
 Spargere nunc flores, nunc circum mille volantes
 Idalii pueri limen late omne rosarum
 Puniceis sternant foliis, & molli hyacintho,
 Et paphia myrto bene olenti: Juno puellam
 Cum Venere in thalamum ducant; Hymenaeus, Amorque,
 Ambo hilares, ambo juvenem comitentur ovantes,
 Et rutilas de more faces & ferra ferentes.
 At chorus aequalis charitum per mutua nexis
 Inter se manibus celeri plaudant pede terram
 In numerum, serus veniat dum vesp̄er olympo.

O Amor, o Charites, o Hymen, o Hymenaeë

Dicite io, magna jam dicite voce, triumphae,
 Rursus io, magna ter dicite voce, triumphae,
 Partus honos ingens, parva est victoria vobis:
 En subeunt sponsi Capitolia celsa. quid ultra
 Demoror? o fatis animae felicibus ortae
 Salvete, o caelo missum genus! aurea vitae
 Fila neant vobis concordii foedere Parcae:
 Omnia fausta precor. magnis vos aurea vitae
 Ducite conjugibus, Parcae, sic ducite fila.

Myrtus ut idaliis, ut crescit Amaracus hortis
 Fertilis assimili foetu, quem candida Naïs,
 Quem sibi Amadryades studio fovere puellae;
 Sic domus haec simili succrescat prole parentum,
 Virtutemque decusque utroque e stipite ducat:
 Ducite conjugibus, Parcae, sic ducite fila.

Ut viridi nunquam vitis divellitur ulmo,
 Quum semel implicuit ramos, amplexaque inhaesit,
 Frigore ni boreae, calidi vel fideris aestu
 Areat alterutra; o vestrum concordia fervet
 Sic thalamum, stabili sic vos jungat amore!
 Ducite conjugibus, Parcae, sic ducite fila.

Casti pudicitiam fervet domus usque, nec unquam
 Iustitiam pacemque optet; tum sedula virtus
 Assideat foribus custos, tum copia pleno
 Semper opes cornu fundat, nec cesset avara:
 Ulque novas praebere, inopi quae dentur amico:

Du-

Ducite conjugibus, Parcae, sic ducite fila.

Rezzonidum propriumque fuit, propriumque manebit,
Non sibi, sed miseris ditescere. vos mihi testes
Romulidae, me vera loqui, me nota. quis unquam
Largius effusa stipe vos adjuvit egentes,
Quum malefuada fames, quum fata adversa premebant?
Ducite conjugibus, Parcae, sic ducite fila.

Testes & Venetae, testes Antenoris arces,
Quae toties sensere manus CLEMENTIS, & una
Indoluere, alio quum talem abscedere longe
Imperium in magnum viderunt, nec sua tantum
Posse, sed alterius solatia quaerere gentis:
Ducite conjugibus, Parcae, sic ducite fila.

Quid Nymphae gentemque loquar, proavosque atavosq;
Magnanimos? quid jam geminos, duo maxima Romae
Lumina, Gregorios? quorum benefacta filebit
Aetas nulla, licet veniat labentibus annis
Invida gens, tantam cupiat quae carpere laudem:
Ducite conjugibus, Parcae, sic ducite fila.

Progenies jam qualis erit? non deficit agros
Insita vis, nec poma suos oblita sapes
Degenerant, adsit cultus modo. sic bona gentis
Semina, sic virtus tardos transmissa per annos
Deficit haud unquam venturos alma nepotes:
Ducite conjugibus, Parcae, sic ducite fila.

Aurea progenies ergo florebit in oris

Romuleis, si non vestris majoribus unquam,
 Nympha tuis simul alma, tuis simul inclyte Sponse,
 Dissimiles Latium natos, prolemque videbit;
 Utraque gens claro majorum gaudet honore:
 Ducite conjugibus, Parcae, sic ducite fila.

O venias formose puer: te voce vocare
 Audita per noctem umbrae manesque piorum
 Romulidum: seu bella juvent, seu civica jura,
 Seu libeat, rutilo spectandum effulgere in ostro
 Palladis inter opes musarumque otia sacra,
 Heic exempla tibi Tarpeja ex arce petantur:
 Ducite conjugibus, Parcae, sic ducite fila.

Quo tamen ah nimium fidens feror? ah male cauta
 Define musa: tibi nondum sunt grandibus aptae
 Vires, non dignae romano Consule laudes.
 Vatibus haec servant aliis dij facta canenda,
 Calliope quibus alma faver, quibus augur Apollo
 Jam nunc venturos tam claro e sanguine natos
 Enumerat gaudens, & fata arcana recludit.
 Fors & ego accingar, vires quum firmior usus
 Adjiciet. vos interea vitae aurea fila
 Pergite ducentes concordi numine Parcae.



IDYLLIUM II.

FACTA BARBARORUM IN PALESTINAM
INCURSIONE, CONQUERITUR
PASTOR BETHLAEUS

ALEXIS.

H Ostis adest : patriis extremum in collibus herbas
Carpite oves, tenero dum canent mollia rore
Gramina, & egelidis zephyrus strepit aliger auris.
Ite citae : Daphnis vos en agit. o bone Daphni
Pasce pecus, rabidoque agros quum torridus aestu
Sol findet, saturnum vitrei duc fontis ad undas,
Lucus ubi, & placidi Jordanis frigida ripa.
Ipse heic bethlaea moerens sub rupe jacebo ;
Rupe sub hac nostro juvet indulgere dolori.

Nil nostri misereris ? Alexis te tuus orat,
Ipse tua sub rupe dolens Bethlaeus Alexis ;
Cui saepe hirsutos longe a praesepibus urfos,
Et duros ovibus voluisti avertere morbos,
Te vocat auxilio o divum puer, o hominum rex.
Nam quid jam misero restat ? furit impius hostis,
Arma fremunt gentes vicinis undique regnis ;
Hinc Arabes, hinc en rapidis Memphitica pubes
Fertur equis. nos jam fuimus : pastoribus arva

Or-

Orbantur, stabula alta ruunt. quod gens tua tantum
 Flagitium admisit? diversas quaerere terras
 Cogor, & exilio sanctos mutare recessus
 Aeger, inops. vos o fontes, vos o juga celsa
 Thaboris, ah superum quondam lustrata choreis,
 Grata deo sedes; solymae vos pulcra valete
 Pascuaqua irriguique amnes sylvaeque lacusque.
 Tuque vale tu dia specus, tu conscia partus
 Virginei, dilecta vale domus. ergo ego numquam
 Te visam? numquam cunas, atque annua sancti
 Natalis jam sacra colam? quis limina sparget
 Pallenci viola & ferrugineo hyacintho
 Mollia odoratis miscens vaccinia calthis?
 Sertum quis puero nectet? vel carmina dicens
 Placabit pecori numen, pecorisque magistris?
 Phylli, rosas jam mitte; argutam pulcher avenam
 Frange manu o Coridon: fuerunt haec otia nobis;
 Pars Arabum montes, pharias pars ibimus oras.
 Ibimus heu! puer alme, neque echo garrula posthac,
 Non platani, aut resonae referent tua nomina valles.
 Nemo tui jam cultor erit, tibi munera suplex
 Nemo feret; densis heic crescet sentibus horrens
 Carduus, aut tygtis catulos heic aspera ponet.

Rupes o! felix rupes Bethlaea, tepentes
 Has lacrymas, hos & gemitus extrema doloris
 Signa mei cape, quaeque tuis nunc oscula faxis

In-

Infigo. mihi nulla gregis cura: ite capellae,
 Ite agni; pecus omne licet sit praeda luporum;
 Barbarus haec fata culta habeat, manuumque laborem,
 Nil moror: at sanctae rupis stet gloria semper,
 Semper honos stabuli. rapiat ferus omnia praedo,
 Heic ego felicem possim traducere vitam;
 Hoc precor, hoc unum puer o concede precanti.

Quid loquor ah demens? alias captivus in oras
 Abripiar: linquenda domus, qua vagiit Infans
 Dius, & agresti cubuit male fultus arista.
 Huc mea spes recidit? precibus nec flecteris ullis
 Alme puer: tibi vota quidem, tibi munera suplex
 Saepe tuli, puro colui te pectore semper.
 Heic mihi vicino crescunt canentia in horto
 Lilia, sunt casiae, sunt auricomi narcissi,
 Et lauri & myrti, quas, quum caper improbus ore
 Jam laesurus erat, poenas mihi sanguine solvit.
 Haec servo tibi dona, hinc ferta halantia nectam;
 Tu tantum ne sperne preces: hoc vivere in antro
 Da, precor; aut obstant si votis aspera fata,
 Heic saltem liceat letho finire dolorem.
 Ipse quidem moriar laetus, defessaque claudam
 Lumina, ubi primum vitales aetheris auras
 Tu puer hausisti casta demissus ab alvo.
 Jamque necem cupio: extincti miserebitur hostis,
 Et tumultu nostrae causam necis adder. Alexis
 Heic recubat pastor, qui letho amittere vitam
 Maluit, hoc absens quam longum vivere ab antro.

IDYLLIUM III.

EX MOSCHO LATINE VERSUM.

EUROPA.



D Ulce olim Europæ visum dea candida Cypri
 Immisit, noctis quum pars extrema rubentem
 Jam vocat auroram, jam nectare dulcior hyblae
 Affusus per membra sopor regit almus ocellos,
 Veraque noctivagis pascuntur somnia formis.
 Nam thalamis recubat dum tecti parte sub alta
 Filia Phoenicis tum virgo Europa, videbat
 Terrarum geminas pro se contendere partes,
 Afidaqua, Oppositamque. os virginis utraque habebat;
 Una peregrinae similis tamen, altera formae
 Indigenae, natamque suam sibi jure petebat
 Haec potiore; a se genitam memorabat, & annis
 Nutritam a teneris. at fortior illa volentem
 Hinc validis atque hinc manibus complexa trahebat;
 Scilicet Europen, fatorum lege suprema,
 Ab jove promissam dicens, sibi munus ut esset.

Virgo metu perculsa extemplo profilit alto
 E thalamo; veras ut res nam somnia vidit:
 Tum trepidans, tum muta diu consedit, utramque

Et

Et faciem vigilans praesenti in imagine cernit.
 Ut vero attonitae longo post tempore cessit
 Ille stupor, virgo sic fata: quis o! mihi divum
 Obtulit haec visa? aut quaenam haec me somnia terrent
 Suaviter irriguo perfusam membra sopore?
 Quae fuit, in somnis quam vidi, illa hospita? quam cor
 Perculit eius amor? quanto suscepit & ipsa
 Me studio, & blandis ceu gnatam adspexit ocellis?
 O mihi iam faciles bene vertant somnia divi!

Sic ait; & socias surgens compellat amatas
 Unanimes, aetate pares, & sanguine claras;
 Cum quibus illa jocos semper miscebat, iniret
 Seu choreas, puro ablueret seu corpus Anauro,
 Candida odoratis legeret seu lilia campis.

Convenere citae: stant florigeri calathifci
 In manibus, celerique petunt pede roscida prata,
 Prata mari vicina, simul quae semper adibant
 Et roseo foetu captae & resonantibus undis.

In medis calathum incedens Europa ferebat
 Aureolum, visu mirum, Vulcani opus ingens;
 Quem Lybiae dederat, petiit quum nympa cubile
 Neptuni; illa dedit formosae Telephaëssae,
 Sanguine quae fuerat sibi iuncta; haec munus habendum
 Praebuit Europae genitrix gnae. inclyta in illo
 Gesta faber varia caelarat daedalus arte.

Auro namque inerat sibi nondum reddita, nondum

Cor-

Corpore mutato, sed adhuc bos Inachis Io,
 Percita adhuc oestro, tendens per caerulea gressus
 Assimilis nanti: liquidis color additus undis
 Caeruleus. gemini juvenes stant desuper ora
 Licoris in summa; vultuque immotus uterque
 Miratur per salsa bovem maris aequora euntem.
 Jupiter heic inerat mulcens humentia colla
 Aequoreae vitulae; cui mox sua cornua dempsit
 Propter aquam, propter septemplicis ostia Nili
 Virgineam reddens converso corpore formam.
 Concolor argento Nili liquor ibat, athena
 Bos erat, ex rutilo fulgebat Jupiter auro.
 Circum autem, summa calathi sub parte rotundi,
 Ipse videbatur Maja generatus, & illi
 Proximus Argus erat centeno lumine clarus.
 Cujus purpureo volucris de sanguine nata
 Plaudibat pennarum hilari gavisa colore,
 Expandensque decus caudae, ceu carbasa picta,
 Aureoli extremum calathi circumdabat orbem.
 Tale opus, ac tali se munere laeta gerebat.

At nymphae postquam venere ad florea prata,
 Captae aliis aliae gaudebant floribus: ungui
 Narcissum haec tenero mollem legit; illa hyacinthum,
 Haec violam, aut halans serpyllum; lapsaque passim
 Et folia & frondes verna tellure jacebant.
 Nec minus errantes aliae decerpere flavum

Instabant in ferta crocum : media ipsa legebat
 Puniceam Regina rosam , formosior una
 Tanto aliis , quanto Charifin Venus aurea praestat .

Sed neque erat florum studio , neque virginis illa
 Nomine laeta diu mansura . ut vidit ab axe
 Namque deum genitor nympham , penetrabile telum
 Sensit acydaliae veneris , quae sola vel ipsum
 Vincere sueta Jovem , magno succendit amore .
 Ille quidem effugere & rabiem Junonis iniquae ,
 Fallete & incautae cupiens cor molle puellae ,
 Occuluit numen , mutato & corpore sese
 Induit in taurum ; non ad praesepia qualis
 Pascitur , aut curvo terram proscindit aratro ;
 Non qualis ludit pecora inter agrestia campo
 Luxurians ; nec qualis item , stridentia multo
 Edomita cervice trahit qui pondere plaustra .
 Corpore flavus erat toto , sed candidus albe
 Fronte bovis media splendebat circulus ; olli
 Glauci oculi , & blando fulgebant igne corusci ;
 Tum paria hinc atque hinc surgebant cornua celfo
 E capite ; haud aliter quam quum nova cynthia caelo
 Invehitur , curvaque nitet nondum integra fronte .

Iamque aderat : veniens pavidas non ille puellas
 Terruit adspectu ; sed cunctae accedere gaudent ,
 Sed placidum manibus taurum contingere , vernum
 Cujus odor dius prati superabat odorem .

Eu-

Europae stetit antè pedes, collumque superne
 Lambebat mulcens: pariter formosa puella
 Contingitque ipsum, niveasque abstergit ab ore
 Lacta suis manibus spumas atque oscula figit.
 Mugit haec inter bos lene: audire putares,
 Mygdonia argutam fundit quam tibia, vocem;
 Molliaque inflexit crurum curvamina, & herba
 Procidit in viridi nympham cervice reflexa
 Adspiciens, praebensque adstanti grandia terga.

Tum virgo tali voce est affata sodales:
 Dilectae o sociae properate; insidere tauro
 Hoc juvet: ille quidem dorsum jam stravit, & omnes
 Ceu ratis excipiet. visu est quam lenis, & ore
 Blandus hic! haud aliis similis: mens infidet illi,
 Mens hominum facilis, solius & indiga vocis.

Dixerat, ac ridens tergo confedit in alto:
 Dumque aliae accingunt sese, jam virgine amata
 Exiit rapta taurus, gressuque volucris
 Se freta proripuit citus ad neptunia. at illa
 Desertas moesta conclamat voce sodales,
 Brachiaque incassum tendit; non ulla sequendo
 Cursum aequare valet. namque ocyor ille relinquens
 Litora, ceu rapidus delphin, maria alta secabat.
 Grandibus at phocis investae gurgite ab imo
 Nereides venerunt omnes, atque agmine pulcro
 Implicuere choros; summas perlabitur undas

Ne-

Neptunus pater ipse rotis, magnoque tridente
 Sternit iter fratri. circum glomerantur in orbem
 Humida gens ponti Tritones, laetaque conchis
 Carmina raucifonis laetosque canunt hymenaeos.

Nympha jovis magni taurino in corpore fidens
 Hac tenet incurvum cornu bovis, aurea ac illa
 Daedaleae collecta manu velamina vestis;
 Ima tamen spumat canenti fimbria fluctu.
 Ast humeros circum vestis sinuosa tumebat,
 Ceu navis quum vela tument, nymphamque levabat.
 Quae postquam patria longe a tellure recessit,
 Nec jam usquam apparet litus, nec culmina celsa
 Vertice frondifero; caelum undique & undique fluctus
 Se circum ut vidit, tales dedit ore loquelas:

Quo divine vehis bos raptam? quisnam es? & o qua
 Arte viam carpis, gravibusque insistere ponto
 Haud horres pedibus? maris unda est pervia pandis
 Navibus, horrescunt fortes vagæ caerulea tauri.
 Heic tibi qui potus dulcis, quae pabula in undis?
 An deus es? superos at cur quod dedecet, ultro
 Ipse facis? lucis nec delphin curvus in altis,
 Sylvicolae nec tauri errant in gurgite; at ipse
 Per terramque ruis pelagusque: dat ungula remos.
 Fors etiam volucris sublimis in aera nisu
 Effugies, summumque petes novus ales olympum.
 Me miseram! longe patris quae sede relicta

K

Haud

Haud ullas timui infidias, taurumque sequuta
Sola per undisonos temere vagor avia tractus.
Tu facilis Neptune, maris cui tradita cura est,
Adsis o! propiusque iuves: da visere tandem
Te comitem cursusque ducem. sine numine divum
Non ego monstriferas ponti feror acta per undas.

Sic illa; at contra taurus sic corniger infit:
Sume animos, Virgo, pelagi nihil unda nocebit.
Namque ego sum, quamvis videar bos esse tuenti,
Jupiter: in quodcumque volo, me vertere possum.
Nunc adeo tuus altus amor pulcherrima tauro
Assimilem, longum fecit, misirier aequor.
Te Creta incolumem capiet, quae me quoque parvum
Nutrit; ipsa illic mecum iungere hymenaeo,
Magnanimosque dabis gnatos, qui ditia regna
Sceptraferi in cunctis magna ditione tenebunt.

Haec fatus, fecit rata dicta; apparuit undis
Creta; aliam in formam se Jupiter induit, & jam
Connubium celebrat, circum famulantibus Horis;
Illaque virgo prius, magni tum sponsa Tonantis
Progeniem dedit & gavisâ est nomine matris.




IDYLLIUM IV.

EX GRAECO BIONIS SMYRNAEI

Idyll. 1.

PARODIA IN MORTE ALEXIS.



O Cecidit heu pulcher; pulcrum lugemus Alexin:
 Occidit heu! mecum lugent & Alexin Amores.
 Ne recubes jam purpureo sub tegmine Phylli,
 At surgens atrata sinus, percussaque palnis
 Pectora, dic periit, periit dic pulcher Alexis.

Occidit heu! mecum lugent & Alexin Amores:
 Taygeti misere jacet ille in collibus album
 Saucius albenti femur apro, angitque parentem
 Phyllida vix spirans. ater per membra volutus
 It nivea heu sanguis, languentia lumina torpent,
 Atque rosae fugiunt labris; simul oscula blanda
 Dispercunt, quae non mater miseranda relinquet:
 Cara vel extincti matri sunt oscula; at ille
 Oscula quod figat morienti plurima, nescit.

Occidit heu; mecum lugent & Alexin Amores.
 Dirum vulnus habet, dirum formosus Alexis;
 Majus corde tamen vulnus fert mater in imo.
 Circa illum complentque canes ululatibus auras,

K 2

Et

Et nymphae lacrymantur Oreades : ipsaque Phyllis ,
 Sparfa comas , solis moerens in saltibus errat ,
 Moerens , nuda pedem ; sua quo vestigia vertit ,
 Et laniant fentes , materno & sanguine rorant .
 Ipsa tamen fertur per longas anxia valles ,
 Dilectumque iterat nomen , puerumque requirit .
 Illius interea saliens e vulnere sanguis
 Ibat , & undanti rivo foedabat honestum
 Pectus , foedabatque sinum ; rubet ilia tabo .

Heu miseram heu teneri plorant & Phyllida Amores :
 Illa simul puerum amisit , simul oris honorem ;
 Pulchra fuit Phyllis , pulcher dum vixit Alexis ,
 Forma abiit matri , simul ac puer occidit . heu heu
 Et fluvii jam Phylli tuum flent aurea luctum ,
 Et fontes o Alexi gemunt te in collibus altis .
 En flores luctu rubuere , en anxia mater
 Tristibus implevit collesque urbemque querelis .

Ah misera ah Phylli ; periit formosus Alexis :
 Reddidit atque Echo , periit formosus Alexis :
 Quis dirum matri casum non lugeat ? heu ! heu !
 Ut vulnus crudele parens , ut vidit Alexin ,
 Purpureum ut vidit circum latera ima cruorem ,
 Brachia protendens flendo dicebat : Alexi ,
 O mane , Alexi , ut te supremum perdita visam ,
 Ut te complectarque , labris jungamque labella .
 Tum si quis cedente anima super halitus errat ,

Oscu-

Oscula ne tantum invidas suprema, fugacem
 Ore legam cupido, luctumque explere juvabit.
 Saltem haec, tu quoniam me jam fugis, oscula mecum
 Servabo, extremum hoc munus morientis habebo.
 Ah procul hinc dilecte fugis; regemque tremendum,
 Taenariosque petis manes. ego perdita vivam,
 Fas matri nondum tecum descendere ad orcum.
 Tu puerum tu diva meum Proserpina natum
 Accipe, tu potior: formosum est quidquid ubique,
 In tua jura fluit. me me crudelia flentem
 Fata premunt; nostro tu contra es laeta dolore.
 Sic moreris, mea cura? simul jucunda voluptas
 Ceu sopor in tenuis fugiens ~~evanuit~~ auris:
 Orba tua est genitrix: tecum spes irrita cessit,
 Atque domus cessit columen. malefane quid aprus
 Venabare, feras cur tam formosus adibas?
 Sic flebat Phyllis; flebant cum Phyllide Amores.

Ah misera ah Phylli; periit formosus Alexis:
 Illa tot effudit lacrymas, quot fudit Alexis
 Sanguinis exspirans guttas; fletusque cruorque
 In varios abeunt flores, tellure recepti:
 Lilia sunt fletu prognata, ~~cruore~~ Amaranthus.

Occidit heu pulcher; pulcrum lugemus Alexin.
 In sylvis natum genitrix ne perdita piores;
 Heic torus, heic illi thalamus bene cultus, Alexis
 Heic cubet: extinctus quamvis, est pulcher Alexis,

Exanimis certe est pulcher; potiusque sopore,
 Quam domitum letho dicas. nunc mollibus illum
 Pone, suis cubet ut in vestibus, in quibus olim
 Assuevit sacros per noctem carpere somnos:
 Serta inter floresque illum nunc pone; sed una
 Cum puero extincto florum est extincta venustas.
 Circum & odoratis irrorata unguenta alabastris
 Perfundens: sed non bene olent jam balsama, Alexis
 Quum periit, quum fugit odor tuus optime Alexi.

Mollis puniceo. jacet en velamine reclusus
 Ah dolor, & puerum pueri lacrymantur Amores:
 Detonsique comas, invisa hic *spicula* spargit,
 Ille arcum iratus pedibus premit, ille pharetram.
 Pennigeram frangit; pulcros parat ille cothurnos
 Solvere ab extincti sura; gerit iste lebetas
 Auratos, vulnusque lavat frigentis apertum
 Rore superfuso, atque alis permulcet Alexin.

Ipsam omnes plorant ipsam quoque Phyllida Amores,
 Exstinxitque faces Hymen, sarta omnia rupit
 In foribus, puero quae forte parabat; & heu heu
 Carmen triste sonat, non Hymen o Hymenace;
 Heu heu propter Alexin adhuc magis, heu hymenaeum.

Phyllidis heu natum Charites flent; pulcher Alexis
 Et periit, dicunt alterna voce querentes,
 Alta voce magis dicunt, quam Phyllis & ipsa.
 Parcae etiam pulcrum Parcae lacrymantur Alexin,

Et

Et revocant cantu, sed jam nequit ille vocantes,
 Non audire velit; retinet Proserpina caprum.
 Ergo modum lacrymis Phylli nunc pone; relictis.
 Nam choreis epulisque alio plorabis & anno.

F I N I S.



Typogr. errores sic Corrige.

Pag. 13.	v. 25.	intet	inter
pag. 23.	v. 4.	contedere ,	contendere ,
pag. 26.	n. 9	po-us ,	potius ,
pag. 61.	v. 9.	dijecta	disjecta
pag. 61.	v. 10.	compagibns	compagibus
pag. 75.	v. 9.	paragrato	peragrato
pag. 111.	v. 2.	purpereis ;	purpureis .

Si quo in loco littera ulla geminata male , ut in verbo *Eno* , vel *Enato* , aut male adspirata , ut in voce *Telegonus* , nescio quo pacto irrepserit , facile ignoscas Lector , ac tute corrigas , oro .

MAG 20 23792

